




Tabta Horumarinta Karaanka Bulshada Soomaaliyeed



Oktoobar 2020

Somalia's Education Sector: Fostering Skills Through A Demand-driven Education System



Heritage Institute for Policy Studies
and City University of Mogadishu
July 2020

Somalia's Healthcare System: A Baseline Study & Human Capital Development Strategy



Prepared by: Ali A. Warsame, Ph.D.
For the Heritage Institute for Policy Studies
and City University of Mogadishu
May 2020

Productive Labor and Employment Creation for Somalia: Key Challenges and Strategies



Heritage Institute for Policy Studies
and City University of Mogadishu
July 2020

Somalia's Agriculture and Livestock Sectors: A Baseline Study And A Human Capital Development Strategy



Dr. Hussein Haji and Dr. Mohamed Farah Shirdon
For the Heritage Institute for Policy Studies
and City University of Mogadishu
July 2020

Somalia Fisheries: Untapped Potential Held Back By Skills Shortage



Prepared by: Abdirahman J. Kulmiye, Ph.D.
For the Heritage Institute for Policy Studies
and City University of Mogadishu
May 2020

Human Capital Development Strategy for Somalia



OCTOBER 2020

Halkan kala soodeg dhammaan daraasaadka Machadka Heritage:

www.heritageinstitute.org

Ama barta internetka ee loo dhisay Tabta Horumarinta Karaanka Bulshada Soomaaliyeed:

www.humancapital.so

Nagala Soco:

 <https://www.facebook.com/HIPSINSTITUTE/>

 <https://twitter.com/HIPSINSTITUTE>

Nagala soo Xiriir:

 contact@heritageinstitute.org

Xuquuqda qoraalkani waxa ay u dhawran tahay © 2020 | Machadka Heritage ee Daraasaadka iyo Jaamacadda City ee Muqdisho.

Akhristaha waxaa loo ogol yahay inuu rogto, sawirto ama daabacdo qoraalkan haddii aannu ka ganacsanayn. Xuquuqlayaashu, Machadka Heritage ee Daraasaadka iyo Jaamacadda City ee Muqdisho, waxa ay codsanayaan mahadnaq iyo nuql wixii aad daabacdo ah. Isticmaal nuqlinka asalka ah ee ku jira barta Internetka ee HIPS <http://www.heritageinstitute.org/> ama www.humancapital.so haddii aad Internetka soo galinayso.

© Heritage Institute for Policy Studies and City University of Mogadishu, 2020.

Contents

Hordhac	5
Mahadnaq	6
Dulucda Cilmi-Baarista	9
Ujeeddooyinka Muhiimka ah Waxaa ka Mid ah	9
Mabaa'diida Hagaya Cilmi-Baarista	10
Aaminaadaha (Qiyamka) Aasaasiga ah ee Horumarinta Karaanka Bulshada	10
Habraaca Cilmi-Baarista	11
Qeexidda Karaanka Bulshada	11
Natiijooinka Muhiimka ah ee Shanta Daraasadood ee Gundhigga ah	13
Tacliinta	13
Caafimaadka	13
Shaqada iyo Shaqaalaha	15
Beeraha iyo Xoolaha	15
Kalluumaysiga	17
Qodobada Muhiimka ah ee Tabta Horumarinta Karaanka Bulshada	18
Tabaha/Istiraatijiyooyinka Meelaha Badan Khuseeyaa	18
Aqoon-Yahanka Cilmi-Baarista ka Qayb Qaatay	21
Waa Maxay Karaanka Bulshadu?	26
Barnaamijka Horumarinta Karaanka Bulshada	28
Mabaa'diida Hagaya Mashruucan Waxaa ka Mid ah	29
Habraaca Cilmi-Baarista	30
Ilaha Xogta, Qaabka la Raacay iyo Hagayaasha	30
Uruurinta Xogaha Tiroraaca ah (Quantitative) iyo Falanqayntooda	31
Agaasinka Xogta Tiraabramaaca ah (Qualitative) iyo Lafo-Guridda Waraysiyada	31
Gaabiska Daraasadda	32
Dib u Eegidda Xaaladda Horumarinta Karaanka Bulshada	32
Casharradii Joordan ay ka Baratay Cilmi-Baaristeedii Lixda Waddan	34
Qaybaha Tabta / Istiraatijiyadda Horumarinta Karaanka Bulshada	35
Is Waafajinta Horumarinta Karaanka Bulshada iyo Xaaladda Dalka	36
Xaaladda Soomaaliya	38
Nabadgalyada	38
Syaasadda	40
Xiriirka Arrimaha Dibadda	42
Dhaqaalaha	45
Xaaladda Banii'aadminimo iyo Horumarineed	46
Tabta Horumarinta Karaanka Bulshada ee Qaran	48
Tabaha Horumarinta Karaanka Bulshada ee Dhinacyo Badan Taabta	50
Tabaha Horumarinta Karaanka Bulshada ee Waax Kasta	52
Caqabadaha Curyaamiyey Waxbarashada	53
Xalka, Tabaha iyo Tallaaboooyinka Istiraatijiiga ah ee Lugu Horumarin Karo Caafimaadka	64
Caqabadaha Curyaamiyey Shaqada iyo Shaqaalaha	70
Caqabadaha Curyaamiyey Ila-Dakhliyeedka Beeraha iyo Xoolaha	75
Caqabadaha Curyaamiyey Kalluumaysiga	83

Hordhac

Hindise cusub oo ay iska kaashadeen Machadka Heritage ee Daraasaadka iyo Jaamacadda City ee Muqdisho oo ay taageerayeen in ka badan labaatameeyo aqoonyahanno iyo la taliyaal caan ah ayaa sameeyey cilmi-baarlis balaaran oo ku saabsan horumarinta karaanka bulshada Soomaaliyed. Cilmi-baaristaasi waxa ay diiradda saartay caafimaadka, shaqada iyo shaqaalaha, waxbarashada, kalluumaysiga, xoolaha iyo beeraha.

Ujeeddada ugu weyn ee hawshani waxa ay ahayd soo saaridda tabtii ugu horraysey ee horumarinta karaanka bulshada Soomaaliyed. Waxa aannu il gaar ah ku eegnay sida bulsho bedqabta oo xirfad leh ay u isticmaali karto kheyraadkeeda dabiiciga ah si loo helo horumar waara. Waxaa kale oo aannu baarnay sida ugu wanaagsan ee loo dhiirri gelin karo loona midayn karo saamileyda horumarinta karaanka bulshada gaar ahaan dowladda federaalka, dowlad goboleedyada, bahda tacliinta iyo shirkadaha gaarka loo leeyahay.

In ka badan 1,000 qof oo danaysa horumarinta karaanka bulshada oo ka kale socda dowladda iyo shirkadaha gaarka loo leeyahay, iyo bahda waxbarashada ayaa ka qayb qaataay cilmi-baaristan gunta dheer ee aan iyada oo kale wali Soomaaliya laga samayn.

In ka badan 1,000 qof oo danaysa horumarinta karaanka bulshada oo ka kala socda dowladda iyo shirkadaha gaarka loo leeyahay, iyo bahda waxbarashada ayaa ka qayb qaataay cilmi-baaristan gunta dheer ee aan iyada oo kale wali Soomaaliya laga samayn. Wasaaradda Qorshaynta Soomaaliya kolkii ay dib u eegtay natiijooyinkii hordhaca ahaa ee daraasaddan, waxa ay u aqoonsatay horumarinta karaanka bulshadu in ay tahay *ahmiyad qaran*.

Daraasaddani ma hirgasheen haddii aannaan kaalmo balaaran ka helin dowladda federaalka ee Soomaaliya iyo dowlad goboleedyada. Waxaa qayb libaax ka qaataay dhaqaajinta iyo dhammaystirka daraasaddan Wasiirka Qorshaynta Qaranka, Xildhibaan Jamaal Maxamed Xasan iyo wasiirkii hore ee Shaqada iyo Adeegga Bulshada, Xildhibaan Saalax Axmed Jaamac. Waxaa kale oo door muhiim ah ka qaataay ebyidda daraasaddan xubno badan oo dowladda dhexe ka tirsan. Kuwaa waxaa ka mid ah Wasiirka Waxbarashada Cabdullaahi Goodax Barre, wasiirkii hore ee waxbarashada Cabdiraxmaan Daahir Cismaan, wasiirkii hore ee Shaqada iyo Shaqaalaha, Sadiiq Warfaa, Wasiir ku-xigeenka Caafimaadka, Maxamed Siciid, Wasiirka Maaliyadda Dr. Cabdiraxmaan Bayle iyo Wasiir ku-xigeenkiisa Dr. Cabdullaahi Sheekh Cali. Sidaa oo kale waxaa door weyn ka ciyaaray dhammaystirka daraasaddan madaxda haatan iyo kuwii hore ee dowlad goboleedyada dalka.

Maxsuulka xuddunta u ah daraasaddani waa tabta ama istiraatijiyadda qaran ee horumarinta karaanka bulshada iyo tallaabooyinka gaarka u ah laamaha kala duwan sida bahda waxbarashada, shaqo abuurayaalka ama dowladaha sida midda federaalka ama kuwa gobolada. Tabta ama istiraatijiyadda daraasaddan waxaa weheliya talooyin muhiim ah sida midaynta dadaalka saamileyda horumarinta karaanka bulshada, abuuridda nidaam qaran oo shahaadooyinka la xiriira , abuuridda qiyam ama dareen qaran iyo maskax u diyaarsan tababarrada farsamada gacanta iyo xirfadaha (TVET) iyo kobcinta ilaha wax soo saarka (beeraha, xoolaha iyo kalluumaysiga).

Cilmi-baaristani ma ahayn mid aannu wax ka barannay oo kaliya, waxa ay sidaas oo kale ahayd mid na tustay gaabiskayaga. Waxa ay qeexday caqabadaha horyaalla horumarka Soomaaliya. Maaddaama aannu qayb ka nahay hoggaanka sare ee nidaamka waxbarashada ee dalka, waxa aannu u haysanay in aannu si wakan u fahamsan-nahay qotodheerida iyo baaxadda caqabadaha ku teedsan horumarka karaanka bulshada. Laakiin daraasaddani waxa ay nagu qancisay in wax badan ay naga dahsoonaayeen. Sidaa awgeed, waxa aannu ku kalsoonahay saamileyda akhrin doonta daraasaddan iyo tabaha ama istiraatijiyooinka la socota in ay nagu raaci doonaan in ay lama horaan tahay in fulinta tabtan la siyo mudnaan qaran.

Bare Sare, Cabdullaahi Axmed Bariise
Madaxweyne, Jaamacadda City, Muqdisho

Cabdirashiid Khaliif Xaashi
Agaasimaha Machadka Heritage

Mahadnaq

Waxaan mahad balaaran u celinaynaa Soomaalidii 1,000 qof ka badnayd ee aannu la tashannay si aannu usoo saarno lix (6) daraasadood oo gundhig ah iyo tabta qaran ee horumarinta karaanka bulshada ee la socota, aadna hadda akhrinayso. Haddii aannan helin dadkaas taageeradooda iyo ka qayb-qaadashadooda, daraasaddani ma soo baxdeen.

Cilmi-baaristani waxa ay cuskatay kaalmada, ka qayb-qaadashada iyo hagidda madaxda lix wasaaradood oo muhiim ah. Wasiirka Qorshaynta, Maalgalinta iyo Horumarinta Dhaqaalah, Danjire Jamaal Maxamed Xasan iyo shaqaalah wasaaraddiisa; wasiirkii hore ee Shaqada iyo Arrimaha Bulshada, Saalax Axmed Jamac oo hadda ah wasiirka dastuurka iyo wasiirka haatan ee Shaqada iyo Arrimaha Bulshada, Sadiiq Warfaa iyo shaqaalah wasaaraddaas; wasiirkii hore ee waxbarashada Cabdiraxmaan Daahir Cismaan iyo intii la shaqaynesey; wasiirka caafimaadka Dr. Fowziya Abiikar iyo wasiir ku-xigeenka Maxamed Siciid iyo shaqaalah wasaaraddaas.

Waxa aan sidaa oo kale u mahad celinaynaa hoggaanka wasaaradda waxbarashada: wasiir Cabdullaahi Goodax Barre, wasiiru dowlaha Cabdiraxmaan Maxamuud Cabdulle (Jaabir), wasiir ku xigeenka Faysal Cumar Guuleed, Agaasimaha Guud Axmed Yuusuf, Agaasimaha Qorshaynta iyo Dakhliga Khadiija Cabdullaahi Jimcaale, Agaasimaha TVET, Cabdicasiis Nuur Maxamed iyo la taliyayaasha sare Dr. Ibraahim Axmed Maxamed iyo Dr. Cabdullaahi C. Cumar. Waxa aan sidaa oo kale mahadcelin gaar ah u diraynaa wasiir ku-xigeenka wasaaradda maaliyadda, Dr. Cabdullaahi Sheekh Cali (Qaloocow.) Dr. Cabdullaahi waxa uu taageeray kana qaybqaatay kulan-hawleedkii daraasaddan ee lagu qabtay Muqdisho 29 Abril 2019, kaa oo ay ku kulmeen saamileyda horumarinta karaanka bulshada.

Waxa aan iyana u mahadcelinaynaa dhammaan madaxweynayaashii hore iyo kuwa haatan ee dowlad goboleedyada kuwaa oo taageeray fududeeyeyna cilmi baaristii la xiriirtay horumarinta karaanka bulshada ee aannu ka samaynay goboladooda. Kuwaa waxaa ka mid ah Madaxweynaha Koonfur Galbeed Cabdicasiis Xasan Maxamed (Laftagareen) iyo Madaxweynihii hore Shariif Xasan Sheekh Aadan; Madaxweynaha Puntland Siciid Cabdullaahi Deni iyo Madaxweynihii hore Dr. Cabdiweli Cali Gaas; Madaxweynaha Jubbaland Axmed Maxamed Islaan; Madaxweynaha Hirshabeelle Maxamed Cabdi Waare iyo ku-xigeenkiisa Cali Cabdullaahi Guudlaawe; iyo madaxii goleha wasiirada ee Galmudug Sheekh Shaakir Cali Xassan. Madaxweyne Cabdiweli Gaas waxa uu si garasho leh u martiqaaday cilmi baarayaashii waxa uuna codsaday in ay golhiisa wasiirada kala hadlaan muhiimadda horumarinta karaanka bulshada.

Waxa aan mahad balaaran u haynaa wasiiradii ka qayb galay kulankii sanadlahaa ahaa ee Aragti Wadaagga ee Machadka Heritage (AFI2019) kaas oo lagu qabtay Jamhuuriyadda Jabbuuti bishii Disember 2019 laguna falanqeeyey horumarinta karaanka bulshada. Wasiirada Arrimaha Dibadda, Danjire Axmed Ciise Cawad iyo Wasiirka Maaliyadda, Cabdiraxmaan Ducale Bayle ayaa khudbado muhiim ah ka jeediyeey.

Waxa aan sidaa oo kale u mahadnaqaynaa Wasiirrada Dastuurka iyo Waxbarashada Saalax Axmed Jaamac iyo Cabdullaahi Goodax Barre oo taageeray mashruuca horumarinta karaanka bulshada. Waxaa mahad gaar ah mudan saraakiisha sare ee Wasaaradda Qorshaynta, Maalgalinta iyo Horumarinta Dhaqaalah kuwaa oo uu hormuud ka yahay Xoghayaha Joogtada ah Cabdulqaadir Aadan.

Waxaa mahad gaar ah mudan wasiirrada qorshaynta ee dowlad goboleedyada, gaar ahaan wasiirkii hore ee Qorshaynta Jubbaland Aadan Ibraahim Aw-Hirsi, Wasiirka Qorshaynta ee Koonfur Galbeed Axmed Madoobe Nuunow, Wasiirka Qorshaynta ee Puntland Shire Xaaji Faarax, Wasiir ku-xigeenka Qorshaynta ee Hirshabeelle Cabdixamiid Maxamed Cali iyo Wasiirka Qorshaynta ee Galmudug Cabdikaafi Maxamuud.

Waxaa cilmi-baaristan taageeray kana qayb qaataj kulankii saamileyda kala duwan ee aannu Muqdisho ku qabannay, wasiirada dowlad goboleedyada ee waxbarashada, shaqada iyo shaqaalaha, caafimaadka iyo arrimaha dumarka. Waxa aan si gaar ah ugu mahadcelinaynaa wasiirada kala ah wasiirka Caafimaadka ee dowlad goboleedka Jubbaland Mursal Mohamed Khaliif, Wasiirka Waxbarashada ee Galmudug Axmed Deeq Falko; Wasiirkii hore ee Waxbarashada Jubbaland marxuum Maxamed Ibraahim Maxamuud (Alle ha u naxariistee); Wasiirka Waxbarashada ee Koonfur Galbeed Cabdiraxmaan Cismaan; Wasiir ku xigeenka Wasaaradda Waxbarashada Hirshabeelle Muumin Tuure Cabdullaahi; Wasiirkii hore ee Waxbaarshada ee Koonfur Galbeed ahna wasiirka haatan ee Arrimaha Gudaha Maxamed Abuukar; iyo Wasiirkii hore ee Arrimaha Gudaha ee Koonfur Galbeed Maxamed Nuur Madoobe Nuunow.

Mahad gaar ah waxa aan u diraynaa wasiirradii ka kala socday dowlad goboleedyada ee ka qaybqaatay kulankii u horreeyey ee Muqdisho oo ay isugu yimaadeen saamileyda kala duwan ee arrimahan danaysa. Wasiirka Waxbarashada ee Jubbaland marxuum Sheekh Maxamed Ibraahim; Wasiir ku xigeenka Arrimaha Dumarka iyo Xuquuqul Insaanka ee Hirshabeelle Xaliima Cali Siciid; Wasiirka Shaqada iyo Shaqaalaha ee Koonfur Galbeed Faysal Cabdullaahi Ibraahim; Wasiiru-dowlaha Madaxtooyada ee Hirshabeelle Cabdullaahi Maxamed Caddow; Wasiir ku-xigeenka Shaqada iyo Shaqaalaha ee Hirshabeelle Cabdikariim Maxamed Diiriye; Wasiir ku-xigeenka Arrimaha Dumarka ee Koonfur Galbeed Shamso Maxamed Yarow; iyo Wasiir ku-xigeenka Caafimaadka ee Puntland Cabdinaasir Xaaji Yuusuf.

Waxaa sidaa oo kale aad u mahadsan Wasiirka Arrimaha Dumarka ee Jubbaland Qamar Deeq Xaaji Khaliif oo aan ku waraysanay magaalada Kismaayo iyo Wasiir ku xigeenkii hore ee Arrimaha Dumarka ee Puntland Maryam Axmed Cali.

Wakiilo ka kala socda bulshada rayadka ah, shirkadaha gaarka ah iyo bahaad tacliinta ayaa qayb libaax ka qaataj xog uruurintan. Waxa aan si gaar ah u xusaynaa Madaxa Hormuud, Axmed Maxamuud Yuusuf (Axmed Sacuudi) oo aannu la yeelanay wadahadal dheer oo ku saabsan shaqo abuurka iyo caqabada horyaala ganacsiyada gaarka loo leeyahay. Rugta ganacsiga ee dalka iyo rugaha maamul goboleedyada ayaa sidaa oo kale door muhiim ah ka cayaaray hawshan. Waxa aan u mahad-celinaynaa Madaxweyne ku-xigeenka Rugta Ganacsiga Soomaaliyeed Cabdirashiid Caynaanshe; Gudoomiyaha Rugta Ganacsiga ee Puntland Maxamed Caydiid; Gudoomiyaha Rugta Ganacsiga ee Koonfur Galbeed Xaaji Axmed Isaaq; Gudoomiyaha Rugta Ganacsiga ee Hirshabeelle Xaliima Fiidow; iyo Gudoomiye ku xigeenka Rugta Ganacsiga ee Jubbaland Maxamed Shariif.

Waxaa mahadsan bah-wadaagtayada waxbarshada oo aannu taageero ka helnay. Gaar ahaan kuwii ka kala socday jaamacadaha Muqdisho, Kismaayo, Baydhabo iyo Garowe. Waxaa ka mid ahaa Madaxweynihii hore ee Jaamacadda Kismaayo, Cabdulqaadir Sheekh Maxamed Xikam; Madaxweynaha Jaamacadda Koonfur Galbeed, Maxamed Xaaji Xuseen; iyo asxaabtayada Jaamacad Goboleedka Puntland (JGP), Jaamacadda Bariga Afrika, Jaamacadda Muqdisho, Jaamacadda Magaalada Muqdisho, iyo Jaamacadda Banaadir. Waxa aan sidaa oo kale jecelnahay in aan xusno hoggaanka ururada dalladda waxbarashada Muqdisho gaar ahaan Cabdulqaadir Xasan Axmed (Kadle) oo na siiyey xogo muhiim ah kana qayb qaataj doodihii aqoon is-weydaarsiga, uruurinta xogta iyo hubinta sax ahaantooda.

Wakiilo iyo afhayeeno matalaya dadka naafada ah ayaa qayb muhiim ah ka qaata cilmi-baaristan. Si gaar ah waxa aan ugu mahadcelinaynaa Maxamed Haaruun Maxamuud oo la taliye noo ahaa aadna wax uga qoray arrimaha naafada; Cabdiraxmaan Maxamed Faarax (Luunge) oo ah xubin si muuqata ugu dhaqdhaqaqa arrimaha naafada; iyo Agaasimaha Waaxda Dadka Baahida Gaarka ah leh ee Wasaaradda Waxbarashada ee Galmudug, Axmed Maxamed oo daraasaddan ku daray aragtiyo iyo tabarucaadyo muhiim ah.

Mashruucan waxaa hindisay oo maalgaliyey Sanduuqa Xasillinta Soomaaliya (SSF). Mashruucani ma hirgaleen haddii aannaan heli lahayn tageerada iyo hoggaaminta dhammaan SSF, gaar ahaan maamulayaasha maalgalinta Ibraahim Cabdi, Faadumo Cabdullaahi iyo Vishalini Lawrence. Wawaan sida oo kale u mahadcelinaynaa la talilaya SSF isla markaana ah xeeldheere horumarinta karaanka bulshada, Lee Sorensen, oo mar walba taageero buuxda la garab taagnaa cilmi-baaristan. Lee waxa uu qoray qaybta sababaynta qoraalka Horumarinta Karaanka Bulshada (HKB) taa oo xoogga saartay is barbardhigga caalamiga ah iyo casharada laga baran karo meelaha kale.

Waxa aan mahad balaaran u celinaynaa maalgaliyayaasha muhiimka ah ee Machadka Heritage sida, SIDA (Sweden) and SDC (Switzerland.) La'aantood machadku ma awoodi lahayn inuu ka qayb-qaato ama saamayn muuqata uu ku yeesho cilmi-baarista Soomaaliya.

Mahad gaar ah ayaannu u haynaa dowladda Djibouti, gaar ahaan Mudane Madaxweyne Ismaacil Cumar Geelle oo isagu maalgaliyey shirkii sanadlahaa ahaa ee talo wadaagga ee 2019. Shirkaa waxaa dhextaal u ahaa horumarinta karaanka bulshada, waxaana lagu soo bandhigay natijjooyin hordhac u ah ee daraasadda.

Ugu dambayntii waxaan mahad kal iyo laab ah u diraynaa cilmi-baarayaasha, aqoonyahannada iyo shaqaalahaa Machadka Heritage iyo Jaamacadda City ee Muqdisho kuwaas oo dadaal iyo wakhti badan u huray dhammaystirka iyo soo saaridda cilmi-baaristan.

Cabdulkareem Xasan Jamaac
M/K iyo Hormuudka Jaamacadda
City, Muqdisho ahna Agaasimaha
Mashruuca Horumarinta Karaanka
Bulshada

Bare Sare, Cabdi Maxamed Kuusow
Jaamacadda Gobolka Iowa
Cilmii-baare Sare, Heritage Institute

“

*Wasaarado muhiim
ah oo dowladda
dhexe iyo dowlad
goboleedyada ka
mid ah ayaannu
ka helnay xogo
wax ku ool ah,
gaar ahaan
Wasaaradaha
Qorshaynta,
Shaqada iyo
Shaqaalaha,
Waxbarashada iyo
Caafimaadka*

Dulucda cilmi-baarista

Cilmi-baaristani waxa ay ka dhalatay mashruuc iskaashi oo labo (2) sano qaataj, kaas oo ay ujeeddadiisu ahayd qiimeyn taaraanka bulshada Soomaaliyeed iyo abuuridda tab ama istiraatajiyo asal ah oo dhammaystiran, taas oo ku aaddan abuuridda karaan bulsho oo waara.

Iskaashi ay sameeyeen Machadka Heritage iyo Jaamacadda City ee Muqdisho ayaa soo bandhigay shan (5) daraasadood oo gundhig ah, kuwaa oo soo qaddimay tabta lagu horumarin-karo karaanka bulshada Soomaaliyeed. Wasaarado muhiim ah oo dowladda federaalka iyo dowlad goboleedyada ka mid ah ayaannu ka helnay xogo wax ku ool ah, gaar ahaan Wasaaradaha Qorshaynta, Shaqada iyo Shaqaalaha, Waxbarashada iyo Caafimaadka. Hay'ado qaran iyo kuwo raacsan qaar ka mid ah dowladaha gobolada, saamiley waxbarashada ka socda, goobo shaqo, rugo ganacsi oo dalkoo dhan ah ayaa sidaa oo kale gacan na siiyey. Kuwaa waxaan ka helnay xogo muhiim ah iyo waraysiyo, waxayna ka qayb qaateen doodo aannu yoolka ku saaray hadafka cilmi-baaristan.

Ujeeddooyinka muhiimka ah waxaa ka mid ah:

- b) Samaynta baaris dhammaystiran oo ay gundhig u yihii waxbarashada, caafimaadka iyo ilaha wax-soosaarka (beeraha, kalluumaysiga iyo xoolaha);
- t) Diyaarinta tabo qaran oo ay Soomaalidu hoggaanka u hayso oo ku saabsan horumarinta karaanka bulshada;
- j) Talo bixin ku aaddan sidii loo midayn lahaa dadaalka saamileyda horumarinta karaanka bulshada si sare loogu qaado fursadda meel-marinta tabtan; iyo
- x) In lagu qanciyo dhammaan saamileyda taageersan tabtan in lagu daro Qorshaha Horumarka Dalka (NDP-9) iyo in loo aqoonsado in ay tahay ahmiyad qaran.

“

*Ujeeddada tabta
Horumarinta
Karaanka
Bulshada waa in la
helo qorshe ama
istaraatijiyyad kor
loogu qaadayo
aqoonta iyo
xirfadaha dadka
Soomaaliyeed
si loo abuuro
loona tabareeyo
bulsho caafimaad
qabta taas oo
leh rabitaankii
iyo kartidii loo
baahnaa si looga
faa'iidaysto ilaha
wax-soosaarka
dalka, loona helo
horumar dhaqaale
oo waara*

Mabaa'dienda Hagaya Cilmi-baarista

Labaatankii sano (2000 – 2020) ee u dambeeyey Soomaaliya waxa ay ku hawlanayd soo kabasho gaabis ah laakiin isa soo taraysay iyo dib-u-dhiska hay'adaha dalka. Waxa ay qaadatay nidaam faderraal ah oo dood badan dhaliyey walina aan saldhigan. In kasta oo ay jirto xasilooni darro dabadheeraatay, haddana rajo badan ayey leedahay dib usoo noolaynta Soomaaliya. Daraasadda Tabta Horumarinta Karaanka Bulshada waxa ay u dabran tahay deganaansho la'aanta Soomaaliya ka jirta, taabbagelinteeduna waxa ay ku xiran tahay abbuuridda jewi u habboon oo munaasab ah.

Ujeeddada tabta Horumarinta Karaanka Bulshada waa in la helo qorshe ama istaraatijiyyad kor loogu qaadayo aqoonta iyo xirfadaha dadka Soomaaliyeed si loo abuuro loona tabareeyo bulsho caafimaad qabta taas oo leh rabitaankii iyo kartidii loo baahnaa si looga faa'iidaysto ilaha wax-soosaarka dalka, loona helo horumar dhaqaale oo waara.

Aaminaadaha (Qiyamka) Aasaasiga ah ee Horumarinta Karaanka Bulshada

Sinnaan iyo u dhammi: Tabta horumarinta karaanka bulshadu waxa ay aaminsan tahay kuna raad joogtaa xaqijinta in Soomaalidu u siman tahay dhammaan fursadaha waxbarasho iyo shaqo iyada oo aan loo eegin degaan ama juquraafi (maagalo ama miyi), lab ama dheddig ama xaalad dhaqan-dhaqaale.

Tayo iyo sarrayn: Ujeeddada tabtu waa in la helo waxbarasho iyo tababar tayo leh oo dhammaystiran kuwaa oo lagu qiimeyn karo halbeegga qaran ee shahaadooyinka si loo ilaaliyo tayada iyo u-qalmidda.

Khusayn: Tabtu waxa ay ku boorinaysaa saamileyda ay khushayso in ay mudnaanta siiyaan waxbarashada iyo tababarada kuwaa oo dabooli kara baahiyaha suuqa shaqada, ilaha wax-soosaarka iyo horumarinta guud ee dhaqaalaha dalka.

“Soomaalinimo:” tabtan ama istiraatajiyaddan waa in lagu dul-dhiso Soomaalinimo loo dhan yahay, cid walbana ay iska dhex arki karto, iyo qiyam, akhlaaq suubban iyo sinnaan si loo xaqijiyo yoolka horumarka dalka.

“

*Cilmi-baaristani
waxa ay
isticmaashay
laba nooc oo
xog uruurineed
kuwaa oo kala
ah adeegisga
xog tiroraac ah
(quantitative) iyo
xog tiraabraac ah
(qualitative) oo
ay ka mid tahay
waraysiyo aannu
ka qabanay dad
xogogaal
ah, doodo
aragti-wadaag
oo dad saamiley
ah loo qabtay,
kulamo dad
xeeldheerayaal ah
iyo indha-indhayn
toos ah*

Habraaca Cilmi-baarista

Cilmi-baaristani waxa ay isticmaashay laba nooc oo xog uruurineed kuwaa oo kala ah adeegisga xog tiroraac ah (quantitative) iyo xog tiraabraac ah (qualitative) oo ay ka mid tahay waraysiyo aannu ka qabanay dad xogogaal ah, doodo aragti-wadaag oo dad saamiley ah loo qabtay, kulamo dad xeeldheerayaal ah iyo indha-indhayn toos ah. Waxa aan cilmi-baarista u qaybinay saddex waji: 1) uruurinta xog ugub ama gacan-koowaad ah; 2) uruurin xogo oollin ama gacan-labaad ah oo aannu dad kale kasoo xigannay; iyo 3) aqoon is weydaarsiyo aannu saamiley kala duwan isugu keenay.

Intii aannu ku jirray wajiga koowaad ee darsidda xogaha gacanta labaad ama oolinka ah, koox cilmi-baarayaal ah ayaa dib u eegay dukumeenti iyo macluumaa ku saabsan is diiwaangalinta waxbarashada, guurguurka shaqada iyo shaqaalahaa, tilmaamayaasha caafimaadka, beeraha, xoolaha, kalluumaysiga, xajmiga dhqaalahaa iyo tababarrada xirfadaha la xiriira ee la tebayo.

Dhanka uruurinta xogaha gacanta koowaad iyo aqoon-isweydaarsiyada heerarka kala duwan ayaa bilowday intii u dhaxaysay Luulyo 2018 iyo Noofember 2019 ayaannu dalka in badan oo ka mid ah cagta marinay si aannu u dhammayno wajiyada labaad iyo saddexaad ee cilmi-baaristan. Waxa aannu qabanay 190 waraysi oo aannu la yeelanay dad xog ogaal ah, 80 doodood oo aannu koox xul ah isugu keenay iyo lix (6) aqoon is waydaarsi oo ay isugu yimaadeen dad xeeldheerayaal ah. Wadar ahaan waxaa cilmi-baaristan ka qaybqaatay dad gaaraya 1,000 qof.


Qeexidda Karaanka Bulshada

Karaanka bulshadu waa fikrad ballaaran oo ay hoos yimaadaan waxbarashada iyo tababarku. Waxaa sidaa oo kale qayb ka ah caafimaadka, xirfadaha, caadooyinka, garashada ama habdhaqanka bulshada ee la xiriira shaqada.

Sida ku xusan warbixinta karaanka bulshada ee Golaha Dhaqaalahaa Adduunka 2016, wax ay ummadi hibo u yeelato waxaa ugu muhiimsan cilmiga iyo xirfadaha dadkeeda kuwaa oo u sahla in ay hiigsato mustaqbal fog, horumar, dhaqaalena ay abuurto.

Karaanka bulshadu waxa uu ka mid yahay shanta (5) raasamaal ee muhiimka ah ee lagu qeexay Jaantuska qaab-nololeedka waara ee aan ka soo xiganney Waaxda Horumarinta Caalmamiga ah ee Boqortooyada Ingiriiska.

-
- 1. Karaanka bulshadu** - waa xaddiga iyo tayada aqoonta ee laga heli karo qoys dhexdiisa.
 - 2. Hantida dabiiciga ah** - waa tayada iyo tirada kheyraadka dabiiciga ah sida kalluumaysiga iyo shidaalka.
 - 3. Hanti lacageed** – waa kaydka ama dhakhli lacagteed oo socda.
 - 4. Hantida negi** - waa xajmiga dhaqaalaha, qalabka iyo agabka loo isticmaalo kor u qaadidda wax soorsaarka sida warshadaha.
 - 5. Hantida bulshada** - hanti bulsheedka ay ka midka yihiin isku xirnaanta, iskaashiga, is-taageeridda iyo is-aaminaadda.



Natiijooinka muhiimka ah ee shanta daraasadood ee gundhigga ah

Tacliinta

Tacliintu waxa ay ka mid tahay waxyaalaha ugu muhiimsan ee saameeya wax soo saarka iyo guusha mustaqbalka ee qofka. Sidaa oo kale waa furaha horumarka dhaqaalaha. Akhris iyo qoris la'aan baahsan, ubadka oo aan sidii la rabay tacliinta loogu darin iyo tayo xumada tacliintu, waxa ay saameyn weyn ku leeyihin horumarka tacliinta.

“

Wax qorista iyo akhrisku waxa ay muhiim u yihiin horumarka bulshada iyo dhaqaalahooda, waana albaabka horumarinta karaanka bulshada

Waxyaalaha ay cilmi-baaristani ogaatay waxaa ka mid ah:

In wax ku dhow kala bar dadka Soomaaliyeed aanay waxna qorin waxna akhrin. Taasi waxa ay Soomaaliya ka dhigaysaa mid ka mid ah waddamada caalamka ugu tacliinta liita. Wax qorista iyo akhrisku waxa ay muhiim u yihiin horumarka bulshada iyo dhaqaalahooda, waana albaabka horumarinta karaanka bulshada.

Sanadkii 2019, heerka is-qorista guud ee waxbarashada aasaasiga ah waxa ay ahayd ku dhawaad 32.7%. Taa macnaheedu waa qiyaastii 67% ubadka da'da iskuulka gaaray ee waddanku ma aanay helin waxbarasho. Tirada guud ee dugsiga sare isu diiwaangelisay waxa ay ka yarayd 18.4%. Tiro aad u yar marka la barbardhigo kuwa dugsiyada aada (13,071) ayaa dhigta dugsiyada tababarka farsamada gacanta.

Guud ahaan nidaamka waxbarashada dalku waa mid tayadiisu ay aad u hoosayso. Waxaa curyaamiyey tayo xumada haysata macallimiinta, qalab iyo agab xumo iyo la'aanta manhaj ku dhisan baahida dalka ka jirta.

Caafimaadka

Soomaaliya waxa ay ka mid tahay dalalka caalamka ugu caafimaad liita. Saamaynta ugu weyn ee arrintani waxa ay ku dhacdaa dumarka iyo carruurta. Natiijooinka daraasaddani waxa ay muujinayaan in daryeelka iyo adeegga caafimaadku ay yihiin kuwo laga murugoodo. Shaqaalaha caafimaadku ma laha xirfadhihi, cilmigii, sharciyaddii caafimaadka ee loo baahnaa, mana haystaan agabkii lagama maarmaanka u ahaa fulinta hawlahooda.

“

*Si loo daboolo
baahida guud
ee caafimaadka,
dalku waxa uu u
baahan yahay in
uu shaqaaleeyo
97, 700 oo isagu
jira dhakhaatiir,
kalkaaliyayaal
caafimaad,
umulisooyin ilaa iyo
sanadka 2030.*

Natijjooyinka kale waxaa ka mid ah yaraanta shaqaalaha caafimaadka gaar ahaan xirfadleyda heerka dhexe iyo dhakhaatiirta. Tirada guud ee xirfadleyda daryeelka caafimaadka ee ka howgalayey Soomaaliya (oo aanay ku jirin Soomaaliland) waxa ay ahayd qiyastii 9,566. Tiradaasi waa ay dhaantaa tii ay soo warisay Laanta Caafimaadka Adduunku 2016 oo ahayd 4,122. Si loo daboolo baahida guud ee caafimaadka, dalku waxa uu u baahan yahay in uu shaqaaleeyo 97, 700 oo isagu jira dhakhaatiir, kalkaaliyayaal caafimaad, umulisooyin ilaa iyo sanadka 2030.

Goobaha tababarku waa kuwo hooseeya oo aan lahayn sharci xaddida. Waxa aan jirin kormeer dowladeed oo munaasab ah oo isha ku haya goobaha caafimaadka. Isma laha tirada dadka ee sida xawliga ah u kordhaysa iyo goobaha tababarka (jaamacadaha iyo kuleejooynka) ee xirfadlayda caafimaadka ee dalka ka jira.

Goobaha adeegga daryeelka caafimaadka dowliga ah iyo kan gaarka ahba, uma qaabaysna sidii ay u buuxin lahaayeen baahida caafimaad ee aasaasiga ah ee bulshada Soomaaliyeed. Sanadkii 2019, waxaa dalka ka jiray 661 rugo caafimaad oo shaqeeyaa kuwaas oo u qaybsanaa shanta (5) dowlad goboleed iyo Banaadir: 305 Puntland; 29 Koonfur Galbeed; 92 Galmudug; 93 Jubaland; 81 Hirshabeelle; iyo 61 Banaadir. Masaaf dheer ayey bukaanku u socdaan si ay u helaan daryeel caafimaad waxa ayna beegsadaan magaaloooyinka waaweyn iyaga oo tagaya isbitaalo, rugo caafimaad iyo farmishiyeyaa gaar loo leeyahay.

In kasta oo ay dowladdu dhawaan dadaal ku bixisay sidii loo hirgalin lahaa nidaam aqoonsi oo ku wajahan tayada adeegga caafimaadka, haddana waxa aan wali jirin qawaaniin iyo habraac aqoonsi oo lagu xaqiijinayo tayada tababarka shaqaalaha caafimaadka iyo in shaqaaluhu ay leeyihiin heir aqooneedkii shaqadooda looga baahnaa. Soomaaliya ma laha Gole Qaran ee Xirfadlayaasha Caafimaadka iyo siyaasad caafimaad oo midaysan ama sharci xaddida oo qaabeeya caafimaadka guud. La tacaalidda xaaladaha caafimaadka ee dalka soo foodsaara waxaa sii adkeeyaa wada shaqayn iyo isku xirnaan la'aanta jirta (dowlad federaal iyo mid gobolba).

“

*Caqabadaha
horyaala naafada
waxaa ka mid
ah kuwo la xiriira
fahamka bulshadu
ay ka qabo dadka
naafada ah, kuwa
la xiriira jawiga
guud ee uu dalku
ku jiro iyo kuwo la
xiriira nidaamka
dowliga ah*

Shaqada iyo Shaqaalaha

Warbixintu waxa ay soo bandhigtay jiritaanka xirfado iyo baahi aan isu dheeliturnayn, tababar xumo, shaqo la'aan iyo maqnaanshaha nidaam shaqo qoris oo ku dhisan karti iyo aqoon. Dumarku waxa ay gaar ahaan wajahaan caqabado xagga shaqada ah maxaa yeelay waxaa hoosaysa tacliintooda, mana helaan fursado ay ku horumariyaan kartida iyo karaankooda sababo dhaqanka la xiriira awgeed. Nabadgalyo xumada ayaa sidaa oo kale caqabad ku ah shaqo abuurka iyo maalgashiga.

Dhallinyarada Soomaaliyeed 75% waa shaqo la'aan waxaana qayrkood ka reebay saboolnimo joogta ah. Saboolnimada iyo shaqo la'aantu waxa ay ka mid yihiin waxayaalaha dhallinyarada ku kallifa hijrada qar-is-ka-tuurka ah iyo qaadashada fikaradaha xagjirka ah.

Sababaha kale ee waa weyn ee keena shaqo la'aanta dhallinyarada waxaa ka mid ah dowladda iyo shirkadaha gaarka loo leeyahay oo aan sidii la rabay u maalgalin shaqo abuurka, tayo xumo iyo maqnaansho xirfadihii loo baahnaa iyo fikrado khaldan oo ay dadka qaar ka qabaan shaqooyinka qaarkood.

Helidda fursado waxbarasho iyo kuwo shaqo ee dadka naafada ah ayaan jirin taas oo ay sababtay fahamka khaldan ee bulshadu ay ka qabo naafada iyo jewiga guud ee dalka iyo hannaanka dowliga ah oo aan u diyaarsanayn caawinta naafada. Caqabadahaas oo is biirsaday ayaana ka dhigaya dadka naafada ah kuwa ugu hooseeya bulshada dhaqaale ahaan.

Beeraha iyo Xoolaha

Soomaaliya waxa ay leedahay dhul beereed hodan ah, webiyo, iyo xoolo saddex jeer ka badan tirada dadka ku nool dalka. Sidaa oo ay tahay haddana 80% bulshada Soomaaliyeed waxa ay ku nooshahay meel ka hoosaysa xarriiqda fakhriga lagu cabbiro. Kala bar dadka Soomaaliyeed waxa ay ku tiirsan yihiin kaalmo dhaqaale si ay u maareeyaan nolol maalmeedkooda. Caqabadaha aafeeyey ilaha xoolaha iyo beeraha waxaa ka mid ah xirfad la'aan, qalab casri oo aan dalka oolin iyo suuq-gayn xumo.

**In ka badan
80% ardada
jaamacadda
beeraha dhigata,
shaqaalaha
wasaaradda
beeraha iyo
macallimiinta
jaamacadda
beeruhu waa rag.
Kaliya waxaa
dumar ah 3.8%**

Waxyaalaha kale ee ay daraasaddani soo bandhigtay waxaa ka mid ah:

Waxaa jirta wax-ka-qabad la'aan baahsan oo khasab ka dhigaya in il gaar ah lagu eego xannaanada xoolaha, kaabayaasha dhaqaalaha ee muhiimka u ah ka ganacsiga xoolaha, horumarinta iyo balaarinta suuqyada.

Dumarku door muhiim ayey ka ciyaraan ilaha beeraha sida beeridda, xaabaqaadka, jaridda dhirta, fallidda, la dagaalanka cayayaanka iyo suuqgeynta dallaga soo go'a. Laakiin in ka badan 80% ardada jaamacadda beeraha dhigata, shaqaalaha wasaaradda beeraha iyo macallimiinta jaamacadda beeruhu waa rag. Kaliya waxaa dumar ah 3.8% isugeynta dhammaan shaqaalaha jaamacadaha, beeraha iyo culuunta xoolaha oo wadar ahaan ah 185 qof. Gabdhaha gala tacliinta beeraha iyo xannaanada xoolaha aad ayey u yar yihiin (14%). Wadar ahaan wasaaradaha beeraha iyo xannaanada xoolaha ee dowladda dhexe iyo dowlad goboleedyada waxaa ka shaqeeya shaqaale tiradoodu dhan tahay 176. Waxaa dumar ah 11% oo kali ah.

Wasaaradaha dowlad goboleedyada ayaa soo wariyey in 87% ardada ka qallinjabisa jaamacaduhu aanay lahayn xirfadihii ay ku shaqayn lahaayeen. Daraasaddu waxa ay sidaa oo kale hoosta ka xariiqday karti iyo aqoon xumo badan oo ku habsatay tacliinta sare siiiba beeraha iyo xoolaha.

Maarayn xumo la xiriirta bii'ada ayaa keentay hoos u dhaca iyo xaalufinta deegaanka ee meelo badan. Waxaa kale oo beeraha iyo xoolaha si weyn u saameeya khayraadka dalka oo aan cidina ilaalinin, sharciga oo lagu tunto, doorkii hay'adaha dowliga ah oo maqan, ciidda iyo biyaha oo aan cidna ilaalinin, isticmaal aan habboonayn oo la isticmaalo kiimikada iyo sunta cayayaanka disha, masiibooyinka dabiiciga ah sida is-baddalka ku dhaca bii'ada, abaaraha iyo fatahaadda webiyada.

Kalluumaysiga

Kalluumaysigu sidii la rabay uma horumarsana, qiimeynta ay mudan tahayna ma helin. Waxa ay wali ku dhisan tahay farsamo kooban oo aan agab casri ah adeegsan kaas oo dakhliga guud ee dalka kusoo biiriya 2%. Wuxaan ku tiirsan qiyasta 400,000 oo qof.

Soomaaliya waxa ay leedahay Aag Dhaqaale-Badeed oo Gooni ah (1,200,000 km²), deegaan dabiici ah iyo xeebo ku habboon kalluumaysiga kuwa oo soosaari kara kalluun ka badan 800,000 oo tan sanadkiiba, yeelanna kara mid ka mid ah waxsoo saarka badda ee caalamka ugu hodansan. Sidaa iyada oo ay tahay aaya haddana qiyas cilmiyeedkii u dambeeyey ee la sameeyey waxa ay tusaysaa in Soomaaliya ay soo saarto oo kaliya 125,000 oo tan oo kalluun ah sanadkiiba.

Waxaa kale oo ay daraasaddu soo bandhigtay in aanay dalka joogin xirfadlayaal ku filan, aanay jirin maalgalin iyo in khayraadka dabiiciga ah si aan qorshays-nayn, u turid-na aan lahayn loo isticmaalo. Waxaa sidaa oo kale jira kalluumaysi suuq-madow ah oo isugu jira, mid tuugeysi ah, mid qarsoodi ah iyo mid aan sharci ku socon, kuwaas oo dalka dhaafiya dakhli dhan maalaayiin doolar sanadkiiba.

Caqabadaha kale waxaa ka mid ah:

Kaabayaasha ka-ganacsiga kalluumaysiga oo liita, qaboojiyayaalka iyo addeegga xeebaha oo aan fiicnayn, xog la'aan iyo uruurinta xogta oo aan dalka oo dhan ka jirin, awood kormeer iyo mid xakamayn oo aan jirin, kalluumaysiga oo aan lahayn siyaasado iyo tabo ama istiraatajiyado saldhigtay, iyo hannaanka iyo qaab dhismeedka hay'adaha sharciga ah oo liita.

Inta u dhaxaysa 1990-aadkii iyo 2000 waxaa si aan xaddidnayn, sharcidarro ah oo aan cidna la wargalin uga kalluumaysanayey xeebaha Soomaaliya 800 ilaa 1,000 markab ama doomood. Kalluunka sida xatooyada ah loo qabtay waxaa Soomaaliya kaga lumay in ka badan \$300 oo malyuun sanadkiiba. Sanadahan dambe, kalluun lagu qiyasay 132,000 oo tan oo u dhigma 56% kalluunka Soomaaliya laga qabtay aaya laga gurtay aagga dhaqaale-badeedka ee Soomaaliya.

Toddoba kuliyadood oo tacliinta sare ah oo isugu jira lix jaamacadood iyo hal machad oo shahaadada dibloomada bixiya aaya dhiga culuumta badda iyo kalluumaysiga. 352 arday aaya dhigta 10 barnaamij tacliimeed. Ardadaasi waxa ay kala yihiin 333 lab ah iyo 19 dhaddig ah. 119kii arday ee ka qalinqabisay machadyada dalka, sideed (8) kali ah aaya gabdho ahayd. Shan iyo soddanka (35) macallin ee dhiga kuliyadahan iyo machadkan, afar iyo soddan (34) aaya lab ah.

“

Kalluunka sida
xatooyada ah loo
qabtay waxaa
Soomaaliya kaga
lumay in ka badan
\$300 oo malyuun
sanadkiiba

Qodobada muhiimka ah ee Tabta Horumarinta Karaanka Bulshada

Cilmi-baaristan waxa aannu ku ogaanney diyaarinta jewi munaasab ah ama sahlaya horumarka bulshada in uu fure u yahay horumarinta iyo joogtaynta karaanka bulshada Soomaaliyeed. Deganaansho siyaasadeed, nabadgelyo, xoogga korontada oo joogta ah (si wax-soosaarka loo taabbo geliyo) iyo awood sharci oo wax xakamayn karta, ayaa iyana sidaa oo kale lagama maarmaan u ah kobcinta iyo joogtaynta karaanka bulshada.

Waxaa jira laba istiraatijiyyadood ama tabooed oo aan soo badhigi doonno: midda hore waa mid guud oo lagu dabakhi karo dhammaan ilaha wax soo saarka, oo waa tab meelo badan taabanaysa sida waxbarashada, caafimaadka, shaqada iwm. Istiraatijiyyadda labaad, waa mid ka hadlaysa meelo ama ilo gaar ah sida horumarinta iyo ka faa'iideysiga beeraha, kalluumaysiga iwm, culaysyada ay tabtani ka muujisay ilahaas wax soosaar ama sida loo xallin karo, waxa aannu kusoo gudbinaynaa jaantusyo shax- ahaan u qoran oo leh ciwaanno gaar ah sida (caafimaad, beero, iwm).

Tabaha/istiraatijiyooyinka meelaha badan khuseeya:

Samaynta nidaam shahoodooyinka iyo aqoonta lagu kala aqoonsado: Nidaamka waxbarasho iyo tababar ee hadda dalka ka jira ma laha qaab habaysan oo lagu cabbiro ama lagu qiimeeyo shahaadooyinka oo kala qeexa shahaadada qofku uu haysto, waxa ay u qalanto iyo kartidiisa xirfadeed. Dowladda federaalka waa in ay abuurtaa hay'ad masuul ka ah qiimeyn ta shahoodooyinka oo u xilsaaran horumarinta kartida iyo xirfadaha.

Dhisidda xirfado daboola baahida jirta: waxaa loo baahan yahay in xal loo helo aqoonta iyo xirfadaha kooban ee shaqaalaha Soomaaliyeed ee ku aaddan qaybaha kala duwan ee ilaha dhaqaalaha; si loo kobciyo aqoonta iyo xirfadda bulshada, waa in xarumaha waxbarashada, tababarradda iyo jaamacadaha ay dadka baraan xirfadda iyo aqoonta loo baahan yahay ama shaqo lagu heli karo. Waana in waxa la baranayo ama lagu tababaranyo lagu dhisaa xaqiiqda jirta iyo baahida dhabta ah.

Maaddaama laamaha wax soosaarku (beeraha, xoolaha iyo kalluumaysiga) iyo kuwa adeeggu ay lafdhabar u yihiin dhaqaalaha, abuuraana shaqooyin badan, machadyada farsamada gacanta iyo kuwa waxbarashada sare waa in ay xoogga saaraan muhiimad gaar ahna siiyaan xirfadaha wax soosaarka iyo kuwa adeegga, si loo helo xoog shaqaale oo xirfadahii iyo tababaraddii loo baahnaa leh. Waa in la siyaa mudnaan qaran xirfadaha maqnaanshahooda aad loo tabayo sida kuwa beeraha, xoolaha iyo kalluumaysiga, tamarta laga dhaliyo dabaysha iyo qorraxda, caafimaadka, waxbarashada, dalxiiska, isgaarsiinta, dhismaha, socdaalka, bangiyada iyo maamulka lacagta.

Horumarinta karaanka bulshada oo xog ku dhisan: Hawlaha Soomaaliya ka socda waxa ay ku suntan yihiin siyaasado aan aad looga fiirsan kuwaas oo inta badan la sameeyo iyada oo aan xog buuxda laga hayn baahida dhabta ah ee suuqa shaqada ka jirta. Xog la'aantaasi waxa ay sababtay in ardaydu aanay helin gacan qabashadii ay u baahnaayeen ee xagga waxbarashada iyo tababarka, iyo in shaqaale aan tababar fiican lahayn ay la hareen meelo badan oo dhaqaalaha dalka muhiim u ah. Si looga gudbo hannaanka go'aanqaadashada ee ku tijaabida ah, waa in la helaa dadaal qaran oo midaysan kaas oo ay ka qayb-qaataan dowladaha iyo bulshada inteeda kalaba si habaysanna loo uruuriyo xogaha loo baahan yahay, loona dhiso hab-raac xog aruurin iyo baahinba leh oo fududayn kara hab go'aan qaadasho oo xog dhab ah ku dhisan.

Abuuridda Qorshe Qaran ee Shaqo-u-tababaridda Ardayda: Si ardada soo qalin jabinaysa ay u hantaan xirfadaha suuqu u baahan yahay ee muhiimka ah, waa in la sameeyo qorshe qaran oo ardada shaqada loogu diyaarinayo, kaas oo ardayga qalinjabiya xilli kooban (ilaa 3 billood) lagu qorayo goob shaqo oo dowladeed ama gaar loo leeyahay wakhti ku filan si uu u yeesho xirfadaha lagama maarmaanka ah, uuna ardaygu u xagsado shaqadiisa.

Tayeynta waxbarashada iyo shaqo-helidda ardayda iyada oo luqadda waxbarashada si rasmi ah loo barayo siiba haddii ay Ingiriisi tahay: In la soo rogo, lana taageero baridda luuqadda Ingiriiska oo ku xiran, qaybna ka ah waxbarashada haddiiba luqadda wax lugu baranayo ay iyada tahay. In waajib looga dhigo dhammaan jaamacadaha in ay sameeyaan xarunta barashada luuqadda Ingiriiska oo ardaygu uu dhiganayo sannadka koowaad ee jaamacadha ilaa ardaygu uu ka gaaro heer qiimeyn caalami ah leh oo uu keeni karo dhibco sare imtixaannada IELTS, TOEFL ama kuwa la midka ah.

Dib-u-habaynta Hay'adaha Dowladda: Waxaa lama huraan ah in dib loo habeeyo hay'adaha dowladda federaalka, kuwa dowlad goboleedyada iyo kuwa kale ee dowliga ah si ay u noqdaan kuwo karti iyo hufnaan leh, si habsami leh u jihaysan, lana jaanqaadi kara dastuurka qaranka, daboolina kara baahiyaha qaran ee la xiriira horumarinta karaanka bulshada. Tusaale ahaan dhaqanka haatan jira ee ah in ra'iisul wasaare kastaa uu si qorshe iyo ka fiirsasho la'aan ah uu u abuuro wasaaraddii uu doono, waa in lagu baddelaa qaab sharci ku salaysan iyo baahi bulsho, oo waa in la abuuro oo kaliya hay'adaha adeegga ee loo baahan yahay.

In laga guuro dhaqamada horumarka caqabadda ku ah: Qaybo muhiim ah oo bulshada ka mid ah ayaa dhaqan ahaan ka faana shaqooyin badan una arka inay qabashada shaqooyinkaasi sharaf dhac tahay. Fahamka noocaas ah ee ka faanaya shaqooyinka qaarkood waxa uu caqabad ku yahay horumarka dalka. Waxaa lama huraan ah in dowladda federaalka, dowlad goboleedyada, laamaha waxbarashada iyo ganacsataduba ay si wadajir ah u diyaariyaan istiraatajiyad qaran oo dhiirri-gelinaysa in sharafta iyo karaamadu ay ku jiraan xoogsiga iyo isku-fillaanshaha.

Dhisidda Qiyamta Aasaasiga ah ee Dalka: Soddon sano oo dowlad la'aan ah ayaa afka ciidda u daray masuuliyaddii iyo xuquuqdii muwaadiniinta. Daraasaddani waxa ay tusaysaa in ay jirto baahi loo qabo obole wacyigalineed oo bulshada lagu dareensiinayo waajibaadka saaran, waddaniyadda iyo kor u qaadid aragtida (qiyamka), akhlaaqiyaadka iyo isku-kalsoonida bulshada.

Mideynnta Saamileyda Horumarinta Karaanka Bulshada: Waa in la sameeyo madal qaran oo ay ku kulmaan saamileyda (dowlado, bahda waxbarashada, ganacsatada, iwm) si ay u fuliyaan tabta horumarinta karaanka bulshada una xaqiijiyan sii jiritaankeeda. Madashaasi waa in ay noqotaa mid iskaashi oo ay xubno ka yihiin wakiillo ka kala socda dowladda federaalka, dowlad goboleedyada, bulshada rayadka ah, ganacsatada iyo laamaha waxbarashada.

Aqoon-yahanka cilmi-baarista ka qayb qaataay

Aqoonyahannada, cilmi-baarayaasha iyo maamulayaasha magacyadooda iyo mansabkoodu hoos ku xusan yihiin ayaa masuul ka ah dhammaystirka cilmi-baaristan. Qaarkood waxa ay qoreen cutubyo gaar ah oo kamid ah daraasadda gundhigga ah, qaarkoodna waxa ay wax ku kordhiyeen cutub ama qaybo cutubyada ka mid ah halka qaar kalana ay cilmi-baarista ugu deequeen khibraddooda sida tarjumaadda, qaabeynta iyo tifaftirka. Machadka Heritage iyo Jaamacadda City ee Muqdisho aad ayey ugu mahad celinayaan dhammaantood.

Bare Sare, Cabdullaahi A. Bariise, MSW, PhD

Madaxweyne, Jaamacadda City ee Magaalada Muqdisho

Cabdullaahi door hoggaamineed ayuu ka ciyaaray jaangoyn ta iyo kobcinta mashruuca horumarinta karaanka bulshada guud ahaan. Waxa uu wax badan kusoo kordhiyey cutubka waxabarashada iyo soo-bandhigiddii uu ka geystey aqoon is- weydaarsigii saamileyda loo qabtay.

Cabdirashiid Khaliif Xaashi

Agaasimaha Machadka Heritage ee Daraasaadka (HIPS)

Maaddaama uu yahay Agaasimaha Machadka Heritage oo ah hay'adda howshan hoggaanka u ahayd, Cabdirashiid qeyb libaax ayuu ka qaataay jaangoyn ta guud ee daraasadda iyo isku xirka barnaamijkan. Waxa uu sidaa oo kale gacan ka gaystay iskaashiga heirarka kala duwan ee dowliga ah, tayo-dhawrka iyo xiriirk a maalgaliyayaasha. Cabdirashiid waxa uu si mug leh uga qaybqaatay curinta tabta horumarinta karaanka bulshada.

Cabdikariim X. Jaamac

Madaxweyne ku-xigeenka iyo Hormuudka Jaamacadda City ee Magaalada Muqdisho

Cabdikariim waxa uu hoggaamiyey kooxda mashruuca horumarinta karaanka bulshada, waxa uuna door muhiim ah ka qaataay isku xirka guud, gaar ahaan xiriirk a dowladaha sida dowladda federaalka iyo dowlad goboleedyada. Waxa uu sidaa oo kale door muhiim ah ka ciyaaray tayo-dhawrka, dhammaystirka iyo xiriirk a deeq bixiyayaasha. Cabdikariim door lixaad leh ayuu ku leeyahay ebyidda tabta horumarinta karaanka bulshada.

Bare Sare, Cabdi Maxamed Kuusow, MUP, PhD

Cilmiga Bulshada, Jaamacadda Gobolka Iwaa / Cilmi-baare Heritage

Dr. Kuusow, oo caan ku ah cilmiga bulshada, wuxuu hoggaaminayey habraaca cilmi-baarista wuxuuna si guud hooggaanka ugu hayey qaabeynta mashruuca cilmi-baarista ee HKB. Waxa uu wax ka qoray cutubka waxabarashada, waxa uuna si lixaad leh uga qaybqaatay curinta tabta horumarinta karaanka bulshada.

Dr. Cali Cabdullaahi Warsame, PhD , Lataliye madax-bannaan

Dr. Cali waa wasiirkii hore ee Caafimaadka iyo Bii'ada ee Puntland

Waxa uu qoray cutubka caafimaadka ka hadlaya, waxa uuna gacan ka gaystay qaabaynta tabta waxbarashada.

Dr. Cabdiraxmaan Jaamac Kulmiye, Lataliye madax-bannaan

Dr. Cabdiraxmaan waa wasiiru-dowlahii hore ee Kalluumaysiga ee Puntland.

Waxa uu qoray cutubka kalluumaysiga.

Dr. Xuseen Xaaji Macow, La taliye madax-bannaan

Dr. Xuseen waa saynis-yahan cilmiga beeraha ku xeeldheer, waana Agaasimaha SATG. Waxa uu qoray cutubka beeraha iyo xoolaha.

Dr. Maxamed Faarax Shirdoon, (PhD, Jaamacadda Cornell), Lataliye madaxbannaan

Dr. Maxamed waxa uu ka qayb qaatay qoridda cutubka beeraha iyo xoolaha.

Mursal Maxamuud Saneey

Ku-xigeenka Maareeyaha Machadka Heritage ee Daraasaadka (HIPS)

Mursal door muhiim ah ayuu ku lahaa isku duwidda cilmi-baarista, abaabulka dhaqaalah, agaasinka iyo maamulidda shirkii sanadlahaa ahay ee Aragti Wadaagga (AFI2019) iyo xiriirka dhammaan heerarka kala duwan ee dowladaha.

Aweys Cabdullaahi Cali

Cilmi-baare Sare ahna Isku-duwaha Mashruuca

Aweys waa musharax shahaadada PhD da, isaga oo ku takhasusay horumarinta karaanka bulshada. Waxa uu masuul ka ahay isku-duwidda guud ee mashruuca. Waxa uu hormuud ka ahay qoridda cutubka shaqada iyo shaqaalah, waxa uuna si mug leh uga qayb qaatay qoridda cutubka waxbarashada iyo curinta tabta horumarinta karaanka bulshada.

Lee C. Sorensen

Lataliye madax-bannaan xagga Horumarka , ahaana Agaasimihii Hore ee Shuraako

Lee waxa uu u diyaariyey Sanduuqa Xasilinta Soomaaliya, Wajigiisa 2aad, daraasooyin horumarinta karaanka bulshada iyo horumarinta ganacsiga gaarka ah kuwaas oo ay ka dhasheen fikradda ah in cilmi-baarist laga sameeyo horumarinta karaanka bulshada Soomaaliyeed. Lee waxaa lagala tashaday dhamman qaybaha mashruuca HKB. Waxa uu fikrad-celin balaaran ka bixiyey dhammaan cutubyada. Lee waxa uu qoray qaybta sababaynta ee HKB, taa oo xoogga saartay is barbardhigga caalamiga ah iyo duruusta laga baran karo meelaha kale. Sidaa oo kale si lixaad leh ayuu Lee uga qaybqaatay curinta istiraatijiyadda ama tabta horumarinta karaanka bulshada.

Cabdirisaq Aadan Muxumed

Cilmi-baare, Machadka Heritage

Cabdirisaq waxa uu wax ka qoray cutubka waxbarashada, midka shaqada iyo shaqaalahana gacan ayuu ka gaystay.

Ayaan Maxamed Cabdullaahi

Maareeye Machadka Heritage

Ayaan waxa ay iskuduwe ka ahayd maamulka barnaamijkan, xiriirka maalgaliyayaasha, waxayna gacan ka gaysatay cutubka shaqada iyo shaqaalaha.

Cabdullaahi Maxamed Saciid

Cilmi-baare iyo Xog-falanqeeye, Machadka Heritage

Cabdullaahi door weyn ayuu ka qaataq qaabaynta iyo habraaca mashruuca, waxa uu hoggaaminayey uruurinta iyo maamulka xogta, waxa uuna ka qayb qaataq lafaguridda xogta.

Peter W. Mackenzie

Cilmi-baare-sharafeed Machadka Heritage

Qaybta Tifaftirka

Peter waxa uu kaalin weyn ka qaataq tifaftirka dhammaan daraasooyinka ee luuqadda ingiriiska.

Cawaale Xuseen Cabdi, Lataliye/cilmi-baare Madax-bannaan

Cawaale ayaa daraasaddan Af-Soomaali u tarjumey.

Dr. Cawil Cali Xaashi, Agaasimaha Guud ee Ednastics

Tafatirkii ugu danbeeyey ee labada luqadood ayaa Dr. Cawil uu dulmaray dhammaan qoraallada cilmi baarsitan asaga oo xagga luuqadda, turjumaadda iyo isku-xirnaanta qoraalka shaqo wax ku ool ah ka qabtay.

Bare Sare, Xaawo Wehelliye, MBA, JD

Agaasimaha Xarunta Sharci-caawinta ee Jaamacadda City ee Muqdisho

Xaawo waxa ay dib u eegtag dhammaan cutubyada, waxa ayna gacan ka gaysatay hagaajinta nuqulkii ugu dambeeyey.

Dr. Afyare Cabdi Cilmi

Dr. Afyare waxa uu tafaftir ku sameeyey tarjumaadda Af-Soomaaliga.

Lisa Clifford

Suxufi iyo filin-qaade

Lisa waa khabir luuqadda Ingiriiska ah, suxufi iyo tifaftire madaxbannaan. Waxa ay tifaftirtay daraasaadka gundhiga ah iyo dhammaan qoraalada kale ee ay qoreen cilmi-baarayaasha iyo shaqaalaha Machadka Heritage.

Deeqa Cabdullaahi Macallin

Maamulaha Maaliyadda, Machadka Heritage

Deeqa waxa ay u xilsaarnayd hubinta habسامي u socodka barnaamijkan gaar ahaan xagga dhaqaalaha iyo saami-qaybinta.

Muxyadiin Guutaale

Sarkaal Saadka, Machadka Heritage

Muxyadiin waxa uu xagga maamulka, dhaqaalaha iyo saatkaba ka taageeray mashruuca HKB.

Anisa Xaashi

Farshaxanka iyo Naqshadaynta, Machadka Heritage

Anisa waxa ay hormuud u ahayd naqshadaynta guud ee daraasadda gundhiga ah iyo daraasadda lugu uruuuriyey tabaha, waxa ayna ka qayb qaadatay samaynta barta Internetka ee gaarka u ah humurinta karaanka bulshada.

Xuseen Maxamed

Khabuur Warbaahinta/Soosaare

Xuseen waxa uu door muuqda ka qaataay baahinta daraasadaha iyo soosaaridda maqal iyo muuqaal hufan.

Axmed Ibraahim Barre

Cilmi-baare, Machadka Heritage

Axmed waxa uu door muhiim ah ku lahaa uruurinta xogaha iyo kumbuyuutar ku qorrida ama garaaca makiinadda iyo kaalmaynta baarista lagu sameeyey cutubyada caafimaadka iyo kalluumaysiga.

Cabdirisaaq Macallin Ibraahim

Cilmi-baare Tababarte ah, Machadka Heritage

Cabdirisaaq waxa uu door muhiim ah ka qaataay uruurinta iyo qoridda xogta.

Ayaan Yaasin

Tababarte, Machadka Heritage,

Ayaan waxa ay door muuqda ka qaadatay uruurinta iyo qoridda xogta.

Maxamed Iimaam Buulle

Tababarte, Machadka Heritage

Maxamed waxa uu door muhiim ah ka qaataay uruurinta iyo qoridda xogta.

“

*dayaca karaanka
bulshadu wuxuu
si daran u
dhaawici karaa
loolan-galka
waddanku
ku leeyahay
adduunkan is
badbadalka
badan iyo weliba
dhaqaalaha oo
u baahan karti
marba marka
ka dambaysa
soo kordhaysa
kobaciisa*

Hordhac

Kartida bulshadu waa arrin muhiim u ah kobaca, horumarka iyo loolan-galka bulshada. Kor u qaadidda aqoonta iyo xirfadda qofku waxa ay fure u tahay nolol wacan iyo fursad uu qofku bulshada wax ku biirin karo, noloshiisana qiimo iyo aqoonsi ugu yeeli karo. Heer qaran ahaan, sinnaanta loo siman yahay fursadaha waxbarashada iyo shaqada waxa ay horseedi kartaa horumar dhaqaale, waxa ayna dhalin kartaa natijjooyin bulsho iyo siyaasadeed oo wanaagsan.

2018-kii, Madaxweynihii Bangiga Adduunka ee xilligaa Jim Yong Kim waxa uu qoray “Dowladaha raadinaya koboca dhaqaale waxa ay jecel yihiin inay maalgaliyaan hantida la taaban karo ama la arki karo sida jidad cusub, buundooyin qurux badan, gegi diyaaradeed oo dhalaalaya iyo dhismayaal kale. Laakiin in badan, ma xiiseeyaan in ay maal galiyaan karaanka bulshada, kaas oo guud ahaan kulminaya caafimaadka, xirfadaha, cilmiga, aqoonta iyo habdhaqanka bulshada. Taasi waa ahmiyad sare oo laga ilduufay maxaa yeelay dayaca karaanka bulshadu wuxuu si daran u dhaawici karaa loolan-galka waddanku ku leeyahay adduunkan is badbadalka badan iyo weliba dhaqaalaha oo u baahan karti marba marka ka dambaysa soo kordhaysa si loo joogteeyo kobaciisa.”¹

Hordhaca Tiirkha 4-aad (Horumarka Bulshada) ee qorshaha Horumarinta Qaranka Soomaaliyeed ee 9-aad waxa uu sharraxyaya wadatashiyadii saamileyda iyo qiimeynta saboolnimada. Waxa ay hoosta ka xarriiqeen heerka waxbarasho iyo adeegyada kale ee aasaasiga ah (biyaha, caafimaadka iyo nadaafadda guud) oo hooseeya in ay yihiin sababaha ugu horreeya ee keena saboolnimada. Mid ka mid ah siddeeda arrimood ee aasaasiga ah ee tiirkha 4-aad (ee horumarka bulshada) ayaa ah horumarinta karaan bulsheedka, si dhaqaalaha loo kordhiyo. Shacab caafimaad qaba oo aqoon leh ayaa noqon kara mid si mug leh uga qayb qaata suuqa shaqada iyaga oo isla markaana kaalmaynaya kobcinta dhaqaalaha, adkaysiga qoyska iyo yaraynta barakaca.²

Maalgalinta karaanka bulshadu waa lama huraan si dalku uu dhabbada horumarka cagta u saaro iyo in dalku aanu ugu dhicin dabin³ dhaqaale kaas oo sababi kara u jilicsanaan dib-u-dhac.

1 Jim Yong Kim, “The Human Capital Gap: Getting Governments to Invest in People,” Foreign Affairs (Council on Foreign Relations), 14 June 2018.

2 “Somalia National Development Plan 2020 – 2024,” Volume 1, Federal Government of Somalia Ministry of Planning, Investment and Economic Development, 15 October 2019, p 249.

3 Dr. Paul Collier, Professor of Economics and Public Policy at the University of Oxford, defines fragility trap as “a syndrome of characteristics: fractured identities, a lack of state legitimacy and capacity, insecurity, a dearth

Boqolkiiwa afartan (40%) bulshada Soomaaliyeed da'deedu waxa uu u dhexeeyaa 6 ilaa 18 sano. Qaybtan muhiim ka ah ee bulshada ka midka ahi waa inay hesho fursado waxbarasho, caafimaad iyo xirfado si ay u noqdaan kuwo waxtar u leh dhaqaalaha dalka. Caalamka waxaa la qiyaasay 10 ilaa 30 boqolkiiwa farqiga u dhexeeyaa dhakhliga soo gala madaxiiba waxaa sabab u ah kala duwanaanshaha heerka karaanka bulshada.⁴

Soomaaliya waxa uu Alle ku manaystay kheyraad dabiici ah oo balaaran. Waxaa ka mid ah xeebta Afrika ugu dheer, taas oo aan wali sidii la rabay loo isticmaalin, kayd shidaal, biro qaali ah iyo macdan. Intaa waxaa dheer Soomaalidu waxa ay caan ku tahay dhaqashada iyo ka ganacsiga xoolaha iyo dalagga beeraha. Hayeeshee, hantida ugu balaaran uguna yididiilada badan ee ay Soomaaliya leedahay waa dadkeeda.

Waa maxay karaanka bulshadu?

Karaanka bulshadu waa fikrad ballaaran taa oo ay soo hoos-galayaan waxbarashada iyo tababarka iyo sifooyin kale sida badqabka, taagta, caado-shaqeedka iyo habdhaqanka bulshada.

Asalka fikradda karaanka bulshada waxaa loo tiiriya in uu markii ugu horreysey isticmaalay dhaqaale-yahan dhalashadiisu ay Iskootish ahayd oo la oran jiray Adam Smith kaa oo noolaa qarnigii 18aad. Waxa uu qoray "Xilliga waxbarashada iyo tababarka, xirfadaha uu qofku yeesho waxaa kaga baxa kharash dhab ah. Kharashkaasi waa tacab qofka u hara. Aqoontaasina waa dhaxal-gal qofka iyo dadkiisuba ay ku xisaabtami karaan."⁵ Erayga karaanka bulsho (human capital) waxaa gadaal ka faafiyey Gary Becker oo ahaa nin Billad Sharaftha Nobelka ee dhaqaalaha ku guulaystay oo wax ka dhigi jiray Jaamacadda Chicago iyo Jacob Mincer oo qudhisiis ahaa bare sare oo cilmiga dhaqaalaha iyo xiriirka bulshada ka dhigi jiray Jaamacadda Columbia. Labada eray ee tacabka bulshada iyo karaanka bulshada si isku badbaddal ah ayaa loo istcimaalaa maadaama ay leeyihiin micne isku mid ah. Karaanka bulshada waxaa loo qaadan karaa hanti shaqsi, markii si guud loo eegana in ay tahay hibo qaran.

“

*Karaanka bulshada
waxaa loo qaadan
karaa hanti shaqsi,
markii si guud loo
eegana in ay tahay
hibo qaran*

of formal enterprises, and proneness to shocks." See Paul Collier, "A New Approach to State Fragility," Brookings Institution website, 11 January 2019, available online at: <https://www.brookings.edu/research/a-new-approach-to-state-fragility/>, last accessed on 1 June 2020.

Markii qofka shakhsiga ah laga eego, karaanka bulshadu waa kasbashada iyo horumarinta xirfadaha, kartida, aqoonta, awoodda, khibradda, garashada, tababarka, go'aan qaadashada iyo xikmadda.⁶ Si guud markii loo eego, karaanka bulshadu waa karti-wadareed bulshadu ay ku dhaliso hanti, taa oo loo isticmaali karo sidii loo gaari lahaa hadaf urur, bulsho, dhaqaale ama dal. Karaanka bulsho, waxaa la oran karaa waa meesha uu qofku kaga jiro dhaqaalah/wax-soo-saarka umadda guud ahaan, iyo waxa ka dhalanaya ama saamaynta ay reebayso marka qofkaasi uu bulsho ku dhex-nool yahay ama uu dantiisa ka hawl-galo.

Karaanka bulshadu waxa uu ka mid yahay shanta rukun ee ku qeexan Jaantuska Nolosha ee la joogtayn karo ee wasaaradda DFID ee Ingiriisku ay tilmaantay: 1) Karaanka bulshada (taagta iyo tayada aqoon iyo shaqo ee raaska ama qoyska laga helo) 2) Kheyraadka dabiiciga ah (tayada iyo tirada kheyraada dabiiciga ah laga bilaabo kalluumaysiga ilaa tayada hawada), 3) Hanti lacageed (kaydka iyo lacagta sida caadiga ah usoo gasha) 4) Hantida ma-guurtada ah (dhismaha, qalabka iyo agabka loo isticmaalo kordhinta wax soo saarka) 5) Hantida bulshada (kheyraadka bulshada sida isku xirnaanta is -kaashiga leh, is aaminka iyo is-taageeridda).⁷

Horumarinta karaanka bulshadu waxa ay fure u tahay gaaridda horumarka bulshada Soomaaliyeed, laakiin ma aha shayga kaliya ee u baahan in la tixgaliyo. Qorshaha Horumarinta Soomaaliya ee 9-aad ayaa qeexaya tabta lagu dhimayo saboolnimada, adkaysiga iyo dulqaadka shaqsiga iyo qoyskaba iyada oo la hirgalinayo addeegga aasaasiga ah kuwaa oo diiradda saaraya dhinacyo badan oo ay ka mid yihiin: daryeelka caafimaadka, biyo nadiif ah, waxbarashada, ilaaliinta daryeelka bulshada sida qorshaynta magaaloyinka, gargaarka bulshada iyo damaanad-qaadka cuntada; iyo weliba xoojinta xukunka sida maamulidda masiibooyinka, dhaadhicinta maamulka iyo baahinta addeegga.⁸

Waddamada sida habsamida ah u horumaraya waxa ay ku guulaysteen inay isku daraan isticmaalka kartida bulshada iyo hannaanka dhaqaale kobcinta oo la sii casriyeyey, iyaga oo kor u qaadidda qanacsanaanta dadka u adeegsanaya, horumarinta dhaqaalah/wax-soo-saarka umadda guud ahaan, iyo daryeelka bulshada si qofkastaa uu u gaaro hiigsigiisa.

4 "Building Education to Boost Human Capital," World Bank Somalia Economic Update, Fourth Edition, August 2019.

5 Smith, Adam, *An Inquiry into the Nature and Causes of the Wealth of Nations*, Book 2. Modern Library Series Reprint. New York: Random House 1937, (pp. 265-266).

6 Human Capital Strategy for Africa, 2014-2018. Tunis: African Development Bank 2014.

7 "Sustainable Livelihoods Guidance Sheets," UK Department for International Development, available online at: <https://www.ennonline.net/attachments/872/section2.pdf>, last accessed on 8 May 2020

“

Haddii aan la helin qorshe mintidnimo wata oo go'aan adag leh, ubadka Soomaaliyeed ee maanta iyo kuwa iman doona, dhalinyarada iyo dadka waaweyn waxa ay halis ugu jiraan in uu ku dul dhoco xukun ah: saboolnimo ba'an, shaqo la'aan, hoos-udhac bulsho iyo mid dhaqaale iyo rajo xumo. Tabta horumarinta karaanka bulshadu lamahuraan ayay u tahay mustaqbalka Soomaalida oo dhan. Qorshaha Horumarinta Soomaaliya ee 9-aad ayaa u arka horumarinta karaanka bulshada ahmiyad qaran taa oo taageeraysa dib udhisika siyaasadeed iyo midka dhaqaaleba. Sidaa oo kale waxaa muhiim ah in la dhiso hay'ado dimoqraadi ah kuwaas oo kor u qaada tayada nolosha ummadda Soomaaliyeed.

Barnaamijka Horumarinta Karaanka Bulshada

Si ay u diyaariso tabta kartida bulshada Soomaaliyeed, Wasaaradda Qarshayntu waxa ay hawl-gelisay Machadka Heritage iyo Jaamacadda City, si ay u hirgeliyan cilmibaaristaan qaadatay laba sano ku-dhawaadka. Waxaa iyaguna si dhow mashruuca u taageeray Wasaaradda Shaqada iyo Shaqaalahi iyo Wasaaradda Waxbarashada. Waxaa barnaamijka daraasadani ay ka warramayso maal geliyey Sanduuqa Xasilinta Soomaaliya ee loo yaqaan SSF. Ujeeddada mashruucani waxa ay ahayd qiimeynta xaalka ay ku sugaran tahay horumarinta karaanka bulshadu iyo abuuridda tab ama istiraatajiyad qaran oo loo mari karo horumarinta karaanka bulshada taa oo la joogtayn karo, cid walba ay iska dhex arki karto ahna mid ay Soomaalidu leedahay.

Mashruuca horraantii waxaan u bixinnay Habraaca Horumarinta Karaanka Bulshada (HHKB) waxaana hoggaanka u hayey aqoonyahanno iyo cilmi-baarayaal Soomaali ah kuwaas oo ka kala socday Machadka Heritage ee Daraasaadka iyo Jaamacadda City ee Muqdisho. Waxa ay si dhaw u kaashanayeen saamileyda ay arrintani khusayso kuwaas oo kala soccdey dowladaha (federalka iyo maamul goboleedka), bulshada rayidka ah iyo shirkadaha gaarka loo leeyahay.

Mabaa'diida hagaya mashruucan waxaa ka mid ah:

Is-waafajin, iskaashi taabbagal ah iyo hawlgalinta bulshada: Habraaca Horumarinta Karaanka Bulshada waxa uu xoojinayaa is waafajinta dadaalka hay'adaha dowladda federaalka iyo dowlad goboleedyada, bulshada rayidka ah, aqoonyahannada iyo shirkadaha gaarka loo leeyahay. Mashruucani waxa uu dhaqangelinayaa hawlgal salka laga soo unkayo kaa oo adeejinaya dhammaan saamileyda ama danleyda howshani ay khusayso si loo abuuro xal ayagu ay leeyihiin iyo lahaansho.

Isku-beegid iyo is badbadel: Iyada oo Qorshaha Horumarka Qaranku uu leeyahay habraac lagula dhaqmo deeq bixiyayaasha, haddana Habraaca Horumarinta Karaanka Bulshada waxa ay si joogta ah ula shaqaysaa wasaaradaha ay howshani khushayso iyadoo gacan-saar lala yeelanayo deeq bixiyayaasha. Tallaabooyinka la qaadayo waxa ay ku jaan go'an yihiin qaab dhismeedka siyaasadda dalka, istaraatiijiyadda waddanka iyo is-dhexgalka wada shaqayneed ee gobolka. Qaabka howlgalku waa in uu ku dhidban yahay lahaansho qaran, iyo, halkii munaasab ah, lahaansho goboleed iyo isku xirnaan xoog leh oo u dhexaysa hay'adaha muhiimka ah ee dalka, gobolka iyo caalamka ee ka shaqeeya hormarinta karaanka bulshada.

Aqoon iyo natijjooyin: hawlgalka Habraaca Horumarinta Karaanka Bulshada waxa uu isku dayayaa inuu xaqiqida ka tarjumo, waxa uuna yoolka saaraa cilmi iyo xog uruurin iyada oo uu hadafku yahay kobcinta karaanka bulshada taa oo loo dhan yahay.

Xulasho: Hawlaha Habraaca Horumarinta Karaanka Bulshada waxa ay la jaanqaadayaan awoodda, kartida iyo xeel dheeridda hay'adahan iskaashaday. Ahmiyaddu waa qaadidda talaabooyin muhiim ah kuwaa oo lagu taageerayo baahida muhiimka ah ee saamileyda si kor loogu qaado karaanka bulshada iyada oo waliba la yaraynayo sinnaan la'aanta dhaqan-dhaqaale iyo midda labka iyo dheddigga.

Joogtayn ama sii-jiritaan: Markii mashruucani uu dhammaado, hawlaho, cilmiga, xogaha iyo hawlo urureedka la xiriira Habraaca Horumarinta Karaanka Bulshada waxaa lagu wareejin doonaa hay'adaha dowladda ee ay hawshani khusayso si ay halkaa uga sii ambaqaadaan.

Saddexda waji ee mashruuca:

Wajiga 1aad: bilowga ka hor, mashruucu waxa uu sameeyey unug shaqo-tashi kuwaas oo ka koobnaa saamileyda horumarinta karaanka bulshada sida wakiillo dowladda ka socda, kuwo shirkadaha gaarka loo leeyahay ka socda, bulshada rayidka ah iyo aqoonyahanno.

Wajiga 2aad: Isaga oo kaashanaya oo adeegsanaya saamileyda uu la tashiga la sameeyey ayuu mashruucu waxa uu bilaabay wadatashiyo kuwaa oo uu la yeeshay dowlad goboleedyada iyo dowladda federaalka si loo caddeeyo hadafka iyo hirgalinta Horumarka Karaanka Bulshada. Qayb muhiim ah oo ka mid ah wada-tashiyadani waxa ay ahayd qiimeyn gundhig iyo jaangoyn ah oo dhammaystiran taas oo ku aaddan baahiyaha loo qabo tab qaran oo la xiriirta karaanka bulshada iyo dadaalka horumarineed.

Wajiga 3aad: Si la isugu keeno saamileyda loona helo isku duubni hirgalisa hawsha horumarinta karaanka bulshada, mashruucu waxa uu aasaasay gole kaas oo ay saamiley kala duwan ku kulmeen kuna soo bandhigeen natijjooyin iyo hage ama tilmaame lagu hiigsanayo horumarinta karaanka bulshada. Kadib waxa ay u kulmi jireen si joogta ah si ay isu kaashadaan oo ay u taageeraan kooxda shaqo ee Qorshaha Horumarinta Qaran ee 9-aad.

Habraaca Cilmi-baarista

Ilaха xogta, qaabka la raacay iyo hagayaasha

Mashruuca waxaa lagu ibo-furay kulan shaqo oo ka dhacay Muqdisho 22 Septeembar 2018. Kulankaa waxaa isugu yimid saamiley ay ka mid ahaayeen madax ka kala socda dowlad goboleedyada iyo wasaarado ka mid ah dowladda federaalka. Kuwaas waxaa ka mid ahaa wasiirrada waxbarashada, shaqada iyo shaqaalaha, caafimaadka iyo qorshaynta. Waxaa sidaa oo kale kulanka joogay wakiillo ka socda bulshada rayidka ah, kuliyadaha waxbarashada iyo rugaha ganacsiga. Kulan-howleedkani waxa uu qaataay 3 maalmood waxa ayna ujeeddadiisa ahayd in saamileyda lagala hadlo horumarinta karaanka bulshada, aragtidoonada la dhagaysto. Cilmi-baarayaasha Machadka Heritage iyo Jaamacadda City ee Muqdisho waxa ay dadkii kulankaa joogay ka xusheen intii ay ku tuhmayeen inay hayaan macluumaaad dheeri ah si ay waraysi qotodheer ula yeeshaan.

“

*mashruucu waxa
uu xogo kasoo
uruuriyey 190 qof
oo muhiim ah,
waxa uuna qabtay
80 waraysi oo
dood-wadaag dad
badan ah, wadar
ahaan 583 qof
ayey ahaayeen
kuwaa oo laga
soo xulay shanta
dowlad goboleed*

Nidaamkan oo kale ah ayaa laga sameeyey dhammaan caasimadaha dowlad goboleedyada. Guud ahaan, in ka badan 400 oo qof ayaa ka qayb qaataay kulamadii gogol-xaarka ahaa ee lagu qabtay xarumaha dowlad goboleedyada iyo Muqdisho.

Intii u dhaxaysay bishii Luulyo 2018 iyo Nofeembar 2019, mashruucu waxa uu xogo kasoo uruuriyey 190 qof oo muhiim ah, waxa uuna qabtay 80 waraysi oo dood-wadaag dad badan ah, wadar ahaan 583 qof ayey ahaayeen kuwaa oo laga soo xulay shanta dowlad goboleed (Hirshabeelle, Galmudug, Jubaland, Puntland iyo Koonfur Galbeed,) Ismaamulka Banaadir iyo hay'adaha dowladda dhexe. Isku dar ahaanna, dad kor u dhaafay kun ruux ayaa mashruucan kobcinta karaanka bulshada Soomaaliyed lagala tashaday.

Uruurinta xogaha tiroraaca ah (quantitative) iyo falanqayntooda

Xogaha oollinka ama gacanta labaad ah waxaa loo soo uruuriyay si nadaamsan, waxaana lagu kaydiyey xog-nidaamiyaha tirooyinka ee Excel. Waxaa la isticmaalay isla Excel kaa si loo lafa-guro loona falanqeeyo xogta si guud, gaar ahaaneed iyo isu geynba.

Cilmi-baarayaashu waxa ay xog ka soo ururiyeen xarumo ku yaal Muqdisho iyo dowlad goboleedyada si ay u helaan xogo tiroraac ah oo is-wadata. Xog-uruuriyaal khibrad leh ayaa xogta galiiyey waraaqda Excelka kaddib waxaa kala-dhigdhigay falanqeeye khibrad leh, kaa oo baaray, kala shaandheeyey kadibna soo saaray duluc qeexan oo la hubiyey luguna kasloonaan karo.

Agaasinka xogta tiraabraaca ah (qualitative) iyo lafo-guridda waraysiyada

Tiro cilmi-baarayaal iyo tababartayaal isugu jira oo uu kor-joogteynayey Bare-sare Cabdi Maxamed Kuusow ayaa xogta kumbuyutarka ku qoray iyaga oo mid walba summad gaar ah u yeelaya. Waxa ay si wadajir ah u qoreen una falanqeeyeen ku dhawaad 2,000 oo bog oo qoraal ah. Qoriddii hore, xogta waxaa loo kala soocay unugyo kala jaadjaad ah waxaana la qiimeeyey sida ay isu leeyihiin iyo sida ay u kala duwan yihii. Dabadeed waa la furfuray si ay u dhibyaraato in la garto qaybaha kala duwan, dhinac walbana looga istaago. Markii qaybihii iyo dhinacyadii kala duwanaa ee xogta la gartay kaddib ayaa la qeexay xiriirkka ka dhheeeya qaybaha iyo dhinacyada xogtu ay taabanayso. Hawshaasi waxa ay dhalisay in laysla meel dhigo qaybaha udub dhixaadka u ah cilmi-baaristan si loo soo saaro qiimeyn guud oo maangal ah, sugar luguna kalsoonaan karo.

Gaabiska daraasadda

Intii ay socotay xog uruurintu, Soomaaliya waxaa ka jiray nabadgelyo xumo ba'an, qalalaase siyaasadeed iyo kuwo dhaqaale kuwaa oo xaddiday cilmi-baarayaasha. Xiriirkha u dhexxeeya dowladda federaalka iyo dowlad goboleedyada ayaa sidaa oo kale si aad ah u xumaaday taa oo sii kordhisay nabadgelyo la'aantii iyo khalkhalkii siyaasadeed. Kayd-cilmiyeed badan oo rasmi ah Soomaaliya ma lahayn ama waa uu lumay sidaa awgeed cilmi-baarayaashu ma aanay helin dhigaal iyo xog badan oo la xiriirta horumarinta karaanka bulshada. Qodob kale oo cilmi-baarista xaddiday waxa uu ahaa iyada oo ku koobnayd Soomaaliya inta aqbashay dastuurka ku-meel-gaadinka ah ee 2012. Soomaaliland iyo qaybaha dalka ee ay Al-Shabaab ka taliyaan cilmi-baaristu ma daboolin.

Dib u eegidda xaaladda horumarinta karaanka bulshada

Kulankii horumarinta karaanka bulshada ee Soomaaliya waxa uu dib u eegid balaaran ku sameeyey tabta (ama istiraatijiyyadda) horumarinta karaanka bulshada heer qaran iyo heer gobol iyo sida ugu wanaagsan ee loo wajihu karo tabtaa. Ujeeddada dib u eegaddani waxa ay ahayd in la isticmaalo tabaha haatan jira si loo kordhiyo fahamka, qaab-dhismeedka, habka loo wajahayo iyo qaybaha kala duwan ee tabtan cusub. Dadaalka noocaan ahi waxa uu dhalay in kulanku uu wax ka barto qaab dhaqameedkii horay looga isticmaalay goobo ka baxsan Soomaaliya.

Waxaa dib-u-eeggiddan ka mid ahaa u dhabbagalka tabaha laga isticmaalo waddamo Soomaaliya oo kale ah. Qodobada la tixgaliyey waxaa ka mid ah in ay Soomaaliya deris la yihiin, isku ekaanshaha xaaladda dalkaas iyo Soomaaliya, khibradda kasoo kabashada khilaafaadka iyo nugeylka dowladda taa oo ay sabab u tahay dhibaatooyinka siyaasadeed iyo kuwa bulsho, sida ay uga soo kabteen hoosaynta kartida bulshada, horumarka muuqda ee ay ka sameeyey qorshaynta istaraatijiyyadeed, hirgalinta siyaasadaha iyo barnaamijta iyo jiritaanka qorshe qaran, kuwo goboleed iyo kuwo heer degaan ah kuwaa oo ku dhex shaqeeya qaab-dhismeedka guud ee qaranka.

Soomaalidu waa mujtamac dadyow badan ka duwan oo karti ama awoodo iyo baahiyoo gaar iyaga u ah leh. Sidaa awgeed dib-u-eeggiddani waxa ay isku dayday in ay isha mariso qaababka kala duwan ee dowladaha kale ay u wajahaan horumarinta karaanka bulshada ama horumarinta kartida bulshada (HKB/HKB.) Taa macnaheedu ma aha in sida iyagu ay u wajahaan ay Soomaaliya qaadanayso ee waxa ay tahay in cilmibaarayaasha Machadka Heritage iyo Jaamacadda City ee Muqdisho iyo saamileyda la xiriira ay arkaan haddii ay jirto wax duruus ah oo ay ka baran karaan, dalalka kale ee ka hawl galay kor u qaadidda kartida iyo karaanka bulshadooda.

Waddamada iyo bulshooyinka dib loo eeggay markii ay ogaadeen hoos-u-dhaca ka haysta karaanka bulshada ayey si dheelitiran dib ugu qiimeeyeen qorshayaalkooda iyo hiigsigooda. Taasi waxa ay cilmi-baarayaasha u sahashay in uu keeno tab ku habboon jawiga lagu jiro.

In kasta oo aanay kuwan ku koobnayn, haddana dib-u-eeggistu waxa ay si gun dheer ugu kuur gashay tabaha horumarin karaanka bulsho iyo qaabka loo fuliyey ee siddeed dal. Kuwaasi waxa ay kala yihiin Barbaydos, Jasiiradaha Kareebiyaanka, Joordan, Ruwanda, Singabuur, Siri Lanka, Koonfur Afrika tabaha ay raaceen ee heer qaran iyo waliba Gobolka Galbeedka Kayb. Arrintan waxa aannu u isticmaalay tixraac ahaan intii aannu baarista ku guda jirnay. Sidaa oo kale kulanku waxa uu darsay laakiin aanu isticmaalin macluumaa la xiriira qorshaha qaran ee Hindiya, Lisooto, Laybeeriya, Malaysiya, Muruushiyaas, Nayjeeriya, Siiraaliyoon iyo Yugaandha.

“
Ma jiro hal qaab
oo sax ah oo loo
diyaariyo tabta
ama istiraatijiyyadda
qaran ee
horumarinta
karaanka
bulshada. Nooca
shaqeeya waxa
uu ku xiran yahay
baahiyaha gaarka
ah iyo duruufaha
jira ee dalkaas,
dhaxalka ay ka
tageen isku-dayadii
hore, dhaqanka iyo
habdhaqanka iyo
khayraadka dalka

Ma jiro hal qaab oo sax ah oo loo diyaariyo tabta ama istiraatijiyyadda qaran ee horumarinta karaanka bulshada. Nooca shaqeeya waxa uu ku xiran yahay baahiyaha gaarka ah iyo duruufaha jira ee dalkaas, dhaxalka ay ka tageen isku-dayadii hore, dhaqanka iyo habdhaqanka iyo khayraadka dalka ama gobolka laga hadlayo. Joordan iyo Barbaydoos waxa ay isticmaaleen is bardardhig caalami ah iyo duruus laga bartay waddamo kale. Dowladda Joordan waxa ay uruurisay tusaalayaal gaar ah oo fulineed iyo qaab hawlgal oo ay ka soo uruurisay Koonfurta Kuuriya, Singabuur, Finland, Boqortooyada Ingiriiska, Dubeey iyo Boolaandi. Sababta ay waddamadan Joordan u dooratay waxaa weeye (gaar ahaan Koonfurta Kuuriya iyo Singaboor) waxa ay ahaayeen waddamo dakhliga soo gala uu yar yahay inta aanay bilaabin dib-u-habaynta, laakiin waxa ay dib-u-habaynta ka dib gaareen hufnaan iyo kobac dhaqaale.

Jadwalka 1aad - Casharradii Joordan ay ka baratay cilmi-baaristeedii lixda waddan.⁹

Kuuriyada Koonfureed

Xaaladda guud	Casharrada laga bartay
Lixdankii sano oo la soo dhaafay, Kuuriya waxbarashada ayay si cad aasaas uga dhiigay kocobeeda dhaqale, taas oo ahayd arin ugub ku ah. Waxa ay samaysay maalgaashi sareeya oo waxbarashada ah (7.6% dekhligal dalkal): imtiixanno iyo qimayn adag, shaqo ku xiran mudnaan iyo natijada imtiixanno iskuullada/jamacadaha, taas oo kor u qaadday dadaalka ardayda iyo waalidka - oo 80% ardayda Kuuriyada Koonfureed waxa ay kireystaan macallimmin waxbara si ardaygu u noqdo mid horreyya;	Maalgashi waxbarasho oo xirir ah sida uu tayada kor ugu qaadi karo; Mudnaanta (aqooneed) oo ahmiyad la siyo in ay abuurta dhirrigelin bulsho; Dhaqanka Kuuriya oo aaminsan in la shaqaysto lana dadaal oo tayeynta qayb ka qaataay; Wel-wel hadda ka jira hal-abuurka xumada iyo shaqo laanta dhallinyarada oo waxbarasho ay xal u noqon karto

Singapore

Xaaladda guud	Casharrada laga bartay
Singapore waxa ay ku qooleyasatay in ay isku xиро dib-u-habaynteeda waxbarashada iyo qorshaheeda (kocinta) dhaqaalaah. Waxaa kale oo ay Singapore si ka-baaraan-deegid leh u deejsey dib-u-habaynteeda waxbarashada iyada oo ay caddaayene ahmiyadha iyo ujeeddooyinka, dib-u-habayntaasna loo hirgelintu hab huufaado leh. Hirgelinta iyo habayntu waxa ay ahayd mid an argati kallya ahayn ee ay ahayd in ay dhacdo, dib-u-habuutu waxay ahayd mid joogteysan oo aana kala go'lahayn; dadka gaacanta ku haye hirgelintuna waxa ay khasbanaayeen in ay mira dhallyaan. Tusaale ahaan, hirgelinta iskuullada farsamada gaacanta waxaa la socdey hirgelinta xarun dhewe oo maamusha oo si dhow dowlaadde uла shaqaysa masuulina ka ah manhajka, tayaad macallimka iyo agoontu ardaygu korosaray.	Istiraatijooyin dhaqaale iyo waxbarasho oo isla socda ama midaysan; Qorshayaal shan sano ah oo si dhammaystiran loo hirgelley; Isla-xisaabtan dhab ah oo madaxda dhexdooda ah oo khasbaya fulinta wixii la qorseeyey; Jirirtaan isbahaysi is-baddel-doon doon ah oo minitid ah; Si joogta ah in isha loogu hayo awooddha, aqoonta iyo wax u oolnimada macallimka

Finland

Xaaladda guud	Casharrada laga bartay
Finland waxa ay mar kasta kaalin horyaal ah ka gashaa qiiyamno kalu duwan oo calimah ah ee waxbarashada sida Hedaraka Barashada Xisaabta iyo Sayisika (Trends in International Mathematics and Science Study (TIMSS) iyo Qorshaha Caalamiga ah ee Qilmiyatay Ardayda (Programme for International Student Assessment (PISA). Dib-u-habaynta waxbarashada ee Finland waxa ay ku salaysan tahay awood-daadejin waxbarashada iyo ka talinteeda oo looga danbeeyo maamullada iskuullada iyo macallimmaa Finland waxa ay leadahay qorshe shan sano ah, macallimini xeed-dheeraayal ah, iyo iyoada oo ardayda jaamacadha aadaya ay macallimnimada u arkaan waxa ugu mihiimsan ee jaamacadha laga bartoo. Halkii boos oo macallinimo ah oo jaamacadha ka bannaan, waxaa soo dalbabaa tobann arday; dhaqanka dadka Finland oo salku ku haye madhabtooda Calvinist (ee Kiristaankana) waxbarashada iyo waxbariddu waxaa loo arkaa wax weyn oo waajib diini ah ku salaysan.	In ay Filand noqoto dal horreyya, waxaa u sahley waxbarashada tayasan; Saamaynta oyoska iyo mudda dhaqanka kaalin weyn ayay ku leeyihin in la helo miro wax u ool ah; Markii ay caddahay sida shaqada loo kala lee yahay, ciddii shaqada loo daadejiyana ay karti fuluneed leedahay, daadejinta shaqadu waa ay shaqayn kartaa miro dhalha waa ay noqon kartaa;

Ingiriska

Xaaladda guud	Casharrada laga bartay
Labaatankii sano oo la soo dhaafay, waddanna Ingiriiski waxa uu ku soo caan-baxay in ay hirgelinta dib-u-habayno lagu hagaajniyo, waxbarashada sida qorshaayad horumarneed ee akhriksa iyo qoraalka, iyo barashada xisaabta oo wadata hagaayaal rasmii ah, imtiixanno heer dalka oo dhan ah, shaacinta natiijooiyinka iskuull kasta, manhaj wata habbeegyo cusub, iyo maal-gelin mashaariidca cusub oo lama taabtaan oo aan ee male kalle loo leexin karin iyo weliba awoodda oo loo kordhiyey xafsiyada kormeerka. Dib-u-habaynta mira dhalka noqotay, waxa ay u badnayd, kuwa afer sano socdey. Dib-u-habaynta ayaa qayb ka ahayd, dib-u-habayntu guud oo Ra'iisul Wasaaruhu sameeyey, isaga oo sameeyey Xafisika Hirgelinta (Discovery Unit) si hirgelinta mashaariidca dawlaadda oo dinan si sahiin looga hagi karo hal meel oo lagu og yahay.	Dib-u-habayn si buuxda u jihaysan oo maal-gelintuna ay leedahay, yoopal cad-cad, haystanya taageero buuxda waa miro dhal; Isla-xisaabtan buuxa oo hoos ka soo bilaabanaya waa muhiim sida in la daabaco natijada iskuull kasta; Ma fududa in waddada horumarka lagu suggaado, waase wax la samayn karo. Wa in aad looga firsooda in hay'adaha shaqada dib-u-habaynta wada la saaro cubayyo iyo is-baddello is-dababajog ah oo ka baxsan awoododa;

Dubai

Xaaladda guud	Casharrada laga bartay
Duba waxay iyoof falatay waddo cusub oo ah in ay dhiri-geliso waxbarashada gaarka loo leeyahay si ay xal ugu noqoto culaysada ka haysta in waxbarashada tuyayan. Hesi diyosha oo jaanabta badan er Dubai ku nood Dharkha iskuullide. Dubai komerceekaa ay u adeegsatay oo iskuull kasta li kisabintu to qimine kordinhinta si gaar ah ay isha ugu hiraaxaa oo waa shardi u ah in iskuulka ardayda qimina ku kordinhinta uu dhilbo sare oo xaggaa tayaada ah haysto, waxayna ku xukurtaa ama ku xukamysaa iskuullada gaarka loo leeyahay in ay markii ay doonto ah shatiga ka ceshan kartoo. Dubia waa ay dhaaftay Abu Dhabi iyo Doha waayo qaab-hoggaaminteeda ayay ka dhiigay mid firrcoor, sohilan, saamayna leh, suuqas waxbarashada gaarka loo leeyahay ay kobicsey, meelo yar-yar marka. Isaga reeb, hawl galadeedu colays muuqda waxbarashada ma saarin.	Isla-xisaabtanaya loo iyo maamulkooda hirgeleyo dib-u-habaynta; kormeerka wax weyn buu ka taray huufnaata. In dowladluu waxbarashada ay hoggamois oo kafalo qoaddo, ma aha xalka kallya ee jira; ganacsatada oo waxbarashada qayb ka noqota ayaa iyanu wax ku ool ah, maal-gashigana ka qaybqaadan kartaa; In la fahimo muhiimadda iyo xalka, si aan ka weecasho lahayna xoogga loo saaro waa naqshad shaqaynaya. In la isku-xiro tabaha waxbarashada iyo qorshaha dhaqaale ee magaaladu waa labo aan kala maarmiin

Poland

Xaaladda guud	Casharrada laga bartay
Ilaa 1999, Poland waxa ay ahayd goob guul dib-u-habaynta waxbarashadu ay ka hirgashay, iyooda oo si xawaara ah uga horumartay dalalka ay tartanka ku jireen ama isku heerka ahayseen ee Yurub, isla markaana iyo gaaly kharash ka yar midka ay galeen dalalka ay dhaafay. Qimintaya calaamiga ah ee loo yaqaanno PISA, hadda Poland waa ay ka horrayaa USA, France, Germany, Sweden, iyo UK. Is-beddeldala u shaqeeey Poland ee manhajka iyo qimintaya ee samaysay waxaa ka mid ahaa in ay dugsiyeed hoose/dhexe ururisay, dugsiya sarana ay saddex sano ku daryat, si ay ardaydu u helaan wagtii dherri ah inta aysan abbaarin farsamo gacan ama jaamacad. Guushaana waxa loo tiriyey in ay salku ku hayso, dalab ka imaanyey bulshad, oo xaaladda siyasadeed ee dalka ayaa is-badeshey oo markii shuuciyaddu ay burburay 1990-maadiikii ayaa waxaa yimid baahii loo qabo isbaddel dhaqan dhaqale oo ay ka dhalatalay dalab la dalbanayo waxbarasho tayo leh.	Madaxbannaani iskuullada iyo maamulkooda la siyo ayaa lafdhabar ahayd, laakiin kormeerka dowladdu markii loo baahdo iyo meelaha dadka saboolka ahi deggan yihiin wax weyn ayay tartay iyo weliba tababarrada macalimiintu; Ku dhirrashada in dib la isugu shaandheeyo sannadaha waxbarashada aasasiga ah waxa ay ahayd mid wax a baddashey tayaad waxbarashada; Cadaadis iyo codsiyo waardin kaa imaanyey ayaa isbeddel inuu dhaco riixayey.

9 The Hashemite Kingdom of Jordan, Education for Prosperity: Delivering Results – A National Strategy for Human Resource Development 2016 – 2025.

Qaybaha tabta / istiraatijiyadda horumarinta karaanka bulshada

Tabaha ama istaraatijiyoo-yinka horumarinta karaanka bulshada ee ay cilmi-barayaashu darseen, waxaa kasoo dhex baxay dhawr qaybood oo ay wadaagaan kuwaas oo loo kala sooci karo lix qaybood oo ay istaraatijiyad kasta leedahay.

Gogol-xaarka hore ee dhismaha Tabta: Qaybaha gundhigga ah waxaa loo kala saari karaa saddex marxaladood, kuwaa oo kala ah: wadatashi/iskaashi, falanqayn xaalladda dalka iyo qiimeyn baahida jirta iyo adeegyo baahi iyo helitaan ku jaan go'an.

Qiyam, mabaadii, qorshe qaran iyo qaab-dhismeedka siyaasadeed oo isku sidkan: Qodobkan waxaa loo kala qaybin karaa shan qaybood: qiyamta aasaasiga ah/mabaadiida hagaya, is-waafajinta siyaasadda qaran, is-waafajinta howlaha dowladda oo dhan, qaadashada qaabka ugu wanaagsan ee hawl loo qabto iyo in aan qayb bulshada ah laga tegin oo tabtu ay koobayso dadka oo dhan (sida dumar, naafo, barakacayaal).

Beegsi: Ujeeddada la beegsanayo (marka la diyaarinayo tabta horumarinta bulshada) waa in la ciribtiro fakhriga, kor loo qaado isku filnaanshaha, wax soo saarka, adkaysiga – tabta horumarinta karaanka bulshaduna, asal ahaanba waa mid ujeedeysan, oo meel hiigsanaysa. Qodobkan waxaa loo kala jabin karaa dhawr qaybood oo kala ah: hiigsi ama aragtii fog, hawlgal, qaabka lagu gaarayo ujeedada istiraatajida, yoolka, tiirkanka istaraatijiga ah iyo weliba bar-tilmaameedyada la abbaarayo.

Doorka iyo Agaasinka: Meelmarinta tabtu waxa ay ku xiran tahay qeexidda doorka ay cid waliba ka ciyaarayso iyo waajibaadka saaran kuwaas oo ku dhidban daahfurnaan iyo xilkasnimo. Tabtu waxa ay dowladda, wasaaradaha iyo saamileyda kale ee horseedka ah u qeexday doorkooda. Qodobkan waxaa loo kala qaybin karaa saddex qaybood doorarka hay'adaha, wasaaradaha iyo awoodaha kale ee hormuudka ah iyo guddiyada / kooxaha shaqo-wadaagga ah.

Qaab dhismeedka tabta Horumarinta Karaanka Bulshada: Dal waliba sida ay tabtiisu waxtar u tahay waxa ay ku xiran tahay sida uu u qaabeeeyey tabtiisa. Qaybtan waxaa loo sii kala jabin karaa sagaal qaybood: qeexitaanka guud; Qaabaynta Shahaadooyinka dalka; Jaantuska Dalka ee Tababarada oo ay ka mid yihin habka halbeegyada; arrimaha mudnaanta tabta u aragto; ku xirnaanta siyaasadaha qaranka/nidaamka; wajiyada fulinta qorshayaasha tabta; jadwalka hannaanka horumarinta karaanka bulshada; waxyaabaha la qabanayo; xogaha iyo istaatistikada kuwaa oo ay ka mid yihin maclumaadka shaqada iyo shaqaalah, hagidda iyo la talinta shaqaalah.

Hirgalinta: Dhammaan qaybaha aannu ka soo hadalnay ayaa la isu keenay si loo dhaqaajiyo hawshan, maxsuulkeedana loo hagaajiyo. Qaybtan waxaa loo kala jabin karaa afar waaxood: xaaladda sahlaysa fulinta tabta; isku xirka fulinta; ka-qaybgalayaasha tabta (dalka, dibadda iyo caalami); iyo kormeer iyo qiimeyn.

Is waafajinta Horumarinta Karaanka Bulshada iyo xaaladda dalka

Afartankii (40) sano ee la soo dhaafay, Soomaaliya waxa ay isku dayeysay inay dajiso qorshe horumarineed kaa oo uu riixayey horumarinta karaanka bulshada. Qorshaha horumarinta qaranka, NDP-9 oo daboolayey 2020-2024 waxa uu xoogga saarayaa toddoba ahmiyadood oo muhiim u ah horumarinta karaanka bulshada kuwaa oo badankoodu diiradda saaraya waxbarashada iyo horumarinta xirfadaha:¹⁰

Xoojinta maalgalinta waxbarashada: Dowladdu iyada oo kaashanaysa hay'adaha horumarinta waa in ay xoogga saarto maalgalinta waxbarashada qaybaha muhiimka ah ee bulshada si loo helo waxbarasho loo siman yahay oo tayo leh loona abuuro hannaan waxbarashada lagu maalgalinayo oo waara.

Diyaarinta heerar iyo jaangoyn sharci iyo siyaasadeed: Tani waxa ay ka socotaa dowladda waxa ayse sidoo kale khusaysaa hay'adaha aan dowliga ahayn. Qaybta waxbarshadu waa inay xoojiso siyaasaddeeda iyo qaab sharcieedkeeda si kor loogu qaado gudbinta adeegga waxbarashada. Manhajka aasaasiga ahi sidiisa ayuu u sii socon doonaa, halka laga diyaarin doono manhaj qaran oo dugsiga sare ah. Tabta horumarinta karaanka bulshadu waxa ay u aragtaa muhiim degdeg ah in la sameeyo gole saamiley.

10 Somalia National Development Plan 2020 – 2024 (NDP-9), Volume 1, Federal Government of Somalia Ministry of Planning, Investment and Economic Development, 15 October 2019.

Abuuridda nidaam maamula macluumaadka waxbarashada ee dalka: Tani waxa ay soo saari doontaa macluumaad tayo sare leh oo sahla go'aan qaadasho cilmi iyo ogaansto ku dhisan.

Mudnaan-siinta waxbarashada ee dadka bulshada ugu nugul: Barakacayaasha iyo reer miyigu waxa ay wajahaan fursado yari xagga waxbarashada ah. Fursadahaasi waa sii yaraadaan xagga gabdhaha oo tirada gabdhaha iskuulka la geeyo iyo kuwa iskuulka dhammeeya waa ay ka hoosaysaa midda wilasha. Caqabadahan waxaa lagaga gudbi karaa wada shaqayn dhexmarta hay'adaha aan dowliga ahayn, dhisidda iskuulo cusub, shaqaalaysiin macallimiin dumar ah, iyo kor u qaadidda wacyiga qoyska ee la xiriira muhiimadda ay waxbarashu leedahay, intaa oo lagu laray adkaynta nabadgalyada.

Shaqaalaynta iyo tababarka macallimiin tayo leh: Tani waxa ay sahlaysaa in la helo waxbarasho tayo leh oo habboon. Dalka oo dhan, macallimiin tababar fiican leh ayaa fulin doona manhajka cusub.

Dhallinyarada oo xoogga la saaro: Iyada oo lala tashanayo goobaha shaqada, ururrada shaqada iyo shirkadaha gaarka loo leeyahay, waa in la abuuro tababarka xirfadaha gacanta iyada oo il gaar ah lagu eegayo xirfadaha suuqa shaqada looga baahan yahay. Arrintani waxa ay qayb ka tahay tiirka dhaqaalah ee NDP-9 waxaana lala kaashanaya saamileyda. Siyaasadda Dhalinyarada ee Qaranka iyo Tabta Horumarinta Karaanka Bulshada ayaa isku hawli doona sidii ay dhallinyarada ugu abuuri lahaayeen fursado xirfadeed iyo kuwo farsamada gacanta la xiriira. Sidaa oo kale waxaa la dhiirri-gelin doonaa horumarinta tababarrada iyo xirfadaha, ganaci abuurka iyo adeegyada kale.

Kor u-qaadka awoodda waxqabad: Dowladdu waxa ay xoojinaysaa shaqaalahaa atan shaqeeya waxa ayna tababar siinaysaa kuwa cusub si wax looga qabto baahiyaha waxbarasho ee mudnaanta sare u leh bulshada. Waxa ay sidaa oo kale xoojin doontaa maamulka, awoodda maaraynta iyo tayeynta waaxaha waxbarashada iyo waxqabdkooda si ay usoo bandhigi karaan waxbarasho tayo leh.

“

Laga soo bilaabo sanadkii 2000, shan doorasho oo ay shan madax weyne xilka kula kala wareegeen ayaa Soomaaliya ka dhacay. Arrintaasi waxa ay Afrika gaar ahaan bariga Afrika ka tahay dhif iyo naadir

Xaaladda Soomaaliya

Qaabka horumarinta karaanka bulshadu waxa uu ku xiran yahay xaqiiqda Soomaaliya ka jirta. In kasta oo ay caqabado badani jiraan haddana rajadu ma xuma. Soomaaliya waxa ay soo martay 30 sano oo dagaal iyo deganaansho la'aan ah. Labaatankii sano ee u dambeeyey waxa ay caan ku yihiin soo kabasho gaabis ah iyo dib udhis laamaha dowladda sida nidaam dhexe oo muran badan dhaliyey, walina aan saldhigan. Dhaqdhaqaaqa Al-Shabaab oo xiriir la leh Al-Qaacidda ayaa tobankii sano ee dambe ka soo ifbagay gobolada dhexe iyo kuwa koonfureed gaar ahaan Muqdisho.

Xaaladaha dhaqan-dhaqaale, nabadgalyo iyo maamul ee Soomaaliya ka jira waa kuwo niyad jab leh isla markaana mustaqbal fiican uu ka muuqdo. Dalku waxa uu galaa halka ugu xun ee tusmooyinka caalamiga ah: tacliinta ugu hoosaysa, cimriga ugu gaaban ee dadka, caafimaadka ugu xun, xuquuq ku tumashada, saboolnimada, shaqo la'aanta, nafaqo darrida ubadka iyo musuqmaasuqa ugu sarreeya caalamka oo dhan. Laakiin ifafaaluhu ma xuma maxaa yeelay sanado badan ayey Soomaalidu ku dadaalaysay, bulshada caalamkuna taageeraysay, dib u dhiska dalka. Laga soo bilaabo sanadkii 2000, shan doorasho oo ay shan madax weyne xilka kula kala wareegeen ayaa Soomaaliya ka dhacay. Arrintaasi waxa ay Afrika gaar ahaan bariga Afrika ka tahay dhif iyo naadir.

Qaybahan soo socda waxa aan kusoo bandhigaynaa dulmar guud oo ku saabsan nabadgalyada, siyaasadda, maamulka, xiriirka dibadda, arrimaha dhaqaalahaa, arrimaha banii'aadanimada la xiriira iyo qorshaha horumarinta karaanka bulshada ee Soomaaliya.

Nabadgalyada

Amniga guud ee Soomaaliya ma ahayn mid kasoo raynaya 2019, meelaha qaarkoodna wuuba kasii daray in kasta oo ay dowladda federaalku badisay 36% dakhliga ay galiso arrimaha amniga.¹¹ Tobankii sano ee lasoo dhaafay, dowladda Soomaaliya waxaa caawinayey AMISOM oo leh 20,000 oo ciidan nabad ilaalin oo Afrikan ah kuwaas oo ay Qaramada Middoobay soo dirtay, Midowga Afrikana uu kharashkooda bixiyo. Wuxuu qorshaha horumarinta karaanka bulshada ee Soomaaliya dariska la ah. Dowladda federaalku waxa ay dhistay xoog ciidan oo dhan 20,000 oo isugu jira xoogga dalka, booliis iyo sirdoon.¹²

¹¹ "Building Education to Boost Human Capital," p.8.

¹² Security Pact agreed at London Conference on Somalia, 11 May 2017, available online at: https://assets.publishing.service.gov.uk/government/uploads/system/uploads/attachment_data/file/613720/london-somalia-conference-2017-security-pact.pdf, last accessed on 1 June 2020.

“

Bishii Oktoobar
2017 iyo bishii
Diseembar 2019,
in ka badan
1,200 oo qof oo
ka mid ah dadka
magaalo madaxda
deggan ayaa ku
dhintay ama ku
dhaawacmay
labo ka mid ah
xasuuq-wadareedkii
ugu xumaa ee
caalamka ka dhaca

AMISOM waxa ay qunyar u dhimaysaa tirada ciidamadeeda si ay u fuliso istaraatijiyyad aan sahanayn oo ay kaga baxayso Soomaaliya. Qaramada Midoobay mar ay bishii May 2019 dib u eegid ku samaysay waajibka AMISOM, golaha amnigu waxa uu ansaxiyey kolkii la gaaro bisha Febraayo ee sanadka 2020 in la yareeyo qiyaasta 3,000 oo askari ciidamada AMISOM. Ciidamada ugu badan ee Soomaaliya loo ogol yahay inay joogaan waa 19,626. Goluhu waxa uu sidaa oo kale faray AMISOM in ay si tartiib tartiib ah masuuliyadda ugu wareejiso dowladda Soomaaliya, waxa uuna dowladda Soomaaliya ka cadsaday in ay la wareegto mas'uuliyadda amniga dalka markii la gaaro sanadka 2021. Xeel-dheerayaashu waxa ay rumaysan yihii haddii AMISOM ay si degdeg ah uga baxdo Soomaaliya, in taasi ay horseedi karto in guulihii horay looga hantiyey Al-Shabaab ay bar-kuma-taal noqonayaan, halisna ay galayaan laamaha dowladda federaalka ee tallaabo qaadka ah.¹³

Al-Shabaab waxa ay dalka ka fuliyaan weeraro culculus oo argagixiso; hal weerar oo kali ah sanadkii 2019 ayey ku dileen dad ka badan 1,500. Reer Muqdisho ayey ku dhacaan badanka weeraradan foosha xun ee naxariis darrada ahi. Kooxda Al-Shabaab waxa ay gacanta ku haysaa jidatka waqooyi iyo koonfurba magaalada uga baxa. Bishii Oktoobar 2017 iyo bishii Diseembar 2019, in ka badan 1,200 oo qof oo ka mid ah dadka magaalo madaxda deggan ayaa ku dhintay ama ku dhaawacmay labo ka mid ah xasuuq-wadareedkii ugu xumaa ee caalamka ka dhaca. Weeraradii u dambeeyey ee ka dhacay isgoys duleedka magaalada ee koonfur galbeed ah waxaa ku naf waayey in ka badan 90 qof oo badankoodu ahaa ardo jaamacadeed iyo xubno ka mid ah ciidamada booliiska.¹⁴

Dowladda federaalka ee Soomaaliya waxa ay qiratay in Al-Shabaab ay aad u dhixgaleen hay'adaha dowladda. Bishii Agoosto 2019, duqii magaalada Muqdisho Cabdiraxmaan Cismaan (Yiriisow) ayaa lagu dilay qarax ismiidaamin ahaa oo ay fulisay gabar Al-Shabaab ka tirsan oo u shaqaynaysay dowladda hoose taas oo gacan ka heshay qof kale oo isna xubin ka ahaa Al-Shabaab una shaqaynayey maamulka gobolka Banaadir.¹⁵

Labadii sano ee lasoo dhaafay, Al-Shabaab waxa ay aad u kordhisay awooddeeda dakhli-soosaar ee dalka oo dhan oo ay Muqdisho ka mid tahay. Machadka Hiiraal oo ah hay'ad cilmi-baaris oo arrimaha amniga u kuurgala oo fadhigiisu yahay Muqdisho waxa uu sheegay in Al-Shabaab ay uruuriyeen \$27 malyuun sanadkii 2018 oo kaliya.¹⁶

13 "Security Council Extends Mandate of African Union Mission in Somalia, Authorizes Troop Reduction, Unanimously Adopting Resolution 2472 (2019)", UN Press release, 31 May 2019, available online at: <https://www.un.org/press/en/2019/sc13828.doc.htm>, last accessed on 1 June 2020.

14 "Al-Shabab claims deadly attack in Somalia's Mogadishu," Al Jazeera, 30 December 2019, available online at: <https://www.aljazeera.com/news/2019/12/al-shabab-claims-deadly-attack-somalia-mogadi-shu-191231002343929.html>, last accessed on 1 June 2020.

15 Sheikh, Abdi "Somalia Says Blind Female Suicide Bomber Killed Mogadishu Mayor," 9 August 2019, available online at: <https://www.reuters.com/article/us-somalia-security-bomber/somalia-says-blind-female-suicide-bomber-killed-mogadishu-mayor-idUSKCN1UZ1D0>, last accessed on 1 June 2020.

16 "The AS Finance System," Hiraal Institute, July 2018, p.7, available online at: <https://hiraalinstitution.org/wp-content/uploads/2018/07/AS-Finance-System.pdf>, last accessed on 1 June 2020.

“

Dhammaadkii
sannadkii

2019-ka, dowladda
dhexe waxa ay
diilaangalisay
farana ay ka
qaadday in ku
dhaw dhammaan
xoogga dalka
iyo ciidanka
booliska ee hoos
taga dowladda
dhexe si meesha
looga saaro qof
aan ciidamada
ka mid ahayn
oo magaciisa
mushaar lagu
qaato

“

Hay'adda

caalamiga ah ee
lagu magacaabo
Aqalka Xorriyadda
(Freedom House)
ayaa imminka
Soomaaliya ku
daray sagaalka (9)
dal ee dunida ugu
liita xagga illaalinta
xuquuqaha
siyaasadeed ah iyo
kuwa madaniga ah

Kooxdu waxa ay leedahay nidaam si cabsigalin iyo handadaadi ku jirto ay dalka inta ay gacanta ku hayaan iyo inta ay dowladda dhexe gacanta ku hayso lacag uga uruursadaan. Warbixin ay qaramada midoobay soo saartay ayaa sheegaysa in kooxdani ay dekadda Muqdisho ka qaadaan canshuur, dekadda oo sidaa oo kale ah isha ugu muhiimsan ee ay dowladda dhexe dhaqaale ka hesho. Soomaali badan ayaa is weydiinaysa la xisaabtan la'aanta ka jirta laamaha amniga maxaa yeelay ku baahidda Al-Shabaab ee laamaha amniga iyo uruurinta dakhliga lagu uruuriyo caga-juglany iyo cabsi galin ayaa heer aan hore loo arag gaaray.

Dowladda federaalku waxa ay sii waddaa dadaalkeeda dib-u-habaynta kaas oo hadafkiisu yahay la dagaalanka musuqmaasuqa baahay. Dhammaadkii sannadkii 2019-ka, dowladda federaalku waxa ay diilaangalisay farana ay ka qaadday in ku dhaw dhammaan xoogga dalka iyo ciidanka booliska ee hoos taga dowladda si meesha looga saaro qof aan ciidamada ka mid ahayn oo magaciisa mushaar lagu qaato. Hawlgalkani sidaa oo kale waxa uu wax ka baddalay nidaamka mushaar bixinta kaa oo markii hore ahaa lacag caddaan ah oo qofka la siiyo haddana noqday musharka oo askariga akoonkiisa ama teleefankiisa gacanta ugu dhaca.¹⁷

Siyaasadda

Loollan siyaasadeed ku saabsan awoodda, kheyraadka iyo gooni wax isusiin ayaa khalkhaliyey siyaasadda Soomaaliya. Siyaasadda xisbi daacad u ahaanshaha ku dhisan ayaa caadi ka dhigay si xun wax usheegga, waxayna sumaysay jawiga siyaasiga ah. Sharciga dalka oo aan ilko fiican lahayn awgeed, musuqmaasuqii ayaa u ekaaday caadi taas oo wiiqday hay'adihii dowliga ahaa. Aragti gaabnida siyaasiyiinta Soomaaliyeed ayaa dhalisay in xukunku uu noqdo magac-u-yaal taa oo yaraysay garoonkii siyaasiga ahaa, iska hor keentay shacabkii, wareerisayna bulshada caalamka. Intaa waxaa dheer xuquuqda siyaasadeed iyo mizza dadka ayaa lagu tuntay, waxaana aad u kordhay musuqmaasuqa.

Hay'adda caalamiga ah ee lagu magacaabo Aqalka Xorriyadda (Freedom House) ayaa imminka Soomaaliya ku daray sagaalka (9) dal ee dunida ugu liita xagga illaalinta xuquuqaha siyaasadeed ah iyo kuwa madaniga ah.¹⁸ Laga soo bilaabo 2007 ilaa maanta, Soomaaliya waxa ay gashaa halka ugu hooseysa ee tusmada musuqmaasuqa ee ay samayso hay'adda Daahfurnaanta Caalamiga ah (Transparency International) ee ay kaga hadasho heerarka musuqmaasuqu uu marayo.¹⁹

17 Waal, Hassan Yuusuf, "Renewed hope: Rebuilding Somalia's national army," Daily Sabah, available online at: <https://www.dailysabah.com/op-ed/2019/10/24/renewed-hope-rebuilding-somalias-national-army>, last accessed on 1 June 2020.

18 "Freedom in the World 2020: A Leaderless Struggle for Democracy," Freedom House, available online at: https://freedomhouse.org/sites/default/files/2020-02/FIW_2020_REPORT_BOOKLET_Final.pdf, last accessed on 1 June 2020.

19 2019 Corruption Perceptions Index, Transparency International, available online at: <https://www.transparency.org/en/cpi/2019>, last accessed on 1 June 2020.

Tan iyo markii la doortay Madaxweyne Maxamed Farmaajo bishii Febraayo 2017, jawiga guud ee siyaasadeed ee dalka waxa uu noqday waxa ay xeeldheerayaasha qaarkood ugu yeeraan “fashilkii wada-shaqaynta siyaasiyiinta.”²⁰ Xiriirka u dhixeyaa dowladda federaalka iyo dowlad goboleedyada ayaa xumaaday bilo uun ka dib markii Farmaajo uu xukunka la wareegay uuna la yimid nidaam xukun, oo taladii kusoo uruuriyey dowladda federaalka. Tani waxa ay meesha ka saartay nidaamkii federaaliga ahay ee ku dhisnaa is-qancinta iyo isu-tanaasulka tan iyo sanadkii 2004. Khilaafka ugu weyn waxa uu ahay awood qaybsiga dastuuriga ah ee dowladda federaalka iyo dowlad goboleedyada si kuwan dambe ay u gaaraan ah-daaftooda siyaasadeed, dhaqaale iyo diblomaasiyadeed. Muqdisho shaki ayey ka qaadday dowlad goboleedyada waxa ayna si degdeg ah uga shaqaysay sidii ay u minjo-xaabbin lahayd, xataa haddii ay ku kallifto in ay xoog u isticmaasho.

Afar ka mid ah dowlad goboleedyada shanta ah ayaa doorashooyin qabtay ama qabanayey. Dowladda federaalku halkaa waxa ay ka aragtay fursad ay saameyn ku yeelan karto haddii ay suuragal tahayna ayba karkaarka ku waydaarin karto madaxda dowlad goboleedyada ee aan xiriirka fiican la lahayn kuna baddali karto kuwo iyada u dhaganugul. Sida culus ee ay dowladda federaalka u maamushay siyaasadda ku aaddan dowlad goboleedyada ayaa dhalisay duufaan siyaasadeed kaa oo hakiyey horumar kasta oo laga sameeyey abuuridda siyaasad cid walba ay iska dhex arki karto.

Awoodda oo ay isku soo koobto dowladda federaalka waxa ay dhalisay in aanu shaqaynin Haykalkii Amniga ee Qaranka (NSA) kaa oo la sameeyey 2017 hadafkiisuna ahay iskaashi xagga amniga ah oo u dhixeyaa dowladda dhexe iyo dowlad goboleedyada.²¹ Muruqtuujintaa iyo is-mahadintaasi waxa ay keentay is-mari-waa, waxa ayna abbuurtay xaalad ay argagixisadu ku baraarto kuna xoogaysato.

Sanadkii u dambeey, wax horumar ah oo la taaban karo lagama gaarin qabyo-tiridda dastuurka. Sababta ugu weyn ee arrintaa keentay waa khilaafka siyaasiga ah ee u dhixeyaa dowladda federaalka iyo dowlad goboleedyada. Dastuurka ku meelgaarka ahi waxa uu u baahan yahay dibu eegis buuxda iyo heshiis ku saabsan awood iyo kheyraad qaybsiga oo dhixmara saamileyda muhiimka ah.

²⁰ Menkhaus, Ken, “Elite Bargains and Political Deals Project: Somalia Case Study,” paper for the UK Government Stabilisation Unit, February 2018, available online at: https://assets.publishing.service.gov.uk/government/uploads/system/uploads/attachment_data/file/766049/Somalia_case_study.pdf, last accessed on 1 June 2020.

²¹ London Conference Security Pact.

Wasaaradda faderraaliga ah ee Arrimaha Dastuurka iyo guddiga madaxa bannaan ee dib-u-eegidda dastuurka waxaa loo xilsaaray in ay hoggaamiyaan howshan. Laakiin waxa ay u baahan yihii midaynta aragtiyaha iyo wadashaqaynta dowladda federaalka iyo dowlad goboleedyada.

Mid ka mid ah guulaha waa weyn ee uu baarlamaanku gaaray waa meelmarinta sharciga dalka ee doorashooyinka 28 Diseembar 2019. Kaddib in ka badan hal sano oo wadahadallo iyo gorgortan kusaabsan qaabkii loo qaban lahaa doorashada 2020-2021 ee golaha shacabka iyo madaxweynaha, badanka xubnaha golaha shacabka iyo saamileyda muhiimka ahi way taageersan yihii qaab-doorashada cusub.²² Laakiin waxaa la isku raacsan yahay in aan sharcigan la meelmarin karin doorashada 2020, maxaa yeelay arrimo muhiim ah ayaan wali la isla meel dhigin.²³

Wadahadalladii u dhixeyey dowladda federaalka iyo Soomaaliland ayaan wali dhinacna u dhaqaqin. Soomaaliland waxa ay ku dhawaaqday inay Soomaaliya ka go'day sanadkii 1991. In kasta oo aan wadahadalladii hore wax macne lihi kasoo bixin, haddana waxa ay ugu yaraan abuureen jawi la is hor fariisan karo. Haatan waxaa muuqata colaad furan oo afka ah oo u dhixeyya labada dhinac maxaa yeelay dowladda federaalka ayaa qaadatay mowqif adag. Guddi dibu-heeshiineed oo dhawaan loo igmaday in ay la taliso dowladda federaalka ayaan qudhiisu wali wax horumar ah gaarin. Kulan bishii Febraayo 2020 Addis Ababa ku dhexmaray Madaxweyne Farmaajo iyo hoggaamiyaha Soomaaliland Muuse Biixi Cabdi ayaa dhaliyey rajo fuf cusub oo wadahal, laakiin kaasi durba wuu dhaday kadib markii war ku-tiri-ku-teen ah uu soo baxay in Farmaajo uu booqan doono Hargaysa ay ka caraysiisey Soomaaliland.²⁴

Xiriirka arrimaha dibadda

Soomaaliya waxaa ka jirta faragalin dibadeed oo baahsan. Si amniga dalka loo sugo loona xasiliyo waa in wax laga qabto danaha kala duwan, cakiran ee inta badan lidka isku ah ee ay shisheeyuhu Soomaaliya ka leeyihiin. Dowladda federaalka waxa ay dhawaan bilowday inay ka muuqato diblomaasiyadda gobolka. Soomaaliya waxa ay kamid ahayd waddamadii Geeska Afrika ee Suudaan ka caawiyey inay noqoto guddoonka IGAD.²⁵ Xiriirka u dhixeyya Kiinya iyo Soomaaliya ma fiicna, waxaana xumeyey dhawr arrimood oo ay ka mid yihii muranka xuduudda badda iyo ku lug-lahaanshaha Kiinya ee dowlad goboleedka Jubbaland, halkaa oo ay joogaan 4,000 oo ciidan Kiinyaan ah oo ka tirsan AMISOM.²⁶

22 "Somali parliament passes the country's Electoral Bill," Horn Observer, 28 December 2019, available online at: <https://hornobserver.com/articles/90/Somali-parliament-passes-the-countrys-Electoral-Bill>, last accessed on 1 June 2020.

23 "Expanded Participation Model: Alternative for Somalia's 2020 One-Person One-Vote Plan," Heritage Institute for Policy Studies Policy Brief, May 2020, available online at: <http://www.heritageinstitute.org/wp-content/uploads/2020/05/Heritage-Institute-Policy-Brief-on-the-2020-Election-English.pdf>, last accessed on 1 June 2020.

24 Alfa Shaban, Abdur Rahman, "Somaliland rejects proposed visit by Ethiopia PM, Somali president," 16 February 2020, available online at: <https://www.africanews.com/2020/02/16/abiy-wants-trip-to-hargeisa-with-somali-president-somaliland-top-official/>, last accessed 1 June 2020.

25 Mutambo, Aggrey, "Kenya-Djibouti row delays choice of new IGAD leader," Daily Nation, 18 March 2020, available online at: <https://www.nation.co.ke/news/Kenya-Djibouti-in-row-over-IGAD-top-seat/1056-5365602-kitk02z/index.html>, last accessed on 1 June 2020.

26 Mohamed, Jibril, "Kenya's Misbehavior in Kismayo and Consequences of Disrespecting the AMISOM Mandate," 3 July 2013, available online at: <https://africanarguments.org/2013/07/03/kenyas-misbehavior-in-kismayo-and-consequences-of-disrespecting-the-amisom-mandate-by-jibril-mohamed/>, last accessed on 1 June 2020.

“

Kulan bishii

Febraayo 2020

Addis Ababa
ku dhexmaray
Madaxweyne
Farmaajo iyo
hoggaamiyaha
Soomaaliland
Muuse Biixi Cabdi
ayaa dhaliyey rajo
fuf cusub dhaliyey
oo wadahal

“

Soomaaliya
waxaa ka jirta
faragalin dibadeed
oo baahsan. Si
amniga dalka loo
sugo loona xasiliyo
waa in wax laga
qabto danaha kala
duwan, cakiran
ee inta badan
lidka isku ah ee
ay shisheeyuhu
Soomaaliya ka
leeyihiin

Xiriirka saaxiibtinimo ee u dhexeeye Madaxweyne Farmaajo iyo Ra'iisul Wasaare Abiy Axmed ayaa sii fiicnaanaya waxaana sii xoojiya siyaasadaha labada hoggaamiye ee shacab-ku-milnaanta iyo is-baddel doonka ah. Ereteriya waxa ay dib-usoo celisay xiriirkii ay la lahayd Soomaaliya sanadkii 2018, kaddib markii uu madaxweynaha Soomaaliya booqday Asmara. Laga soo bilaabo markaa, Ereteriya waxa ay kamid noqotay waddamo dhawr ah oo tababara ciidamada amniga ee Soomaaliya. Il xog-ogaal ah ayaa sheegtay in dowladda federaalka ee Soomaaliya ay si qarsoodi ah ugu dirtay Ereteriya 600 oo askari si ay tababar gaar ah usoo qaataan. Ujeeddada Farmaajo, Abiy iyo madaxweyneha Ereteriya, Isaias Afwerki, waa in ay hoggaamiyaan is-dhengalka gobolka Geeska Afrika. Jabbuuti iyo Kiinya ayaa arrintan u qaatay mid aan iyaga u fiicnanyin.²⁷

Itoobiya iyo Kiinyaba waxay faragalin ku sameeyeen doorashooyin mar-dhexe ka dhacay maamul goboleedyada Koonfur Galbeed iyo Jubbaland. Ciidamada Itoobiya ee jooga Baydhabo ayaa iyaga oo fulinaya codsi uga yimid dowladda dhexe gacan ka gaystay xiridda Mukhtaar Roobow oo ahaa musharrax deegaanka koofur galbeed ah oo aanay madaxda Muqdisho jeclayn. Ciidamada Kiinya ee Kismaayo jooga ayaa qudhloodu caawiyyey Madaxweyne Axmed Madoobe si dib loogu soo doorto uuna uga hortago iskuday khatar ahaa oo ay dowladda federaalka samaysay si ay u badasho.²⁸ Dowladda federaalka ee Soomaaliya waxa ay Kiinya ku eedaysay faragalin qaawan oo ay ku samaysay Jubbaland waxa ayna ku hanjabtay in ay dacwad Kiinya dhan ka ah u gudbin doonto Golaha Amniga ee Qaramada Midooabay. Eedeyntaa waxay dowladda Kiinya ku tilmaantay marin-habaabin aan munaasab ahayn.

Markii ay doorashadu ka dhacaysay Galmudug horraantii bisha Diseembar 2019, ciidamo Itoobiyaan ah ayaa magaalo madaxda Galmudug ee Dhuusamareeb lagu soo daadgureeyey. Mucaaradku waxa ay ku andacoodeen in ujeeddada ciidamadan Itoobiyaanka ah ee laga soo buuxiyyey Dhuusamareeb ay tahay caga-juglайн iyo cabsigalin musharraxiinta mucaaradka.²⁹ Mucaaradku waxa uu sidaa oo kale Itoobiya ku eedeeyey in ay faragalin dheeri ah ku waddo arrimaha Soomaaliya waxayna Qaramada Midooabay iyo beesha caalamka wayddiisteen in ay arrinta faraha lasoo galaan.³⁰ Maraykanka waxaa Ballidoogle oo ahaan jirtay saldhig ciidamada difaaca cirka ee Soomaaliya ka jooga ilaa 600 oo askari oo ka mid ah ciidamadiisa sida gaarka ah u tababaran. Waxa uu sidaa oo kale Maraykanku si joogta ah u isticmaalaa diyaaradaha aan duuliyaha lahayn si uu u weeraro Al-shabaab iyo kooxaha kale ee argagixisada ah.

27 Mutumbo, Aggrey, "Once a pariah, Eritrean president comes up with regional bloc idea," The East African, 3 February 2020, available online at: <https://www.theeastafriican.co.ke/news/africa/Eritrean-president-flots-regional-bloc-idea---/4552902-5441802-12c3n3z/index.html>, last accessed on 1 June 2020.

28 Hassan, Abdiqani, "Leader of Somalia's Jubbaland, at odds with Mogadishu, wins new term," Reuters, available online at: <https://www.reuters.com/article/us-somalia-politics/leader-of-somalias-jubbaland-at-odds-with-mogadishu-wins-new-term-idUSKCN1VC15B>, last accessed on 1 June 2020.

29 "Somalia's opposition scolds Ethiopian PM for 'violent involvement' in Somalia," Goobjoog News, 30 November 2019, available online at: <https://goobjoog.com/english/somalias-opposition-scolds-ethiopian-pm-for-violent-involvement-in-somalia/>, last accessed on 1 June 2020.

30 Joint Press Statement by Somali political parties on Ethiopian troops and AU Representative in Somalia, available online at: <https://twitter.com/HarunMaruf/status/1263028499515932674/photo/1>, last accessed on 1 June 2020.

“

Sannadkii 2019ka,
Maraykanku waxa
uu Soomaaliya ka
fuliyey 60 weerar
oo uu ku fuliyey
diyaaradaha aan
duuliyaha lahayn,
halka uu fuliyey 47
weerar sanadkii
2018

Sannadkii 2019ka, Maraykanku waxa uu Soomaaliya ka fuliyey 60 weerar oo uu ku fuliyey diyaaradaha aan duuliyaha lahayn, halka uu fuliyey 47 weerar sanadkii 2018. Boqortooyada Ingiriiska waxaa Baydhaba uga furan xarun tababar halka Midowga Yurub ay tababaraysay ciidamada Soomaaliya muddo 10 sano ku dhaw. Saldhigga ciidan ee ugu weyn ee Turkigu uu ku leeyahay dibadda waxa uu ku yaallaa Soomaaliya halkaa oo uu ku tababaro ciidamada Soomaaliya.³¹

Hay'adda Xasaradaha Adduunku (ICG) warbixin ay dhawaan soo saartay waxa ay sheegtay "Qulquladaha Khalijku waxa ay ku faafeen Geeska Afrika gaar ahaan waxa ay sii huriyeen xasillooni darrada Soomaaliya ka jirta."³² Xiriirka u dhexeeya Soomaaliya iyo Isutagga Imaaraadka Carabta ayaa sii xumaanayey tan iyo markii dowladda federaalku ay ku eedaysay Abu Dabay in ay maalgaliso xubno mucaaradka ka mid ah. Imaaraadku waxa uu Soomaaliland ka dhisayaa saldhig ciidan iyo dekad ku taalla magaalada Berbera kuwa oo qayb ka ah heshiis tababarka ciidanka Soomaaliland oo 30 sano ah. Shirkadda Dekedaha ee Dubai World waxa ay sidaa oo kale ka shaqaysay horumarinta dekadda Berbera taas oo kamid ahayd heshiis saddex geesood ah oo ay la gashay Itoobiya iyo Soomaaliland, iyada oo baalmartay go'aan midaysan oo kasoo baxay golaha shacabka ee Soomaaliya kaasoo u diiday shirkaddaasi inay dalka soo gasho.³³

Taas baddelkeeda, xiriirka ay dowladda dhexe la leedahay Qadar ayaa sii fiicnaanayey markasta oo ay Dooxa malaayiin doolar ku kordhiso kaalmada dhaqaale ee ay galiso arrimaha banii'adminimada iyo kuwa horumarinta, taas oo waliba ay kor socoto kaalmada dhaqaale ee sida tooska ah ay Qatar Soomaaliya u siiso. Dowladda federaalka waxa ay isku dayeysey in ay wanaajiso xiriirka iyada iyo Suciudi Careebiya waxa ayna aqbashay wadahadalka Suciudigu uu hoggaaminayo ee ku saabsan "Badda Cas." Ujeeddada wadahadalkani waa in la isu keeno waddamada Carbeed iyo kuwa Afrikaanka ah ee kulaala Badda Cas, in kasta oo ujeeddada dhabta ah ee arrintani aanay wali caddayn.³⁴

31 "Turkey sets up largest overseas army base in Somalia," Al Jazeera, 1 October 2017, available online at: <https://www.aljazeera.com/news/2017/10/turkey-sets-largest-overseas-army-base-somalia-171001073820818.html>, last accessed on 1 June 2020.

32 Somalia and the Gulf Crisis" International Crisis Group, 5 June 2018, available online at: <https://www.crisisgroup.org/africa/horn-africa/somalia/260-somalia-and-gulf-crisis>, last accessed on 1 June 2020.

33 "Somalia bans Dubai ports operator DP World, says contract with Somaliland null," Reuters, 13 March 2018, available online at: <https://www.reuters.com/article/us-somalia-ports/somalia-bans-dubai-ports-operator-dp-world-says-contract-with-somaliland-null-idUSKCN1GP10E>, last accessed on 1 June 2020.

34 Calabrese, John, "The Bab el-Mandeb Strait: Regional and great power rivalries on the shores of the Red Sea," Middle East Institute, 29 January 2020, available online at: <https://www.mei.edu/publications/bab-el-mandeb-strait-regional-and-great-power-rivalries-shores-red-sea>, last accessed on 1 June 2020.

Dhaqaalaha

Sida uu sheegay Bangiga Adduunku, dhaqaalaha Soomaaliya waa uu koray mar labaad kadib markii uu hoos udhac daran ku yimid xilliggi abaaraha ee sanadihii 2016-17. Warbixinta Dhaqaalaha Soomaaliya waxa ay xustay “dib-u-habayn baaxad leh ayaa dhalisay dib-u-dhis dhaqaale taa oo keentay nooc deganaansho ah iyo kobac dhaqaale oo dhexdhedaad ah.”

Adkaynta nabadda oo ay weheliso cawimaad caalami ah oo xooggan, dhakhliga xawaaladda oo koray iyo koror dhaqaale oo ku yimid ganaciyada gaarka loo leeyahay ayaa aasaas fican u ahaa sookabashada dhaqaale ee Soomaaliya. Tacabka Guud ee Dalka (TGD) ee Soomaaliya ayaa koray celcelis ahaan sanadkiiba labo boqolkiiiba sanadihii u dhxeeyey 2013 ilaa 2018kii.³⁵

Ilaha kheyraadka dalka ayuu kasoo baxay dakhliga ugu badan (70 boqolkiiiba), waxaana soo raaca shaqooyinka adeegga. Ilaha kheyraadka oo ay ka mid yihiin xoolaha, beeraha iyo kalluumaysigu waxa ay shaqaaleeyaan kudhawaad 46 boqolkiiiba shaqaalaha guud ee dalka.^{36/37} Kororkaa dhaqaaluhu waxa uu keenay in dakhliga soo gala dowladda dhexe uu kor ukaco. Sida uu sheegay Bangiga Adduunku, “dakhliga ka soo xerooda canshuuraha iyo ilaha kale ee dalka ayaa koray 29 boqolkiiiba.” Is-baddalka lagu sameeyey siyaasadaha canshuuraha iyo hagaajinta maamulkeeda ayaa dowladda dhexe ka caawiyey in ay yarayso ku tiirsanaanta daran ee ay ku tiirsanayd canshuuraha dekedaha iyo ganacsiga kale.³⁸ Laakiin COVID-19 ayaa si weyn hoos ugu dhigtay dakhliga kasoo baxa dekedda iyo gegida diyaaradaha ee Muqdisho kuwaas oo ah labada ilood ee ugu muhiimsan ee uu dolwladda dhaqaale kasoo geli jiray.³⁹

In kasta oo uu dhaqaaluhu kobcay, haddana Bangiga Adduunku waxa uu caddeeyey in saboolnimadu ay wali sarrayso, kororka tirada bulshada oo aad uga badan koror ka TGD darteed. Marka loo eego qiyaasahii u dambeeyey sida kii 2aad ee sanadka 2018 ee Sabool-sahanka Joogtada ah ee Soomaaliya, saboolnimadu wali way sarraysa waana qiyaastii 69 boqolkiiiba. Saboolnimadu aad ayey ugu baahday dalka oo dhan, gaar ahaan reer guuraaga inkastoo miyiga ay deggan yihiin iyo guurguurkooda badan dartood ay adag tahay in la gaaro.⁴⁰

“

Marka loo eego
qiyaasahii u
dambeeyey sida kii
2aad ee sanadka
2018 ee
Sabool-sahanka
Joogtada ah
ee Soomaaliya,
saboolnimadu wali
way sarraysa
waana qiyaastii 69
boqolkiiiba

35 World Bank Somalia Economic Update, August 2019.

36 “Rebuilding Resilient and Sustainable Agriculture in Somalia,” World Bank and FAO Somalia Country Economic Memorandum, Volume I, 2018, available online at: Rebuilding Resilient and Sustainable Agriculture in Somalia; <https://bit.ly/2Xnz6XW>, last accessed on 1 June 2020.

37 “2014 Somalia Labor Force,” International Labour Organization (See Appendix B).

38 World Bank Somalia Economic Update, August 2019

39 “According to the UN Envoy to Somalia, the federal government projects an 11 percent decline in nominal GDP for 2020,” Xinhua, 22 May 2020, available online at: http://www.xinhuanet.com/english/2020-05/22/c_139076468.htm, last accessed on June 2020.

40 Ibid.

Ururrada lacagaha ee caalamiga sida IMF iyo Bangiga Horumarinta Afrika ayaa caawiyeys dowladda si ay u meelmeriso siyaasado iyo nidaamyo maaliyadeed, sanadkanna waxa ay u ogolaadeen in daymaha laga cafiyo. Haddii ay tani suuragasho waxa ay Soomaaliya helaysaa deeqo iyo daymo dhaqaale kuwaasoo albaabka u furi doona dhaqaale ilo badan ka yimaada oo deymo iyo deeqo isugu jira. Arrintaasi waxa ay muhiim u tahay maalgalinta waxbarashada, caafimaadka iyo horumarinta xirfadaha kuwaa oo aasaas u ah kobaca dhaqaalah, yaraynta saboolnimada, shaqo-abuurka iyo dib udhisqa xajmiga dhaqaalah. Dowladda federaalka waxaa kale oo ay qaadday tallaabooyin ay ku suuqgaynayso kaydka shidaalka ee xeebaha Soomaaliya, taasoo iyana kaalmayn doonta soo kabashada dalka.

Xaaladda banii'aadminimo iyo horumarineed

Xaaladda guud ee banii'aadminimada Soomaaliya waa mid aad u liidata. Labo sano uun kaddib markii abaar gaag-ma-reeba ahi ay barakicisay dad ka badan 1 malyuun, qorshaha Soomaaliya ee ka falcelinta abaaraha ee ay dowladda federaalka iyo hay'adaha samafalku dejiyeen ayaa xusay in "xaaladaha cimilada ee ba'an oo ay weheliso waxyaalah kale ee saameeya xaaladda banii'aadminimo, dagaalo hubaysan, barakac dabadheeraaday iyo barakacayaashii oo kolba halkii ay degaan laga sii cayriyo ayaa halis weyn oo banii'aadminimo ku ah Soomaaliya." Warbixinta ayaa sida oo kale sheegtay in ku dhowaad Soomaalida barkeed ay halis ugu jiraan cunto yaraan una baahan yihiin kaalmo degdeg ah iyo carruur ah 1.5 malyuun ay hayso nafaqodarro aad u daran.⁴¹

“

*Qaramada Midoobay
waxa ay Soomaaliya
u aqoonsatay in ay
tahay "dal u baahan
gurmad" taa oo
macnaheedu tahay
in qayb balaaaran
oo bulshada ka mid
ah ay u arkaan in ay
xaalad halis ah ku
sugan yihiin*

Qaramada Midoobay waxa ay Soomaaliya u aqoonsatay in ay tahay "dal u baahan gurmad" taa oo macnaheedu yahay in qayb balaaaran oo bulshada ka mid ah ay u arkaan in ay xaalad halis ah ku sugan yihiin. Hadda iyo sanadkii 2011, Soomaaliya waxaa ka dhacay labo abaarood. Hay'adaha Qaramada Midoobay waxa ay ka digeen in dalku halis ugu jiro abaar saddexaad taa oo khatar galin karta dad malyumaad ah. Fatahaado ayaa burburiyey magaaloooyin waaweyn sida Beledweyne iyo Bardaale kuna qasbay tobanaan kun oo dad ahi inay ka cararaan guryahooda.⁴² Xajmiga dhaqaalah oo liita ayaa malyumaad dad ah oo awalba u nuglaa masiibooyinka ka dhigaya kuwa sii il daran.

⁴¹ UNICEF Somalia Humanitarian Situation Report, No. 11, 30 November 2019, available online at: https://www.unicef.org/appeals/files/UNICEF_Somalia_Humanitarian_SitRep_Nov_2019.pdf, last accessed on 1 June 2020.

⁴² Shi Yinglun, "Over 270,000 people displaced in Somalia floods: UN," Xinhua, available online at: http://www.xinhuanet.com/english/2019-11/01/c_138521791.htm, last accessed on 1 June 2020.

“

Bulshada

Soomaaliya barkood da'doodu waa ay ka hoosaysaa 15 sano, halka 70 boqolkiiba ay ka hoosaysa 30 sano. Wax kayar boqolkiiba laba ayaa ka weyn 65

Dowladda federaalka iyo dowlad goboleedyada midkoodna ma diyaarin tab iyo qorshe ay arrimahan kaga falcelinayaan, taa oo ku qasabtay inay ku tiirsanadaan wixii ay ka helaan shacabka, qurbajoogta, ururrada aan dowliga ahayn, deeq-bixiyayaasha iyo Qaramada Midoobay.⁴³

Sanadkii 2014, tirada dadka Soomaaliya waxaa lagu qiyaasay 12.3 malyuun, waxaana la filayaa in ay gaarto 16 malyuun dhammaadka sanadka 2020. Bulshada Soomaaliya barkood da'doodu waa ay ka hoosaysaa 15 sano, halka 70 boqolkiiba ay ka hoosaysa 30 sano. Wax kayar boqolkiiba laba ayaa ka weyn 65. Bulshada badankeedu waxa ay ku nooshahay magaaloo yinka (qiyaastii bar) ama tuuloo yin (dalool), halka saddex dalool mid ay yihiin reer miyi. Shaqo la'aantu aad ayey u sarraysaa waxayna cagacagaynaysaa 70 boqolkiiba.⁴⁴ Ku dhowaad 70 boqolkiiba bulshada Soomaaliyeed waxa ay ku nooshahay meel ka hoosaysa xariiqda saboolnimada ama xariiqda dusheeda (oo waxaa soo gala \$2 ama ka yar maalintiiba). Qaramada Midoobay waxa ay ka digtay in ka badan shan malyuun oo Soomaali ahi in ay halis ugu jiraan cunto la'aan.⁴⁵

“

Warbixintu waxa ay gebagebadii soo bandhigayasa tabo ama istiraa-tiji-yooyin horumarinta karaanka bulshada ah oo dhammaystiran kuwaa oo loogu talagalay inay hagaan Soomaaliya si ay uga baxdo ku tiirsanaanta dhaqaale ee cid kale, isku filnaanshana ay u gaarto

Soddan sano oo degnaansho la'aan siyaasadeed iyo nabadgeleyo xumo daran ah ayaa Soomaaliya ka dhigay mid kamid ah lixda dal ee qaxootiga ugu badan ee adduunku uu ka yimaado. Hal arrin oo wanaagsan oo kasoo baxday Soomaalida dibadda u yaacdyaayaa ah, qurbajoogta oo dalka dib ugusoo celisa wax ka badan \$1 bilyan sanadkiiba, taa oo kafaalaqaadda nolosha malyumaad Soomaali ah.⁴⁶

Cutubyadan soosocda waxa aannu ku lafo-guraynaa sababta ay horumarinta karaanka bulshadu muhiim ugu tahay Soomaaliya. Waxa aan soo bandhigaynaa shan daraasadood oo gundhig ah kuwaas oo si buuxda ugu kuurgalaya caqabada iyo fursadaha waxbarasho, caafimaad, shaqo iyo shaqaale, kalluumaysi iyo beeraha/xoolaha ee Soomaaliya hor yaalla. Warbixintu waxa ay gebagebadii soo bandhigayasa tabo ama istiraa-tiji-yooyin horumarinta karaanka bulshada ah oo dhammaystiran kuwaa oo loogu talagalay inay hagaan Soomaaliya si ay uga baxdo ku tiirsanaanta dhaqaale ee cid kale, isku filnaanshana ay u gaarto; waxaa kale oo aan soo bandhigaynaa jaantus sahlaya isku xiridda dadaalada saamileyda (dowlad, bah waxbarasho, ganacsato, iwm.) si loo gaaro hadafka tabaha lasoo bandhigay.

43 "Somalia's deadly drought-flood cycle," UN OCHA, 29 November 2019, available online at: <https://unocha.exposure.co/somalias-deadly-droughtflood-cyclenbsp>, last accessed on 1 June 2020.

44 World Bank Group, "Transition Amid Risks with a Special Focus on Intergovernmental Fiscal Relations," Somalia Economic Update, October 2015, available online at: <http://documents.worldbank.org/curated/en/247911468197970788/pdf/10964-WP-P151626-PUBLIC-Box393254B-1st-Edition-Somalia-Economic-Update-Report.pdf>, last accessed on 1 June 2020.

45 World Bank Group, "Somali Poverty and Vulnerability Assessment: Findings for Wave 2 of the Somali High Frequency Survey," April 2019, available online at: <http://documents.worldbank.org/curated/en/464241565765065128/pdf/Findings-from-Wave-2-of-the-Somali-High-Frequency-Survey.pdf>, last accessed on 1 June 2020.

46 "World Bank Makes Progress to Support Remittance Flows to Somalia," World Bank press release, available online at: <https://www.worldbank.org/en/news/press-release/2016/06/10/world-bank-makes-progress-to-support-remittance-flows-to-somalia>, last accessed on 1 June 2020.

Tabta Horumarinta Karaanka Bulshada Ee Qaran

Hordhac

“

*hal kheyraad ayaa
ugu mug, macno iyo
miisaan weyn uguna
muhiimsan galladaha
Eebbe Soomaaliya
ku manaystay,
galladdaas oo ah
midda horseedka u
ah horumar kasta
oo macna leh iyo
kobaca dhaqaale
– waana dadka
Soomaaliyeed*

Soomaaliya kheyraad aad u badan oo dabiici ah sida dhul beereed, macdan, xoolo, saliid iyo kheyraadka badda ayaa Alle ku manaystay. Sidaas oo ay tahayna, hal kheyraad ayaa ugu mug, macno iyo miisaan weyn uguna muhiimsan galladaha Eebbe Soomaaliya ku manaystay, galladdaas oo ah midda horseedka u ah horumar kasta oo macna leh iyo kobaca dhaqaale – waana dadka Soomaaliyeed. Dalku waxa uu u baahan yahay dad leh aqoontii iyo kartidii loo baahnaa si uu uga faa'iidaysto dhammaan kheyraadkiisa loona abuuro shaqooyin waxtar leh. Soomaali karti leh oo hanan kara shaqooyin mushaar fican bixinaya waxa ay caawinaysaa in dhaqaaluhu kobco, dalkuna uu horumaro.

Cutubkani waxa uu soo koobayaat natijjooyin shan ah oo daraasaddan gundhig u ah, kuwaa oo la sameeyey intii u dhexaysay 2018 iyo 2020 qaybna ka ah mashruucan si hagaag loogu fahmo baahida ay Soomaaliya u qabto karaanka bulshada siiba waxbarashada, caafimaadka, shaqada iyo shaqaalahi iyo ilaha wax-soosaarka ee beeraha, xoolaha iyo kalluumaysiga. Tabta Horumarinta Karaanka Bulshada ee Qaran (THKBQ) waxa ay dejinaysaa ama soo bandhigaysaa waddadii loo mari lahaa horumarinta karaanka bulshada Soomaaliyeed.

“

*Cilmi-baaristani waxa
ay soo jeedinaysaa
ahmiyado isku xiran
oo istaraatiji ah
kuwaa oo haddii la
fuliyo si wanaagsan
wax uga qaban kara
caqabadaaha dalka
horyaala ee ku
saabsan horumarinta
karaanka bulshada*

Cilmi-baaristani waxa ay soo jeedinaysaa ahmiyado isku xiran oo istaraatiji ah kuwaa oo haddii la fuliyo si wanaagsan wax uga qaban kara caqabadaaha dalka horyaala ee ku saabsan horumarinta karaanka bulshada. Tabta Horumarinta Karaanka Bulshada ee Qaran waxa ay garwaaqsan tahay muhiimadda ay leedahay in qaybaha bulshada oodhan ay ka dhex muuqdaan hayaankan horumarinta karaanka bulshada, waxa ayna tix-gelisay dheddig ama lab, saboolnimada, dhallinyarada, iyo dadka ku dulman faquuqa iyo takoorka bulshada. Arrimahan intooda badan waxa aannu kaga hadalnay wax ka qabashada istaraatijiyyadeed iyo qorshayaasha fulineed ee aannu kusoo bandhignay shanta cutub. Tabta Horumarinta Karaanka Bulshada ee Qaran waa tallaabadii u horraysay ee diyaarinta qorshe istaraatiji ah oo qaran kaa oo ay dib u hubin doonaan dadka ay khusayso shantii sanaba mar.

Sidoo kale, Tabta Horumarinta Karaanka Bulshada ee Qaran waa daraasad muhiim ah oo qayb ka ah Qorshaha Sagaalad ee Horumarintan Qaran (QHQ-9), kaa oo oranaya:

“Wasaaradda Qorshayntu iyada oo si dhaw ula tashanaysa Wasaaradaha Shaqada iyo Shaqaalaha iyo Waxbarashada ayey 2018 u xilsaartay Machadka Heritage ee Daraasaadka iyo Jaamacadda City ee Muqdisho kuwa oo ay maalgaliyeen Sanduuqa Xasilinta Soomaaliya (SXS) in ay abuuraan Mashruuca Horumarinta Karaanka Bulshada kaa oo loo dhan yahay, Soomaaliyeysan, waarin kara.”

“

*Ujeeddooyinka
waaweyn ee
Mashruuca
Horumarinta
Karaanka Bulshada
waa in marka hore
la abuuro iskaashi
ka dhhexeeya
saamileyda
horumiranta
karaanka bulshada
ee ka kala socda
hay'adaha dowliga
ah, kuwa gaarka ah,
bulshada rayidka ah,
ijo aqoonyahannada
tacliinta ka shaqeeya*

Ujeeddooyinka waaweyn ee Mashruuca Horumarinta Karaanka Bulshada waa in marka hore la abuuro iskaashi ka dhhexeeya saamileyda horumiranta karaanka bulshada ee ka kala socda hay'adaha dowliga ah, kuwa gaarka ah, bulshada rayidka ah, iyo aqoonyahannada tacliinta ka shaqeeya si ay isula jaanqaadaan, una wada hirgeliyan qorshaha qaran ee QHQ-9.

Mashruuca Horumarinta Karaanka Bulshada iyo iskaashiga cilmi-baariseedka waxaa si gaar ah loogu xilsaaray in ay: sameeyaan cilmi-baarist gundhig ah, dhammaystiran oo dalka oo dhan ku saabsan taa oo il gaar ah ku eegaysa ilaha wax-soosaarka (beeraha, kalluumaysiga iyo xoolaha,) si halkaa looga soo dhirin-dhiriyo tabta horumarinta karaanka bulshada, loona soojeediyo habraac fududaynaya midaynta dadaalka saamileyda horumarinta karaanka bulshada.

Sanadka 2020 ayaa la daabici doonaa cilmi-baarista gundhigga ah iyo tabta qaran si ay u hagaan horumarinta karaanka bulshada Soomalaiyed.

“

*Tabta horumarinta
karaanka bulshadu
waxa ay ka
hadlaysaa shan
waaxood oo muhiim
ah: waxbarashada,
caafimaadka,
shaqada iyo
shaqaalaha,
kalluumaysiga,
beeraha iyo xoolaha*

Tabta Horumarinta Karaanka Bulshada ee Qaran waxay hagaysaa dowladda federaalka iyo dowlad goboleedyada iyaga oo la shaqaynaya ama kaashanaya waaxaha gaarka loo leeyahay, saamileyda bulshada rayidka ah, ururrada caalamiga ah iyo hay'adaha aan dowliga ahayn si loo gaaro ama loo xaqijiyo ahdaafta iyo ahmiyadaha horumarinta karaanka bulshada.

Tabta horumarinta karaanka bulshadu waxa ay ka hadlaysaa shan waaxood oo muhiim ah: waxbarashada, caafimaadka, shaqada iyo shaqaalaha, kalluumaysiga, beeraha iyo xoolaha. Qayb kasta dhexdeeda waxaa lagu qeexay caqabadaha jira waxaana la soo jeediyeey sidii loo wajihii lahaa, loona kala hormarin lahaa. Waxaa kale oo la caddeeyey saamileyda fulin doonta kana qayb qaadan doonta arrintan kuwaa oo hoggaamintoodu ay muhiim tahay.

Tabaha Horumarinta Karaanka Bulshada ee Dhinacyo Badan Taabta

“

Daraasaddan waxa aannu ku ogaannay in jewi habboon oo la abuuro ay fure u tahay hellida qorsheha horumarinta karaanka bulshada Soomaaliyeed oo aannu u aragnay in ay isku-xirayaal u yihiin dadaallada kale oo dhan. Deganaansho siyaasadeed, nabadgelyo, koronto joogta ah oo haqabtiri karta baahida jirta iyo sarreynta sharciga ayaa iyaguna lagama maarmaan u ah horumarinta karaan bulsho oo sii jiri kara.

Waxaa jira laba tabooed oo kala duwan: midda hore waa kuwa isku-xirayaalka ah ama dhinacyo kala duwan taabanaya taa oo khusaysa waaxyaha ama ilaha wax-soosaarka, dalka oo dhan. Tabta labaad waa mid waaxyo gaar ah ku saabsan, caqabadaheeda iyo tallaabooyinkeeda istaraatijiga ahna waxaannu kusoo koobnay shaxda hoose.

Tabaha isku-xirka ee dhinacyada badan taabanaya waxaa ka mid ah kuwan hoose:

Abbuuridda nidaam qaran oo lagu kala sooco shahaadooyinka. Qaab dhismeedka waxbarashada iyo tababarrada ee haatan Soomaaliya ka jira ma laha wax nidaam qorshaysan ah, oo qiimeeya shahaadooyinka iyo kartida dadka shahaadooyinkaa haysta. Dowladda federaalka ee Soomaaliya waa in ay abuurto hay'ad u xilsaaran qiimeyn ta shahaadooyinka taa oo masuul ka noqon doonta qiimeyn heerarka aqoonta, xirfadaha iyo kartida ee qof kasta.

“

Qaybaha wax soosaarku (beeraha, xoolaha iyo kalluumaysiga) iyo laamaha addeeggu waa laf-dhabarta dhagaalaha isla markaana waxa ay shaqaaleeyaan badanka shaqaalaha Soomaaliyeed

Diyaarinta xirfadaha loo baahan yahay. Aqoonta iyo xirfadaha shaqaalaha Soomaaliyeed waa ay kooban yihiin marka laga hadlayo qaybo badan oo ka mid ah ilaha dhaqaalaha dalka. Arrintani waxa ay u baahan tahay kala hormarinta kobcinta xirfadaha iyada oo laga jawaab celinayo baahiyaha dalka ka jira, jaamacadaha iyo goobaha tababarkuna ay xoogga saarayaan waxbarashada iyo tababar-gacmeedka suuqa shaqada looga baahan yahay. Qaybaha wax soosaarku (beeraha, xoolaha iyo kalluumaysiga) iyo laamaha addeeggu waa laf-dhabarta dhagaalaha isla markaana waxa ay shaqaaleeyaan badanka shaqaalaha Soomaaliyeed.

“

*Si looga gudbo
hannaanka go'aan-
qaadashada ee ku
tijaabida ah, waa
in la helaa dadaal
qaran oo midaysan,
kaas oo ay ka qayb-
qaataan dowladaha
iyo inta dowladda
ka soo hartay si
habaysanna loo
uruuriyo xogaha loo
baahan yahay, lana
dhiso tab fududayn
karta hab go'aan
qaadasho, oo xog
dhab ah ku dhisan*

Xarumaha tababarka xirfadaha gacanta ee jaamacadaha iyo kulliyadaha ayay tahay in la siiyo mudnaan gaar ah si ay u bixiyaan tababar tayo leh una soosaaraan shaqaale leh xirfadihii loo baahnaa, loollanka suuqa shaqadana la jaanqaadi kara. Xirfadaha daboolaya baahiyaha muuqda ee beeraha iyo ganacsiga beeraha la xiriira, ka faa'iidaysiga xoolaha iyo kalluumaysiga, tamarta dib loo dhalin karo, caafimaadka, waxbarashada, dalxiiska, isgaarsiinta, dhismaha, socdaalka, bangiyada iyo maaliyaddu waa in ay noqdaan ahmiyad qaran.

Ku dhisidda xog dhab ah horumarinta karaanka bulshada: Horumarka (ama horumar la'aanta) Soomaaliya ka jira waxaa calaamad u ah qaab-shaheed aan aad looga fiiran kuwaas oo inta badan la sameeyo iyada oo aan xog buuxda laga hayn baahida dhabta ah ee suuqa shaqada ka jirta. Xog la'aantaasi waxa ay sababtay in ardaydu aanay helin gacan-qabashadii ay u baahnaayeen ee xagga waxabarashada iyo tababarka iyo in shaqaale aan tababar fiican lahayni la haray ilo badan oo dhaqaalaha dalka muhiim u ah. Si looga gudbo hannaanka go'aan-qaadashada ee ku tijaabida ah, waa in la helaa dadaal qaran oo midaysan, kaas oo ay ka qayb-qaataan dowladaha iyo inta dowladda ka soo hartay si habaysanna loo uruuriyo xogaha loo baahan yahay, lana dhiso tab fududayn karta hab go'aan qaadasho, oo xog dhab ah ku dhisan.

Abbuuridda qorshe qaran ee shaqo-u-tababaridda ardayda: Si ardada soo qallin jabinaysa ay u hantaan xirfadaha muhiimka ah ee suuqu u baahan yahay, waa in la sameeyo qorshe qaran oo ardada shaqada loogu diyaarinayo kuwaas oo ardayga qalinjabiya lagu qorayo goob shaqo oo dowladeed ama mid gaar ah wakhti ku filan si uu u yeesho xirfadaha lagama maarmaanka ah, oo uu u xagsado shaqadiisa.

Tayeynta waxbarashada iyo shaqo-helidda ardayda iyada oo luqadda waxbarashada si rasmi ah loo barayo siiba haddii ay Ingiriisi tahay: In la soo rogo, lana taageero baridda luuqadda Ingiriiska oo ku xiran, qaybna ka ah waxbarashada haddiiba luqadda wax lugu baranayo ay iyada tahay. In waajib looga dhigo dhammaan jaamacadaha in ay sameeyaan xarunta barashada luuqadda Ingiriiska oo ardaygu uu dhiganayo sannadka koowaad ee jaamacadda ilaa ardaygu uu ka gaaro heer qiimeyn caalami ah leh oo uu keeni karo dhibco sare imtixaannada IELTS, TOEFL ama kuwa la midka ah.

Dib-u-habaynta hay'adaha dalka: Waa in loo habeeyo hay'adaha dowladda federaalka, kuwa dowlad goboleedyada iyo kuwa kale ee dowliga ah si ay u noqdaan kuwo karti iyo hufnaan leh, si habsami leh u jihaysan, lana jaanqaadi kara dastuurka dalka, daboolina kara baahiyaha qaran ee la xiriira horumarinta karaanka bulshada. Haatan waxaa jira dhaqan ah in ra'iisul wasaare kasta oo cusubi uu iyadoo aan laga baaraan degin uu abuuro wasaarado cusub. Dhaqankaa waa in laga guuro lana abuuro hay'ado dowladeed oo joogto ah, sharci ku dhisan, u adeegaya muwaadiniinta, mudnaantana siinaya horumar waara.

Baddel aragti-dhaqameedka horumarka hortaagan: Qaybo muhiim ah oo bulshada ka mid ah ayaa dhaqan ahaan ka faana shaqooyin badan una arka inay qabashada shaqooyinkaasi sharaf dhac tahay sida sancada hargaha iyo biraha. Fahamka noocaa ah ee ka faanaya shaqooyinka qaarkood waxa uu caqabad ku yahay horumarka dalka. Waxaa lama huraan ah in dowladda federaalka, dowlad goboleedyada, laamaha waxbarashada iyo ganacsataduba ay si wadajir ah u diyaariyaan obole qaran oo ka hadlaya muhiimadda ay shaqadu leedahay isla markaana xoojinaya fahamka ah in qofka sharaftiisu ay ku jirto dadaalka badan ee daacadda ah ee shaqo, shaqadaasi waxa ay dooniba ha ahaato'e.

Dhisidda qiyamka aasaasiga ah ee dalka: Soddon sano oo dowlad la'aan ah ayaa afka ciidda u daray masuuliyaddii iyo xuquuqdii muwaadiniinta. Daraasaddani waxa ay muujisay baahi loo qabo obole wacyigalin ah oo shacabka lagu dareensiinayo waajibaadka saaran, waddaniyad iyo kor uqaadid qiyamka, akhlaaqiyadka iyo isku-kalsoonida bulshada.

Mideyninta saamileyda horumarinta karaanka bulshada: Waa in la sameeyo madal qaran oo ay ku kulmaan saamileydu si ay u fuliyaan tabta horumarinta karaanka bulshada una xaqijiyaan sii jiritaankeeda. Madashaasi waa in ay noqtaa mid iskaashi, oo ay xubno ka yihin wakiillo ka kala socda dowladda federaalka, dowlad goboleedyada, bulshada rayadka ah, ganacsatada iyo laamaha waxbarashada.

Tabaha Horumarinta Karaanka Bulshada ee Waax Kasta

Tallaabooyinka waxqabad ee aannu soo jeedinney ma cayimayaan cid gooni u leh ama si gaar ah looga rabo inay qaataan door hoggaamineed. Sidaa oo kale tirada saamileydu ma ah mid dhammaystiran ee waa uun soo jeedin qaybeed. Laamaha dowladda ee ay tabahani (istiraatijiyooyinkaani) khuseeyaan ayaa si waafaqsan shuruudahooda tixraac (Terms of Reference TORs) u fulin doona.

Caqabadaha curyaamiyey Waxbarashada: Tabaha (istiraatajiyadaha) iyo xalka daawada u ah

Tabaha	Caqabadaha	Saamileyda	Tallaabooyinka
Waa in la fuliyo ol-ole qaran oo degdeg ah oo shan sano ah si kor loogu qaado aqoonta akhriska, qoridda iyo xisaabta	<p>Kudhawaad bar dadka Soomaaliyeed wax ma qoraan waxna ma akhriyan. Taasi waxa ay Soomaaliya ka dhigaysaa mid ka mid ah waddamada ugu liita caalamka xagga tacliinta.</p> <p>Muwaaddin wax qora waxna akhriya waxa uu muhiim u yahay horumarka bulsho, dhaqaale iyo karaan. Dadka in loo sahlo in ay kor u qaadaan awooddooda wax akhrin, qoris iyo xisaabta aasaasiga ah waxa ay u sahlaysaa in qofku uu noqdo qof isku filan oo wax soo saar leh.</p>	<p>Wasaaradaha waxbarashada, dhaqanka iyo tacliinta sare,</p> <p>Madaxweynaha, xafiiska ra'iisul wasaaraha; madaxweynayaasha dowlad goboleedyada, (sababo wacyi galin iyo culays siyaasadeed awgeed);</p> <p>Wasaaradda maaliyadda (qoondayn miisaaniyadeed awgeed)</p> <p>Wasaaradda Qorshaynta (raadin taageero caalami ah awgeed)</p> <p>Qaramada Midoobay iyo Hay'adaha Waxbarashada ee Caalamiga ah</p>	<p>Samee gole ay isku kaashadaan dowladaha (federalka iyo goboleedyada) iyo daneeyayaasha gaarka ah si loo abuuro Guddiga Qaran ee Akhriska iyo Qoraalka kaas oo u xilsaaran isku duwidda iyo hirgalinta ol-olaha qoraalka iyo akhriska ee dalka.</p> <p>In la sameeyo qorshe qaran oo qoraal, akhris iyo xisaab baris ah iyada oo la adeegsanayyo iskuulaadka iminka jira, masaajidda ee ay suuragal tahay in la isticmaalo, lana sameeyo xarumo cusub oo farbarasho oo ku yaal tuulooyinka aan iskuulada lahayn.</p> <p>In loo isticmaalo dhismayaasha iskuulaadka hadda ka jira dhammaan gobolada iyo Muqdisho sidii loogu adeegsan laaha xarumo farbarasho kaddib saacadaha iskuulka.</p> <p>In la isticmaalo qaybaha manhajka dalka ee munaasabka u ah far iyo xisaab baridda iyada oo la dejinayo haabrac fulineed.</p>

Tabaha	Caqabadaha	Saamileyda	Tallaabooyinka
		<p>Dalladaha Waxbarashada, dugsiyada gaarka loo leeyahay, dugsiyada Quraanka ee ubadka yaryar wax lagu baro;</p> <p>Wasaaradda Arrimaha Diiinta (Dowladda dhexe iyo dowlad goboleedyada);</p> <p>Laamaha maalgalinta ee dowladda iyo kuwa gaarka ah,</p> <p>Deeq bixiyayaasha iyo tujaarta Soomaalida</p> <p>Wasaaradda Boostada, Isgaarsiinta iyo Tignooloojiyadda</p> <p>Wasaaradda War Faafinta ee dowladda dhexe iyo dowlad goboleedyada.</p>	<p>Waa in la isku xiro ol-olaha far baridda iyo manhajka dugsiga hoose-dhexe; waana in loo qoondeeyo miisaaniyad dheeri ah dugsiyada ka qayb-qata ol-olaha akhriska iyo qoridda, waana in la diyaariyo qaab iskaashi iyo wadashaqayn oo ay isla yeeshan hay'adaha gaarka loo leeyahay ee maamulaya kormeerayana ol-olaha far baridda ee dugsiyada ka socda.</p> <p>Waa in la sameeyo, lana qaybiyo qalabka waxbaridda ku habboon ee qofka caadiga ahi uu uga qayb-qaadan karo baridda akhriska iyo qorista qoyskiisa iyo saaxibadiis.</p> <p>Waa in la hirgeliyo ol-ole ballaaran oo lagu hawl-gelinayo muwaadiniinta wax akhrin kara waxna qori kara iyada oo loo diyaarinayo habraacyo ku habboon si ay u fuliyan ol-olaha far baridda ee dalka oo dhan.</p> <p>Waa in la adeegsado xarumaha muhiimka ah ee bulshada sida dugsiyada Quraanka (halkaa oo ay carruurtu ka helaan waxbarashada ugu horriyasa noloshooda); waana in la tababaro macallimiinta Quraanka dhiga si ay akhriska iyo qoraalka ugu daraan manhajka dugsiyada Quraanka.</p> <p>Waa in la abuuro iskaashi u dhixeyya hay'adaha teknoolajiyada internet-ka bixiya si looga faa'iideysto teknoolajiyada loona badiyo, tayeeyo, loona horumariyo fursdaha akhriska iyo qoraalka.</p> <p>Waa in loo helo kombuyutaro raiqis ah oo aqoon ku jirto kuna shaqeya awoodda qorraxda ama telefonada shaashadda leh oo qiime ahaan jaban, kuwaas oo lagu diyaarinayo duruus akhris iyo qoraal ah oo ay reer miyigu iyo reer tuulaadku akhriska, qoraalka iyo xisaabta ka baran karaan.</p> <p>Waa in laga hawl-galo ka baahinta idaacadaha, telefishinada iyo goobaha gaarka loo leeyahay ee waxbarashada wacyigalin iyo dhiirrigalin la xiriira ol-olaha akhriska iyo qoridda.</p>

Tabaha	Caqabadaha	Saamileyda	Tallaabooyinka
Waa in si degdeg ah kor loogu qaado tirada ubadka iskoolada dhigta.	<p>Daraasadda qiimaynta waxbarashada dalku waxa ay tustay saddex malyan oo carruurta Soomaaliyeed ah ama 70% ubadka xilligii iskuulka gaaray, in aanay iskuul dhigan. Tani waxa carruur badan ay halis uga dhigtay una nuglaysay in kooxaha xagjirka ahi ay jiitaan.</p> <p>Waxaa loo baahan yahay in la dhiso in ka badan laba iyo tobantun oo iskuul si ubadka aan dugsiyada dhigan ay waxbarasho u helaan.</p>	<p>Wasaaradaha Waxbarashada, (ee dowladda dhexe iyo dowlad goboleedyada),</p> <p>Dalladaha waxbarashada, dugsiyada gaarka ah,</p> <p>Deeq bixiyayaasha caalamiga ah,</p> <p>Wasaaradaha Warfaafinta;</p>	<p>In la dhaqan geliyo ugu dambayn sanadka 2025 xuquuqda dastuuriga ah ee waxbarashada aasasiga ah ee da'yar kasta uu xaqa u leeyahay (dugsiyada hoose-dhexe ilaa sare), waxbarashadaas-naa waa in laga bixiyo dugsiyada dowladda iyo kuwa gaarka loo leeyahay oo ay dowladdu taageerayso (kormeeraysana)</p> <p>Laga bilaabo bisha Janaayo 2021, waa in laga shaqeeyaa in waxbarasho dugsiyada hoose ilaa sare loo helo hal malyan oo arday iyada oo laga faa'iideysanayo dhaqaalaha dowladda, taageerada deeq bixiyayaasha iyo kuwa sida gaarka ah wax u taageera.</p> <p>Waa in la abuuro qorshayaal iskaa wax u qabso ah oo maamul-goboleedyada ah, oo lagu dhisayo iskuullo cusub, kuwa dhisanna lagu dayactirayo iyada oo muhiimad gaar ah la siinayo tuuloyinka yaryar iyo degmooyinka danyarta ah si loo balaariyo waxbarashada dadkana loo gaarsiyo.</p> <p>Sanad kasta waa in lagu daraa 30% tiro cusub oo macallimiin karti iyo aqoon leh, iyada oo lagu dadaalayo in qoridda macalimiinta, maal-gelintooda aqoon-kororsigooda, hawl-gelintooda, dallacsintooda iyo meesha loo dirayo lagu go'aamiyey si mudnaan ah.</p> <p>Waa in si guud oo dalka oo dhan ah loo jaangooyo loona sharciveeyo tababarka, ruqso siinta iyo shahaado bixinta macallimiinta.</p> <p>Waa in loo sameeyo wacyigalin guud oo ku aaddan bulshooyinka la fogeyyo iyo kuwa tabarta yar, iyada oo lagu tirtirsiiinayo qimaha iyo fa'iidooyinka tacliinta, si ay ubadka u geeyaan dugsiyada, waana in dadkaasi ay helaan talo siin, dhiirrigalin iyo deeqo waxbarasho.</p>

Tabaha	Caqabadaha	Saamileyda	Tallaabooyinka
Waa in xal loo helu u-sinnaan la'aanta waxbarashada iyo waxbarasho la'aanta gaar ahaan dadka la faquuqo, kuwa nugul iyo kuwa danyarta ah.	<p>Qaybo ka mid ah bulshada Soomaaliyeed ma helaan fursado waxbarasho ama waxay helaan wax yar. Kuwaax waxaa ka mid ah dumarka, dadka nugul iyo danyarta (sida barakacayaasha, naafada) iyo reer miyiga.</p> <p>Sinnaan la'aantan waxaa lagu sababayn karaa dhaqanka iyo caadooyinka bulshada, caqabado dhaqan-dhaqaale iyo maqnaanshaha ama jilicsanaanta siyaasad dadka oo dhan ay iska dhex arki karaan. Arrimahaasina waxa ay horumarka Soomaaliya ku yihiin caqabad.</p> <p>Jiritaanka waxbarasho loo siman yahay waxa ay keenaysaa in muwaadinkuu helo fursad uu wax ku barto, shaqo ku helo dhaqaale ahaanna uu u horumaro.</p>	<p>Wasaaradaha Waxbarashada, (dowladda dhexe iyo dowlad goboleeyada);</p> <p>Wasaaradda Warfaafinta</p> <p>Dalladaha waxbarashada iyo Dugsiyada gaarka ah</p>	<p>Waa in la dhaqan-geliyo siyaasad iyo dib-u-habaya sharciveed si gabdhaha iyo wiilashu ay si siman ugu helaan furasadaha waxbarashada.</p> <p>Waa in la bilaabo ol-ole waxbarasho oo dalka oo dhan ah, kaas oo ku salaysan natijo la cabbiri karo oo lagu wacyigalinalyo bulshada si gabdhuhu ay u helaan fursado waxbarasho oo u dhighma kuwa wiilashu ay helaan.</p> <p>Waa in gabdhaha loo quondeeyo 30% oo iskool-qorid ah meelaha aanay gabdhuhu helin fursadii ay mudnaayeen taa oo waliba la racinayo deeqo waxbarasho si kor loogu qaado waxbarashada aasaasiga ah ee dumarka.</p> <p>Waa in laga sameeyo dugsivo iyo goobo waxbarasho oo cusub meel kasta oo ay degan yihiin barakacayaasha iyada oo misaaniyad gaar ah la siinayo si loo xaqiijiyo in barakacayaasha ay helaan iskuulo bixiya waxbarasho tayo leh.</p> <p>Waa in meesha laga saaro caqabadaha sharcii iyo maamul ee hortagan iskuulada ee ubadka barakacayaasha sida waraaqo aqoonso oo aanay heli karin in la weydiyo ama lagu xiro.</p> <p>Si looga hortago faquuq iyo takoor, waa in diradda la saaro qorridda dugsiga ee gabdhaha barakacayaasha.</p> <p>Waa in la fuliyo siyaasad iyo dib-u-eegid sharcii loo helo waxbarasho dowladdu ay maalgalisay dammaanadna qadayso oo ay helaan dadka naafada ahi.</p> <p>Waaa in la sameeyo guddi howleed isku dhaf ah (dowladda dhexe iyo dowlad goboleedyada) oo heer wasir ah si loo diyaariyo loona fuliyo siyaasad qaran oo loogu talagalay dadka naafada ah ayna fulinayo hay'adda naafada dalka.</p> <p>Waa in la sameeyo guddi howleed hay'ado kale duwan oo dowli ah ka kala socda, guddigaa oo hadafkuoodu yahay dejinta barnaamij wax ka qabta baahiyaha dadka naafanimadoodu aad u daran tahay sida kuwa indhaha ama dhagaha la'. Guddigaasi waa in ay dejiyaaan waxbarasho ay qaadan karaan dadka naafada ahi oo baahiyooda daboolaysa.</p> <p>Waa in laga sameeyo goobaha waxbarashada ee caadiga ah xarumo iyo barnaamij waxbarasho oo dadka naafada ah loogu talagalay. Waana in la siyo tababar shaqo dadka waaweyn ee naafada ah.</p>

Tabaha	Caqabadaha	Saamileyda	Tallaabooyinka
Waa in la is waafajijo manhajka waxbarashada jaamacadaha iyo baahida xirfadeed ee suuqa iyo ilaha wax soosaarka	<p>Nidaamka tacliinta sare ee hadda jira ma aha mid si habboon kor ugu qaadi kara aqoonta lagama maarmaanka u ah ilaha wax soo saarka ee muhiimka u ah dhaqaalaha. Waqtigan, jaamacadaha dalku cilmiga ay dhigayaan kuma salaysna xogta suuqa shaqada ama baahiyaha aqooneed ama xirfadeed ee dalka ka jira.</p> <p>Tacliinta sare waa in ay door muhiim ah ka ciyaarto kobcinta dhaqaalaha dalka iyada oo soo saaraysa shaqaale tayo leh oo si buuxda u tababaray. Si arrintaa looga miro-dhaliyo waa in la is-waafajijo diyaarinta barnaamijita waxbarasho iyo xogta baahida suuqa shaqada.</p>	<p>Wasaaradaha waxbarashada (dowladda dhexe iyo dowlad goboleedyada),</p> <p>Wasaaraddaha shaqada iyo arrimaha bulshada,</p> <p>Wasaaraddaha ganacsiga iyo warshadaha;</p> <p>Ururada waxbarashada,</p> <p>Rugaha ganacsiga, iyo Shirkadaha gaarka loo leeyahay ee shoqooyinka bixiya;</p>	<p>Waa in la is waafajijo tacliinta sare iyo baahida xirfadeed ee ilaha wax soosaarka (beeraha, xoolaha iyo kalluumaysiga) iyo qaybaha adeegga si kor loogu qaado fursadaha shaqo helid ee ardada qalin jabinaysa.</p> <p>Waa in manhajka tacliinta sare lagu daraa koosooyin ama barnaamij ku saabsan ilaha dekhligaa (xoolaha, kalluumaysiga iyo beeraha) iyo ganacsiga, qorshaynta qanacsiga iyo fanka maamulka si kor loogu qaado fursdaha shaqo iyo shaqo-abuurka.</p> <p>Waa in ganacsatada iyo hoggaanka waxbarashadu ay ka tashadaan sida loo soo saarayo jaamiciyiin xirfad iyo karaan shaqo leh.</p> <p>Waa in la isku xiraa deeqaha waxbarasho iyo takhasusyada laf-dhabarka u ah wax soosaarka sida beeraha iyo kalluumaysiga, iyada oo loo damaanad qaadayo in ardaygu uu shaqo heli doono haddii uu dhammeeyo barnaamijkisa waxbarasho.</p> <p>Waa in kumanaanka deeqood ee waxbarasho ee Soomaaliya ay siyyaan waddamada saaxibka la ah loo isticmaalo si ay u buuxiyaa baahida cilmiyeed iyo xirfadeedka oo muhiimka ah ee ay daraasaddani soo bandhigtag (laamaha wax soo saarka iyo kuwa adeegga);</p> <p>Waa in la sameeyo guddi ay ka mid yihiin wasiirrade waxbarashada, shaqada & shaqaalaha, ganacsiga oo heer dowladda dhexe & dowlad goboleedyada ah si ay uga taliyan qorshaynta tacliinta sare, taas oo ku dhisan xog iyo baahiyaha suuqa shaqada.</p>

Tabaha	Caqabadaha	Saamileyda	Tallaabooyinka
Waa in culuumta farsamada gacanta loo aqoonsado muhiimad qaran, si kor loogu qaado shaqo-aburka iyo wax-soo-saarka;	<p>Nidaamka tababarka farsamada gacanta ee Soomaaliya ka jira waa mid isku dhex-yaacsan oo aan ku tallaalyan suuqa shaqada. Arday yar ayaa dhigata waxbarashada farsamooyinka gacanta, macallimiin tayo leh ma jiraan, maamulka iyo maarayntuna waa ay liidatoo. Arrimahaa oo is biirsaday ayaa dhaliyey in bulshadu aanay aad u qiimeynin farsamada gacanta.</p> <p>Farsamada gacanta oo la tayeyeo waxa ay door muuqda ka qaadan kartaa la dagaalanka saboolnimada iyo kobcinta dhaqaalaha. Haddiise aanay farsamada gacantu la jaanqaadi karin baahida suuqa, ardada kasoo baxda niyad jab iyo dareen ah inay ku khasaareen ayaa galaya.</p> <p>Dadaallada lagu tayeynayo laguna tabaraynayo farsamada gacantu waa in ay jawaab u noqdaan baahiyaha haatan & kuwa mustaqbal ee suuqa shaqada ee dalka.</p>	<p>Wasaaradaha Waxbarashada, (dowladda federaalka iyo dowlad goboleedyada);</p> <p>Wasaaradaha Shaqada iyo arrimaha bulshada;</p> <p>Dugsiyada farsamada ee gaarka loo leeyahay;</p> <p>Deeq-bixiyayaalka</p>	<p>Waa in la is-waafajiyaa manhajka tababarka farsamada gacanta iyo xirfadaha iyo midka waxbarashada guud iyada oo koorsooyinka lagu salaynayo baahida suuqa ka jirta (xirfadaha looga baahan yahay goobaha shaqada); isla markaana ku jaan-go'an ilaha wax soosaarka ee muhiimka ah iyo istiraatiijiyadda kobaca dhaqaalaha;</p> <p>Waa in la dhiirigaliya isku xirnaata iyo wada shaqaynta ganacsatada iyo dadka ka shaqeeya waxbarashada si koorsooyinka farsamada gacanta loo wanaajiyoo;</p> <p>Si ubadku ay xilli hore u ogaadaan qiiimaha ay leedahay waxbarashada farsamada gacanta, waa in manhajka aasaasiga ah iyo midka dugsiga sare lagu darraa durus bilow ah oo la xirriita barashada farsamada gacanta;</p> <p>Waa in la aasaaso guddi qaran oo ay xubno ka yihiin dowladda dhhexe, dowlad goboleedyada, laamaha waxbarashada iyo ganacsatada si loo qiimeeyo, loo dardargaliyo, loona dayactiro dugsiyada iyo xarumaha farsamada gacanta ee haatan jira, loona abuuro qorshe qaran oo istaraatiiji ah, kaas oo samay doona macaahid farsamo oo cusub kuwaa oo la waafajin doono dhaqaalaha iyo wax soosaarka gobolada iyo degmooyinka iyada oo lagu salaynayo fursadaha dhaqaale-abuur ee deegaan walba uu ku horreeyo;</p> <p>Waa in ilaha wax soo saarka looga faa'iideysto in ay dhiiri-galiyan tababarka farsamada gacanta ayna u bixiyaan tababarro ku habboon;</p> <p>Waa in la bixiyo deeqo waxbarsho si loo soo jiito loona dhiirigaliyo ardayda si ay u qaataan tababarro farsamo gacmeed, kuwaas oo ah kuwa suuqa shaqada looga baahan yahay;</p> <p>Waa in la qabto carwooyin iyo ol-olayaal dhiirigalin ah oo muujinaya faa'iida culuumta farsamada gacanta iyo sida ay qofka uga caawin karaan inuu shaqo ka helo ilaha dhaqaale aburka qaran (beero, xoolo iyo kalluumaysi);</p> <p>Waa in la siyo dadka ku shaqeeya farsamada gacanta – ha u shaqeeyeen dowlad ama ganaci gaar ahe – mushaar soo jiidasho leh si kor loogu qaado sumcadda farsamada gacanta.</p>

Tabaha	Caqabadaha	Saamileyda	Tallaabooyinka
Waa in la hirgeliyo nidaam waxbarsho oo ku salaysan mabaa'diida dun-wanaaggaa, dadnimo iyo dal-jacylka	<p>Nidaamka waxbarasho ee haatan dalka ka jira uma samaysna inuu soo saaro ama dhiirrigaliyo arday leh waddaniyad, qab iyo sarrayn, isku kalsooni, mas'uulyad iyo dareen qaran oo sarreya.</p> <p>Ku barbaarinta ardayda dareen qaran waxa ay dhistaar aragtida iyo is-aaminaadda ardayga, waddaniyadda, is-xilqaanka iyo tixgalinta xuquuqda muwaadinka oo lagama maarmaan u ah nabadgelyada iyo horumarka bulshada.</p>	<p>Wasaaradaha waxbarashada (dowladda dhexe iyo dowlad goboleedyada);</p> <p>Ururrada bulshada rayidka ah;</p> <p>Dalladaha waxbarashada iyo saamileyda kale ee waxbarashada gaarka ah.</p> <p>Wasaaradaha warfaafinta</p> <p>Xafiisyada madaxda qaranka iyo kuwa gobolada</p>	<p>Waa in duruus-qarameedka (waddaniyadda, islaamka, hoggaaminta,) la dhex-geliya manhaj-ka waxbarashada (duruusta dowladnimada, taariikhda, iyo dhaqanka iyada oo yoolka la saaraya midnimada, waddaniyadda iyo is-jacaylka ama Soomaalinimada);</p> <p>Waa in la hirgeliyo hawl-gallo iskuulada ka dhex socda oo haddana waxbarashada fasallada ka dhex-baxsan (sida tartannada ciyaaraha, iskaa wax-uqabsada, suugaanta, doodaha) kuwaas oo xoojinaya dowlad-wanaaggaa, sarraynta sharciga, & waddaniyadda oo dhammaantood shardi looga dhigayo in la qalin-jabiyo;</p> <p>Waa in la qaado ol-ole qaran oo dadka lagu wacyigalinyo ahmiyadda ay leadahay waxbarashada tayaynaya dunta iyo dadnimada ardayga; kuwaas oo lagu bahaabayso warbaahinta oo dhan.</p> <p>Waa in la hirgeliyo tababar macallimiinta dhiga waxbarashada arrimaha bulshada si ay ardayda u fahamsiin karaan maskaxdoonada u geliyaan ahmiyadda iyo baahida in ardayga laga dhigo mid hoos u qodan oo ku barbaara dun-wanaag, dal-jacayl iyo waddaniyad.</p> <p>Waa in waxbarashada lagu dhisayo maskaxda iyo dadnimada aradayda ay noqoto howlwadaag, laga qayb-galinayo waaliddiinta iyo dowlad goboleedyada.</p>

Tabaha	Caqabadaha	Saamileyda	Tallaabooyinka
<p>Waa in la sameeyo Nidaam Qaran ee Qiimeyn Shahaadooyinka (NQQS) kaa oo si habaysan u qiimeeya aqoonta iyo xirfadaha iyo qof walba heerka uu ka gaarey.</p>	<p>Adduunka oo dhan, waxaa looarkaa qaab-dhismeedka shahaadooyinka inuu yahay hage dhammaystiran oo loo isticmaalo hagidda horumiranta karaanka bulshada.</p> <p>Hadda, nidaamka waxbarashada dalku ma laha Hannaanka Aqoonsiga (ama qiimaynta) Shahaadooyinka si loo qiimeeyo tayada goobaha waxbarashada iyo barnaamijta ay bixiyaan.</p> <p>In kasta oo ay waddamada dariska ahi raacaan Jaantuska Qiimeyn Shahaadooyinka Tacliinta Sare ee Bariga Afrika, Soomaaliya uma qiimeyso shahaadooyinka si habaysan oo tixraac leh.</p> <p>Samaynta Xarun dhexe ee Hannaanka Aqoonsiga (ama qiimaynta) Shahaadooyinka waxa ay tayaynaysaa waxbarashada iyo tababarada iyada oo keenaysa shuruudo ay tahay in qof kasta uu buuxiyo iyo aqoon ay tahay in qof kasta oo shahaado wata in uu yaqaanno;</p>	<p>Wasaaradaha waxbarashada (dowladda federaalka iyo dowlad goboleedyada);</p> <p>Dalladaha waxbarashada;</p> <p>Ururka Jaamacadaha Soomaaliyed;</p> <p>Shabakadda Cilmibaarista iyo Waxbarashada Soomaaliya</p> <p>Hay'adaha waxbarasha sare ee gaarka loo leeyahay.</p>	<p>Waa in la sameeyo Golaha Tasdiiqinta Shahaadooyinka Dalka (GTSD) kaas oo ka kooban goleha waxbarashada aasaasiga ah ee dalka, guddiga tacliinta sare, guddiga farsamada gacanta iyo guddiga imtixaanaadka dalka. GTSD ayaa mas'uul ka noqon doona dib u eegidda ama qiimaynta heerarka aqoon iyo xirfad ee haatan jira iyo diyaarinta halbeegyo cusub.</p> <p>Waa in laga qaybgaliya saamileyda marka la diyaarinayo lana hirgelinayo Hannaanka Aqoonsiga (ama qiimaynta) Shahaadooyinka, sida midaynta heerarka & shuruudaha shahaadooyinka; samaynta qiimeyn ku salaysan shuruudo cad, nidaam guud oo koorsoojinka & qimaha aqoonneed sheegaya; hab lagu sharaxayo shahaadooyinka & hab guud oo kala astaynaya koorsoojinka & shaqada ku xiran.</p> <p>Xarunta dhexe ee Hannaanka Aqoonsiga (ama qiimaynta) shahaadooyinka ayaa mas'uul ka ah dib u eeggidda shuruudaha iyo nidaamka ardayda ay ku helayaan aqbalaadda jaamacadaha iyo hannaanka lagu kala xulayodhammaan qaybaha waxbarashada.</p> <p>Dhammaan xarumaha bixiya tacliinta sare iyo tababarada waa inay iska diiwaangaliyaan Xarunta dhexe ee Hannaanka Aqoonsiga (ama qiimaynta) Shahaadooyinka; waana in aan loo ogolaan machadyada ama jaamacadaha in ay shaqeeyaan iyaga oo aan shati ogolaansho haysan.</p> <p>Ujeeddada ama bartilmaameedka 1-aad ee aasaasiga ah ee Hannaanka Aqoonsiga (ama qiimaynta) Shahaadooyinka waa daahfurnaan, is-barbar-dhig iyo aqoonsiga shahaadooyinka dalka oo dhan.</p>

Tabaha	Caqabadaha	Saamileyda	Tallaabooyinka
Midee dadaalada saamileyda waxbarashada si loo helo isku-xirnaan xagga maamulka waxbarashada ah.	<p>Qaybaha waxbarashada waxaa naafeeyey doorka dowladda dhexe iyo midka dowlad goboleedka oo aan sharci ahaan kala caddayn, kala qeybsanaan maamul, haykal guud la'aan, isku-duwid liidata iyo is waafajin la'aan xagga saamileyda ah. Mar haddaan dadaalku midaysnayn, waxaa gaabis noqda saamaynta;</p> <p>Wada shaqaynta dowladda dhexe, dowladaha gobolada iyo saamileyda kale aaya sahla in la gaaro tiisgiyada jira ayna noqdaan kuwo wax ku ool ah;</p>	<p>Wasaaradaha waxbarashada, (dowladda dhexe iyo dowlad goboleedyada);</p> <p>Ururka jaamacadaha Soomaaliyed;</p> <p>Shabakadda cilmibaarista iyo Waxbarashada Soomaaliya;</p> <p>Hay'adaha waxbarashada sare ee gaarka loo leeyahay</p>	<p>Waa in la sameeyo hay'ad ama dallad qaran oo ka shaqaysa horumarinta karaanka bulshada, diyaarisana warbixin qaybo kala duwan leh (sida mid ku socota dowladda federaalka, ganacsatada, jaamacadaha iwm) oo lala wadaago wasaaradaha ay khusayo, bulshada rayidka ah, waaxda gaarka loo leeyahay iyo deeq bixiyayaasha.</p> <p>In la dhammaystiro dastuurka isla markaana la jaangooyo doorka ay leeyihiin iyo mas'uuliyaadka saaran heerarka dowladda oo idil.</p> <p>Inta laga qabyo-tirayo dastuurka, si degdeg ah oo ku meel-gaar ah waa in heshiis uu dhexmaro wasaaradaha waxbarashada ee dowladda dhexe, kuwa dowlad goboleedyada iyo hay'adaha tacliinta gaarka ah maamula.</p>

Tabaha	Caqabadaha	Saamileyda	Tallaabooyinka
<p>Samee nidaam sharchiyeysan iyo tabo lagu uruuriyayo laguna wadaagayo xogta waxbarashada.</p>	<p>Waxaa jirta awood darro, karti yaraan iyo xog laaan baahsan marka ay timaaddo xog uruuriinta waxbarashada. Saamileydii aannu xog-warraynaynta badan ma aqoon sida xog loo uruuriyo, xogaha ay na siiyenna waxay ahaayeen kuwo aan dhammays-tirnayn, guud ahaanna waxay ay muuqdeen in aanay fahamsanayn qiimaha xogtu u leedahay go'aamada iyo qorshaynta.</p> <p>Helidda iyo isticmaalka xog sugar oo wakhtigii ku habboonaa la helo ayaa muhiim u ah go'aan qaadashada. Haddii aanay jirin xog la isku halayn karo, waa ay adag tahay in la qorsheeyo lana maamulo ilaha dhaqaalaha iyo horumarinta waxbarashada.</p>	<p>Wasaaradaha Waxbarashada, (dowladda dhexe iyo dowlad goboleedyada);</p> <p>Wasaaradda qorshaynta, Maalgalinta iyo hurmarinta dhaqaalaha;</p> <p>Ururada bulshada rayidka ah Shabakadda cilmbaarista iyo waxbarashada Soomaaliya;</p> <p>Hay'adaha cilmbaarista ee kale.</p>	<p>Laamaha dowladda oo dhan waa in lugu xiraa Waaxda Istaatistikada ee Wasaaradda Qorshaynta si loo helo talo-bixin xog ku dhisan oo waxtar u leh uruuriinta xogta waxbarashada.</p> <p>Deji tilmaamayaasha horumarka dalka ee waxbarashada (tusaale ahaan: is-qorrida, tayada, saamiga macallinka iyo ardayga) si kor loogu qaado heerarka waxbarashada ee caadiga ah, loogu fududeeyo saamileyda muhiimka ah falanqeynta xogta waxbarashada, loona daabaco macluumaad sanadle ah oo wax u tara go'aan ka gaaridda arrimaha waxbarashada la xiriira.</p>

Tabaha	Caqabadaha	Saamileyda	Tallaabooyinka
U qoond ee dhaqaale ku filan qaybaha mudnaanta gaarka ah in ay leeyihiiin la sheegay ee Hannaanka Horumarka Karaanka Bulshada.	<p>Dowladda dhexe iyo dowlad goboleedyadu waxa ay waxbarashada u qoondeeyeen miisaaniyad ka yar midda ay waddamada soo koraya iyo kuwa gobolkan ay u qoondeeyaan tacliinta.</p> <p>Hellida iyo tayada waxbarashadu uma eka in ay soo fiicnaanayaan haddii aan miisaaniyad ku filan la gelin.</p> <p>Maalgelinta horumarinta waxbarashadu waxa ay tiir-dhexaad u tahay ballangalka horumarinta karaanka bulshada. Wixa ay sidaa oo kale lagama maarmaan u tahay hellidda waxbarasho tayo leh.</p>	<p>Wasaaradaha maaliyadda (dowladda federaalka iyo dowlad goboleedyada);</p> <p>Wasaaradaha waxbarashada;</p> <p>Wasaaradaha qorshaynta,</p> <p>Dalladaha waxbarashada;</p> <p>Hay'adaha gaarka ah ee waxbarashada;</p> <p>Saamileyda caalamiga ah.</p>	<p>Laga bilaabo 2021, kordhi miisaaniyadda waxbarashada si loo galiyo 25% miisaaniyadda dowladda dhexe iyo midda dowlad goboleedyada sanadka 2025.</p> <p>Ka warbixi qoondenta gaarka ah iyo midda goonida ah ee maaliyadda guud ee waxbarshada aasaasiga ah, midda dugsiga sare iyo midda heer kulliyadeed ama jaamacadeed si loo dhiirigaliyo daah-furnaan loona arko waxqabdarka maaliyadeed ee kala duwan ee qayb walba.</p> <p>Samee xarun deeq bixineed oo la isugu keeno deeqaha waxbarashada ee laga helo laamaha gaarka loo leeyahay, qurbajoogta, tujaarta iyo dadka ama hay'adaha kale ee wax bixiya si deeqdaa loogu xiro daah-furnaan iyo natijjooyin la taaban karo.</p> <p>Samee guddi kormeer oo madax-bannaan kaas oo waajibkiisu yahay xaqijintaa daah-furnaanta, hubin iyo kormeer si loo ogaado in miisaaniyadda waxbarashada ee dowliga ah iyo midda gaarka abba loo isticmaalo sidii ugu mudnayd iyo in si guud ah oo muuqata looga hadlo wixii walaac ah ee kasoo baxa maamul xumada maaliyadda waxbarashada</p>

Xalka, Tabaha iyo Tallaabooyinka Istiraatiijiga ah ee Lugu Horumarin karo Caafimaadka - Hiigsiga 1

Tabaha	Tallaabooyinka	Yoolka	Faa'iidooyinka	Waqtiga	Saamileyda
<p>Waa in loo helo xal deg-deg ah oo waara yaraanta shaqaalaha caafimaadka dalka iyo xirfad yarida baahsan.</p> <p>1. Halla tababaro xirfadlayaasha caafimaadka ee heerka dhexe iyada oo muhiimad gaar ah la siinayo umulisoonyinka, kalkaaliiyayaasha caafimaadka, dadka nadaaafadda ka shaqeeya, farsamo-yaaqannada ama xirfadlayaasha shaybaadhka, farmashiistayaasha, raajayaqaanka, suuxiyayaasha, gargaarka degdega ah, dhimirk, daaweynta cudurrada wadnaha, baadhidda elektarooniga ah ee wadnaha, ilkha, indhaha, dayactirk qalabka caafimaadka iyo kordhinta maammul yaaqanno caafimaad.</p> <p>2. Dhakhaatiirta cusub ee soo qalin-jabisay halloo helo tababarro iyo takhasus ay ku qaadanayaan jaamacadaha dalka iyo kuwa waddamada deriska ah.</p> <p>3. Si dhakhaatiirta cusub loo tababaro, waa in la hirgeliyo is-kaashi u dhixeyya dowladda iyo jaamacadaha gaarka loo leeyahay; iyada oo jaamacadaha ay dowladdu siinayso kaalmo farsamo iyo mid dhaqaale.</p> <p>4. Waa in dhakhaatiir aqoon iyo khibrad fiican leh dibadda laga keeno si ay u tababaraan dhakhaatiirta Soomaalida ee soo qalin jibsey; musharka khuburada dibadda ka timid waxaa laga bixin karaa mashruucyada adduunku maalgaliyo.</p> <p>5. Waa in la tababaraa Murwooyin Caafimaad;</p> <p>6. Waa in loo qoondeeyo miisaaniyad ku filan tababarka, hawl-gelinta iyo shaqo ku negaanshana marwooyinka caafimaadka, waana in si dhammaystiran looga mid dhigo shaqaalaha caafimaadka;</p> <p>7. Waa in ay wasaaradda caafimaadku ka hawl- gashaa in Murwooyinka Caafimaadku ay tababar ka helaan xarumaha tababarka caafimaadka (jaamacadaha iyo machadyada) ee maamul goboleedyada iyo gobollada, waana in ay wasaaraddu u diyaarisow wixii farsamo iyo fududayn ah.</p>	<p>In la tababaro 2000 oo xirfadlayaal caafimaad oo cusub oo heerka dhexe ah;</p> <p>In sanadki ay xarumaha caafimaadka aqoon kororsi iyo tababar ay ka helaan 3000 oo xirfadlayaal caafimaad oo heerka dhexe ah 300 oo dhakhaatiirta cusub waa in ay helaan deeq-waxbarasho oo ay ku samaynayaan takhasus</p> <p>Waa in 10 jaamacadood oo dalka ah ay qaataan arday dhakhtarnimo loo tababarayo (oo ay dowladdu kharashkooda bixinayso);</p> <p>Waa in 100 dhakhtar oo Soomaali iyo aajaanib isugu jira dibadda laga keeno</p> <p>Waa in 2500 Marwo Caafimaad la tababaraa Abuuridda Murwooyin Caafimaad ayaa noqonaya ahmiyad koowaad, kuwaas oo qayb ka noqonaya hayalka caafimaad ee dalka;</p> <p>Waxaa aburumaya xiriirka wada shaqayneed ee wasaaradaha caafimaadka iyo xarumaha tababarka caafimaadka (Jaamacadaha iyo Machadyada)</p>	<p>Yaraanta xirfadlayaasha caafimaad ayaa yaraanaysa wax laga qabtay</p> <p>Waxaa kor u kacaya dhakhaatiirta takhasuska leh ee dalka</p> <p>Waxaa kor u kacaya xirfadda iyo aqonta dhakhaatiirta gudaha dalka;</p> <p>Waa in tababar aqoon kororsi oo shaqada dhex-deeda ah la siiyaa takhaatiirta dalka;</p> <p>Xirfad iyo aqoon yarida jirta ayaa xal loo helayaa ama wax laga qabtay</p> <p>Hooyada uruka leh, dhallinka iyo caafimaadka dhallanka iyo weliba adeegga nafaqayntooda ayaa kor loo qaaday</p> <p>Maalmul goboleedyada iyo gobollada waxay tababaraan soona saaraayan inta ay u baahan yihiin / awoodaan oo murwooyin caafimaad ah;</p> <p>Carumaha waxbarasho ee gboldolla aaya awood u yeelanaya in ay tababaraan murwooyin caafimaad</p> <p>In la kordhiyo tirada shaqaalaha caafimaadka ee fayadhowka.</p>	<p>Degdeg/waqtiga dhow</p> <p>Degdeg/waqtiga dhow</p> <p>Degdeg/waqtiga dhow</p> <p>Waqtiga dhexe</p> <p>Degdeg/waqtiga dhow</p> <p>Degdeg/waqtiga dhow</p> <p>Degdeg/waqtiga dhow</p>	<p>Wasaaradaha caafimaadka, qorshaynta, waxbarashada, maaliyadda, deeq-bixiyaalka;</p> <p>Wasaaradaha caafimaadka, maaliyadda, deeq-bixiyaalka;</p> <p>Wasaaradaha caafimaadka, maaliyadda, deeq-bixiyaalka;</p> <p>Wasaaradaha caafimaadka, maaliyadda, deeq-bixiyaalka;</p>	

Tabaha	Tallaabooyinka	Yoolka	Faa'iidooyinka	Waqtiga	Saamileyda
	<p>8. Waa in la siiyo shaqaalaha caafimaadka tababar ku wajahan nadaafadda biyaha, goobaha caafimaadka iyo fayadhowrka guud iyo weliba la tacaalidda xaaladaha adag iyo kuwa degdegega ah, ka hortagga iyo wax kaqabakda cudurrada aan faafin sida dhimirkha, daryeelka indhaha, ilkaha iyo caafimaadka guud ee afka.</p> <p>9. Waa in la dhiso awoodda wasaaradda caafimaadka si ay u dhisto una fuluso barnaamij joogteysan oo aqoon-kororsi ah oo la xiriira caafimaadka hooyada, dhallaanka iyo nafaqaynta;</p> <p>10. Waa in la abuuro jewi u jajaban una diyaar ah kororsiga aqooneed; waana in la aasaaso Machadka Kobcinta Aqoonta iyo Xirfadda Caafimaadka ee dowladda Federaalka iyo machadyo la nooc ah oo heer dowlad goboleed ah</p> <p>11. Waa in ay shaqo qaran maraan shaqaalaha caafimaadka ee dawladdu ay waxbarashada qayb ahaan ama wadar ahaan ay ka bixisay taa oo shardi kaga dhigaysa in ay ka shaqeeyaan rugaha caafimaadka ee degmooyinka iyo gobollada muddo ugu yaraan u dhiganta intii ay waxbarashada ku jireen;</p> <p>12. Dhammaan maamul goboleedyada iyo Banaadir waa in laga sameeyo ugu yaraan hal machad / jaamacad caafimaad oo tayo leh;</p> <p>13. Waa in wadashaqayn dhow lala yeesho khuburada caafimaadka ee qurbajoogta ah si ay u xoojiyaan adeegga caafimaadka dalka iyo barashada caafimaadka</p> <p>14. Waa in waqtii iyo miisaaniyad loo qoondeeyo si bulshada loo fahamsiyo ahmiyadda ay dalka iyo dadka u leedahay in la maal-geliyo xirfadleyda caafimaadka</p>	<p>In la hirgeliyo qorshe tababar shaqada dhexdeeda ah oo lugu tababarayo shaqaalaha caafimaadka.</p> <p>In la sameeyo barnaamijyo aqoon kororsi oo loo hirgeliyo si hufan dhammaan dowlad goboleedyada iyo degaannadooda.</p> <p>In la hirgeliyo xarumo lugu tayeynayo xirfadaha iyo karaanka shaqaalaha heer Federaal iyo xarumo laga yagleelo dowlad goboleedyada.</p> <p>Waa in meelo badan laga helaa xirfadlayaal caafimaad, gaar ahaan markii gargaar caafimaad oo degdeg ah loo baahan yahay iyo goobaha iyo deegaannada dadka nugul.</p> <p>Waa in la hirgeliyo jaamacad / machad dowladdu leedahay gobol kasta</p> <p>200 oo khabir caafimaad ayaa xiriir wada-shaqyn lala yeelanayaa</p>	<p>Umul-raaca iyo isku-dhimashada dhallaanka iyo hooyada ayaa yaraanaya;</p> <p>In wax laga qabto shaqaale yarida jirta.</p> <p>In shaqaalaha caafimaadku ay heli karaan tababar shaqo oo ay ka helaan goobahooda shaqo iyo goboladooda.</p> <p>In kor loo qaado tirada xirfadlayaal yaraanta</p> <p>In sare loo qaado shaqaalaha caafimaadka ee shahaadooyinka haysta.</p> <p>In adeegyada caafimaad la gaarsiyo dadka u baahan</p> <p>Waxaa la daadejiyey tababarka caafimaadka, tayada ayaa kor loo qaaday</p> <p>In aqoonta iyo xirfadaha caafimaad ay gaaraan shaqaalaha goobahooda iyo hay'adaha caafimaadba.</p>	<p>Degdeg/waqtiga dhow</p> <p>Waqtiga dhexe</p> <p>Waqtiga dhexe</p> <p>Mustaqbalka dheer</p> <p>Degdeg/waqtiga dhow</p>	<p>Wasaaradaha caafimaadka, qorshaynta, waxbarashada, maaliyadda, deeq-bixiyaalka;</p> <p>Wasaaradaha caafimaadka, maaliyadda iyo deeq-bixiyaalka;</p> <p>Wasaaradaha Caafmaadka, Maaliyadda iyo xarumaha tababarrada.</p> <p>Wasaaradaha caafimaadka, maaliyadda iyo deeq-bixiyaalka;</p>

Hiigsi 2

Tabaha	Tallaabooyinka	Yoolka	Faa'iidooyinka	Waqtiga	Saamileyda
Waa in la hirgeliyo siyaasad caafimaad oo ku salaysan aqoon iyo baahi	<p>Tallaabada 2.1: Waa in xirfadaha iyo aqoonta caafimaad ee jaamacadaha lagu baranayo lagu saleeyo baahiyaha xirfadlayaasha caafimaad ee dalka ka jira;</p> <p>Tallaabada 2.2: Markii ay soo qalin-jabiyaan xirfadlayaasha caafimaad (dhakhaatiir iyo kaaliyayaal) waa in ay goobaha caafimaadka ka helaan xirfad iyo aqoon kororsi teknoolijiyadda ku salaysan iyo waxbarashada shaqada lagu garab wado;</p> <p>Tallaabada 2.3: Tabaraynta tababarrada hay'adaha iyadoo kor loo qaadyo tayada xarumaha tababarka bahda caafimaadka</p>	<p>Waa in ay isku jaan go'an yihiin ardayda jaamacadaha caafimaadka galaya (ama dhakhaatiirta la tababaray) iyo baahiyaha xirfad caafimaad ee dalka ka jirta;</p> <p>In si joogto ah loola socdo dib uhabayna lugu sameeyo manhajka ardayda goobaha caafimaadka si loo soo saaro shaqaale leh xirfad iyo aqontii loo baahnaa leh.</p> <p>In la sameeyo qorshe isku-xiran, hab loo qiimeeyana leh oo ku wajahan tababarrada shaqada dhexdeeda ah.</p> <p>In la tayeyeo tababarrada la siyyo tababarayaasha goobaha caafimaadka ka hawl gala.</p> <p>In la diyaariyo, tiknoolajiyadda, manhajka tababarrada, qalabka tababarrada iyo habraaca caafimaad ee xirfadlayaasha la tababaray.</p> <p>In la bilaabo waxbarashada caafimaadka oo lugu qaadan karo teknoolijiyadda casriga ah.</p> <p>In la sameeyo hay'ad qaran oo hubisa tasdiiqisana shahoodooyinka taa oo leh awood loo igmaday.</p> <p>In la isticmaalo tignoolajiyadda casriga ah ee waxbarashada lugu gudbiyo si kor loogu qaado aqoonta iyo tababarka shaqaalaha caafimaadka iyadoo waxbarasho iyo tababaray tayo leh la gaarsinayo goobaha caafimaad oo magaaloooyinka ka durugsan safarkooduna uu adag yahay.</p> <p>In la hagaajijo agabka iyo goobaha tababarka ee ay shaqaalaha caafimaadku isticmaalaan lana maalgaliyo machadyada waxbarashada.</p> <p>In la bixiyo kaalmo farsamo taa oo yoolka saaraysa tababarka, manhaj tayeysan oo waxbarasho kaa oo dalka oo dhan si isku heer ah uga jira iyadoo isla markaasna la wanaajinayo waxbashada caafimaadka luguna larayo tababaray, tilmaamayaal iyo qalab ama agab waxbarasho.</p> <p>In kor loo qaado tayada goobaha iyo agabka Isbitaallada ee lugu tababarto</p> <p>In la diyaariyo lana casriyeeyo tababarrada caafimaad ee baahida loo qabo iyo goobaha iyo agabka tababarradu u baahan yihiin intaba</p>	<p>Waxaa kordhaya xirfadlayaal caafimaad oo takhasusyo kala duwan leh</p>	Degdeg/ waqtiga dhow	Wasaaradda Caafmaadka, Maaliyadda iyo xarumaha tababarrada.

Hiigsi 3

Tabaha	Tallaabooyinka	Yoolka	Faa'iidooyinka	Waqtiga	Saamileyda
Waa in a hirgeliyo siyaasad caafimaad oo ku salaysan cilmi iyo baahi	<p>Tallaabada 3.1: Waa in la sameeyo hannaan dalka oo idil ah oo lagu aqoonsanayo xirfadaha iyo darajooyinka, lagu qaadanayo shatiyada xirfadaha, lagu helayo tasdiqa shaahadooyinka</p> <p>Tallaabada 3.2: In xirfadayaasha caafimaad loo kala qeexo aagaggaa ay ka hawl galayaan</p> <p>Tallaabada 3.3: In la hagaajiyoo xeerarka shaqaalaha ee mushaarka, hab-raaca shaqada iyo xeerarka kale ee saamayn kara shaqaalaha</p> <p>Tallaabada 3.4: In la dejijo shruuqda shaqada iyo shaqaalaha ee saamaynta ku leh bahda caafimaadka</p>	<p>Hirgelinta hay'ad guud oo caafimaad oo xirfadleyda caafimaad oo dalka oo dhan matasha;</p> <p>Hirgelinta hannaan xirfadlayda caafimaad u qeexaysa shaqadooda;</p> <p>Dejinta hannaan lagu socodsiiyo hawlahaa caafimaadka ayna ku wada shaqeeyaan bahweynya ku shaqada leh caafimaadka (sida dawladaha, jaamacadaha; hay'ado/ ururada caafimaadka);</p> <p>Dejinta shruuqda shaqada iyo shaqaalaha ee saamaynta ku leh bahda caafimaadka;</p>	<p>Waxaa la dejiyey lana hirgeliyey xeerarka shaqaalaha, masuuliyahooda, heerka shaqo oo laga doonayo iyo dhisidda shaqaale caafimaad oo tayo leh.</p>	Killiga dhow	<p>Wasaaradaha caafimaadka, ururada xirfadayaasha caafimaadka, & deeqbixiyayaasha</p>

Hiigsi 4

Tabaha	Tallaabooyinka	Yoolka	Faa'iidooyinka	Waqtiga	Saamileyda
Tayee maamulka caafimaadka iyo hannaanka bahda caafimaadka loogu fududaynayo in ay ku sii jiraan ka shaqaynta caafimaadka iyo ka hawl galka goobaha looga baahan yahay	<p>Waa in la hergeliyo hannaan xirfadleyda caafimaad sida dhakhaatirta ku dhiirri gelinaya (sida gunnooyin iyo mushaar soo jiidasho leh) si ay uga shaqeeyaan degmooyinka iyo magaaloooyinka leexsan una baahan daryeel iyo khubar caafimaad;</p> <p>Waa in loo diyaariyo gunnooyin iyo dekhli xirfadleyda caafimaadka u jihaynaya tuulooyinka iyo degaannada durugsan;</p> <p>Waa in la hirgeliyo hannaan dalka oo dhan ah oo daah-furan oo ku saabsan sharciyada iyo xeerarka shaqaalaynta xirfadleyda caafimaadka;</p> <p>Waa in la hirgeliyo in shaqaalaynta caafimaadka ee dumarka ah ay xaqooda helaan iyo in goobaha caafimaadku ay yiliin kuwo soo dhaweynaya xirfadleyda dumarka ahna ku haboon;</p>	<p>Mushaar soo jiidasho leh in lagu bixiyo xirfadleyda ka shaqaynaya tuulooyinka iyo magaaloooyinka fog-fog;</p> <p>Diyaarin gunnooyin soo jiidasho leh, si xirfadlaydu dalka oo dhan u gaaraan oo aan magaaloooyinka waaweyn lagu soo ururin;</p> <p>In la hirgeliyo hannaan shaqaalaysiin oo caddaaalad ku salaysan;</p> <p>In haweenku ka helaan qoondo sax ah shaqada caafimaadka;</p>	<p>Waxaa xaqooda la siiyey xirfadleyda caafimaadka ka shaqaysa,</p> <p>Waxaa la hirgeliyey hannaan shaqada caafimaadka caddaaalad lagu helo iyo xaq-soor;</p>	<p>Waqtiga dhexe</p>	<p>Wasaaradaha caafimaadka, maaliyadda iyo deeq-bixiyayaasha,</p>

Hiigs 5

Tabaha	Tallaabooyinka	Yoolka	Faa'iidooyinka	Waqtiga	Saamileyda
Waa in la hagaajiyya lana horumariyaa hannaanka maalgelinta hawlah caafimaadka	<p>Waa in la tayeeyo oo kor loo qado, mushaarka xirfadlayaasha caafimaadka iyo gunnooyinkooda;</p> <p>In la diyaariyo miisaaniyad iyo odorus ku saabsan dhaqaalaha loo baahan yahay in la tayeeyo xirfadlaya ka shaqaysa caafimaadka sida waxbarashadooda, aqoon kororsigooda iyo mushaarkooda iyo gunnooyinkooda;</p> <p>Waa inkor looqado dhaqaalaha galaya caafimaadka iyo shaqaalaha caafimaadka ee dowladda, ganacsiga gaarka ah iyo deeq-bixiyayaashuba ay ku tabarrucaan;</p>	<p>In xirfadlaya caafimaadka loo helo mushaaro iyo gunnooyin u dhigma waxa ay ka heli karaan meelo kale, ama magaalooinka waaweyn;</p> <p>In la isku jaan-gooyo ama mushaarada iyo gunnooyinka xirfadlaya caafimaadka iyo waaxyaha kala duwan ka shaqeeya (si aan hal meel la isugu buuran, takhasus kasta qofkii bartana uu u helo mushaar ku fulan);</p> <p>In la uruuriyo xogta caafimaadka iyo kharashka ku baxa;</p>	Dekhli iyo dhaqaale ku filan xirfadleyda caafimaadka ayaa la qorshaynayaa oo la qoondaynayaa lana gaarsiinayaa bahda caafimaadka	Xilliga dhexe	Wasaaradda maaliyadda, deeq-bixiyayaasha;

Hiigs 6

Tabaha	Tallaabooyinka	Yoolka	Faa'iidooyinka	Waqtiga	Saamileyda
Waa in caafimaadka loo abuuro iskaashiyo	<p>Waa in la dhiso golayaal wada-shaqayneed iyo iskaashi; (guddi wasiiro, xirfadlaya caafimaad oo talada caafimaadka gudbisa, iyo gole isku duwid oo deeq-bixiyayaasha iyo saamileyda heer qaran iyo heer maamul goboleed ay ku wada jiraan);</p> <p>Waa in la hirgeliyo hannaan ay ku wada shaqayn karaan ganacsatada iyo dowladda oo leh heshiiyo iyo qaab-wada-shaqayneed;</p> <p>Waa in abuuro hannaan ay bulshadu cod iyo saamayn ugu yeelan karto qaabka loo maamulo caafimaadka dalka ;</p> <p>Waa in la aasaaso gole sanadle ah oo daneeyayaasha caafimaadku ku kala xogqaataan, halkaas oo iskaashatooyin lagu dhiso, dhaqaalaha lagu aruuriyo, la isku kaashado, guulaha iyo culays-yadana lagu qiimeeyo</p>	<p>In la meel dhigo hannaan wada-shaqayneed oo wasaaradaha kale duwan, Soomaalida iyo deeq-bixiyayaasha, isbitaalada iyo xirfadlayaasha, barayaasha caafimaadka dhiga;</p> <p>In la hirgeliyo heshiiis wadashaqayneed ee wasaaradaha caafimaadka iyo inta caafimaadka ka shaqaysa;</p> <p>In la hirgeliyo hannaan shacabku ay talo iyo saamayn ugu yeeshaan caafimaadka dalka;</p>	Wada-shaqayn iyo iskaashi toos iyo mid aan toos ahayn oo dhex-mara bahweyn ta shaqaysa caafimaadka	Waqtiga dhexe;	Wasaaradaha caafimaadka, deeq-bixiyaalka, iyo ganacsatada iyo bulshada caadiga ah

Hiigsi 7

Tabaha	Tallaabooyinka	Yoolka	Faa'iidooyinka	Waqtiga	Saamileyda
Waa in la dhisohoggaanka iyo maamulka xirfadleyda caafimaadka dalka	Waa in la tayeyo awoodda hoggaamineed iyo maamul; Waa in la xoojiyo ururrada caafimaadka sida kuwa dhakhaatiirta iyo xirfadleyda kale ee caafimaadka si ay u ahaadaan kuwo hoggaan iyo maamul hufan;	Karaanka xirfadeed iyo aqooneed ee hoggaanka iyo maamulka caafimaadka oo la tayeeey; Awoodda iyo karaanka xirfadlayasha caafimaad iyo ururadooda ookor u kacay si ay kaalintooda u gutaan;	Waxaa kor u kacaya awoodda iyo aqoonta hoggaanka caafimaadka dalka si ay u hagaan soo kabashada, u kasbaan dhqaale ayna isugub dubbaridaan dadaalada xirfadleyda caafimaadka; Waxaa iyana kartidooda iyo karaan koodu kor u kacaysaa bahweyn ta caafimaadka si ay ula jaan-qadaan hoggaanka caafimaadka ee heer kasta ayna uga qayb qaataan soo kabashadaas;	Waqtiga dheer	Wasaaradaha caafimaadka, maaliyadda, iyo deeq-bixiyaaasha

Caqabadaha Curyaamiyey Shaqada iyo Shaqaalaha: Tabaha (istraatijiyadaha) iyo xalka daawada u ah

Tabaha	Caqabadaha	Saamileyda	Talaabooyinka
Waa in loo aqoonsado shaqo la'aanta dhalinyaradu in ay tahay musiibo qaran; waana in lagu dhaqaaoqo qorshe ballaaran oo dhalinyarada shaqo loogu abuurayo	<p>Shaqo la'aanta dhalinyarada Soomaaliyeed waxa ay kor u dhaaftay 70%. Shaqo la'aantaasi waxa ay dhalisay saboolnimo baahsan, hijro iyo qaxid qar iska tuurnimo wadata iyo in dhallinyaradu ay u nuglaadaan qaadashada fikradaha xagjirka ah.</p> <p>Maalgalin la'aanta shaqo abuurka dhalinyarada ee ganacsiga gaarka loo leeyahay iyo dowladaha, xirfadaha la bartay iyo shaqooyinka jira oo aan islahayn, xirfadaha muhiimka u ah shaqo helidda ah oo aan dhallinyaradu lahayn (sida luuqadda English-ka, qorista, computer-ka aasaasiga ah, cod karnimada, iwm); bulshada oo yasta shaqooyinka gacanta laga qabto ayaa caqabado ku ah shaqo helidda dhallinyarada.</p>	<p>Wasaaradaha Shaqada iyo Arrimaha Bulshada, Qorshaynta, Ganacsiga, Warshadaha,</p> <p>Guddiga Shaqaalaha,</p> <p>Maalgeliyayaasha Caalamiga,</p> <p>Rugaha Ganacsiga;</p> <p>Maalgeliyayaasha;</p> <p>Hay'adaha samafalka</p>	<p>Midee dadaalada dowladaha, deeq bixiyayaasha iyo saamileyda kale si kor loogu qaado tababarka xirfadaha isla markaana la isu waafajiyoo xirfadda iyo shaqooyinka laga abuuri karo ilaha adeegga, isgaarsiinta, maaliyadda, bangiyada iyo dalxiiska.</p> <p>Ahmiyad sii maalgalinta kaabayaasha muhiimka ah si kor loogu qaado adeegga, loo sahlo hoosna loogu dhigo kharashka ku baxa iyo caqabadaha hor yaalla aasaasidda iyo wadidda ganacsiga.</p> <p>Waa in la badiyo tababarrada tayada sare leh iyo tababarka xirfadaha ganacsati abuurka si loo casriyeeyo korna loogu qaado fursadaha ay ku guulaysan karaan ganacsiga bilowga ah, kuwa yar-yar iyo ganacsiga meel dhexaadka ah iyo kuwa hadda la unkayo.</p> <p>Waa in kor loo qaado hellida deynta iyo horumariska ay helaan ganacsatada, heerka hoose, dhexe iyo kuwa bilowga ah, waana in la is-waafajiyoo xirfadaha iyo tababarka ganacsatada, horumarinta iyo ganacsati abuurka.</p> <p>Waa in la hirgeliyo shaqooyinka dhismaha sida kaabayaasha (waddoooyinka) ee hawlaha guud si dadka aan xirfadaha lahayn shaqo loogu abuuro loona siiyo tababarka xirfadaha farsamada.</p>

Tabaha	Caqabadaha	Saamileyda	Talaabooyinka
Waa in la waafajiyo tababarka farsamada gacanta iyo baahiyaha suuqa shaqada ee ilaha wax soosaarka (beeraha, xoolaha, kalluumaysiga) iyo kuwa adeegga (dhismaha, dalxiiska, gaadiidka) ee dalka muhiimka u ah.	Ilaha wax soosaarku ma helaan shaqaale xirfad leh waxa ayna taa sabab uga dhigaan xirfadda shaqadoonka iyo xirfadda looga baahan yahay meelaha shaqadu taallo oo aan is lahayn iyo in shaqadoonku ay buunbuuniyaan shahaadooyinkooda iyo iyaga oo aan sidii loo baahnaa aan shaqada u qabin karin.	Wasaaradaha waxbarashada, shaqada iyo shaqaalaha iyo qorshaynta Dalladaha waxbarashada	Waa in ay isla jaanjaadaan dadaalada wasaaradahu qorshaynta, shaqada iyo waxbarashada si loo helo xog sugar oo ku saabsan shaqooyinka dalka looga baahan yahay si jaamacadluu ay u dhigaan waxbarashaa daboolaya baahida suuqa ka jirta laysuna waafajiyo ardada soo qalin jabinaysa iyo baahi-xirfadeedka suuqa shaqada.
		Dugsiyada gaarka ah ee farsamada gacanta Saamileyda caalamiga ah	Waa in ahmiyad gaar ah la siyo tababarrada xirfadaha ee shaqooyinka dalka muhiimka u ah sida caafimadka, lana siiyo qoondayn daahfur oo la wada og yahay.
			Waa in goobaha waxbarashada laga dhaqangeliyaas qorshayaal ardada kala taliya meheradaha ama aqoon-shaqeedka u habboon qorshayaasha dowladda federaalka iyo kuwa maamul goboleedyada ee dhiirrigelinaya kobciinta ilaha wax soosaarka iyo adeegga, waana in la is waafajiyo tababarka xirfadaha iyo baahida suuqa shaqada.
			Waa in la diyaariyo xarumo shaqo helidda kacaawiya ardayda kuna xiriirsan iskaashatooyinka iyo hay'adaha shaqo-abuurayaasha ah, rugaha ganacsiga iyo xogogaalka kale ee aqonta u leh suuqa shaqada.
			Waa in la iswaafajiyo barnaamijita shaqa barridda ardayda iskoolka ku jirta ama qalinjabisay ee dalka iyo tababarka farsamada gacanta si dowladda, iyo ganacsatadaba looga dhexabuuro fursado xirfadaha gacanta loona caawiyo aradda si ay u yeeshaan xirfado korna loogu qaado fursadahooda shaqo ama isushaqaynta.

Tabaha	Caqabadaha	Saamileyda	Talaabooyinka
Waa in la xoojiyo siyaasadaha shaqada ee dalka haatan ka jira kuwo cusubna loo sameeyo si loo ilaaliyo korna loogu qaado xuquuqda qaybaha bulshada ee nugul ama tabarta daran amaba la takooro.	Shaqt la'aan heerkeedu aad u sarreeyo iyo tartan ba'an oo loogu jiro shaqooyinka yar ee jira oo ay weheliyaan fikraro dhaqameed qalloocan oo lid ku ah dadka naafada ah iyo in aan dadka naafada ah la siin wakhti dheeri ah oo ku filan si ay shaqadooda u gutaan aaya sabab u ah xaqiraad, duudsin, iyo gacan-bidixayn badan oo ay dadka naafada ahi la kulmaan.	Wasaaradaha shaqada, haweenka iyo xuquuqul iinsaanka, guddiga shaqaalaha rayadka ah, ururrada shaqaalaha, rugaha ganacsiga, bulshada rayadka ah;	Hirgeli sharci lagula dagaalamayo duudsiga shaqt helidda, kaas oo u xaq-sooraya isla markaana difaacaya, korna u qaadaya fursadaha shaqt ee dumarka, dadka naafada ah, barakacayaasha iyo qaybaha kale ee bulshada ee la faquuqo, kuna lamaani obole wacyigalih ah oo ku saabsan shaqaalaynta loo siman yahay kuwaa oo ay ka mid yihiin ilaalinta xuquuqda dumarka, ha noqoto midda madaniga ah iyo sharciga Islaamka.
		Madaxda qaranka iyo kuwa maamul goboleedyada	Sii dhiira-gelin shirkadaha shaqada siyya naafada – sida canshuur dhaaf, iyo in keligood ay qaadan karaan qandaraasyada dowladda.
			Hirgeli hannaan lagu soo gudbinayo dadka shirkad kasta iyo hay'ad kasta ay shaqaalaysiinayaan si loo ogando cidda shaqada siinaya ama aan siinaya haweenka, naafada iyo dadka la takooro.
			Dhiirri-geli maal-gelinta ganacsiga ay leeyihiin dumarka, dadka naafada ah iyo dadka la duudsiyo; una sahal deyn iyo deeqo ayada oo la isticmaalayo hay'adha daymaha yaryar bixiya, Xafiiska Apex ee Gargaarka iyo Horumarinta ama xafis kasta oo leh tabartii iyo tayadii loo baahnaa ee heer dowlad dhexe iyo dowlad goboleedba.
			Dhiirrigeli shaqt-abuurayaasha ama shaqt bixiyayaasha in ay yeeshaan nidaam si habboon oo sinnaan iyo caddaalad ah u qiimeeya arjiyada shaqada ee dadka naafada ah si ay u soo gaaraan wajiga shaqt bixinta ee waraysiga.
			Diyaari hannaan shaqt-bixiyayaasha u sahla inay qiimeeyaa dadka naafada ah si ay u shaqaalaysiinyaan.

Tabaha	Caqabadaha	Saamileyda	Talaabooyinka
Waa in la dhiirigaliyo hab dhaqameed shaqo bixineed oo daahfuran oo ku dhisan karti iyo aqoon si meesha looga saaro qaraaba-kiilk, nin jeclaysiga shaqaalaysiinta la xiriirta	Shaqo-doonayaalka waxaa niyad jabiya qaraabakiil, nin-jeclaysi ku baahday meelaha shaqada laga doonto ha noqdaan kuwo dowlaadeed ama kuwa gaarka ahe; mana aha in go'aanka shaqaalaynta lagu dhiso "yaad taqaanaa ama yaa ku yaqaanna" ee waa in lugu dhisaa maxaad taqaanaa, soo baratay ama maxaad qaban kartaa.	Dhammaan wasaaradaha iyo hay'adaha dowladda federaalka iyo kuwa dowlad goboleedyada Wasaaradaha Shaqada iyo Shaqaalaha dowladda federaalka iyo kuwa maamul goboleedyada Hay'adda Shaqaalaha rayadka ah ee dalka Rugaha Ganacsiga Goobaha shaqada ee gaarka loo leeyahay Hay'adaha aan dowliga ahayn Saamileyda caalamiga ah	Hirgeli xarun laga hubiyo shahaadooyinka ama xirfadaha la xiriira nooc kasta oo shaqo ah, waana in shaqo-bixiyayalka lugu dhiirrageliyo, hubinta sax ahaanta shahaadooyinka, si qofkii wax bartay ee shahaado wata uu shaqo u helo halka uu ka heli lahaa qof qaraabakiil ku yimid. Si loo xaddido shaqaaleysiinta qaraabakiilkha iyo qabyaaladda ku timaadda, waa in la sameeyo sharci si shaqo bixinta iyo shaqo heliddu ay u noqto mid daahfurnaan ; Samee sharci shaqo bixinta iyo shaqo helidda ka dhigaya mid daahfuran – si loo xaddido shaqaaleysiinta qaraabakiilkha iyo qabyaaladda ku timaadda; Samee kormeere madax bannaan oo hoostaga wasaaradha shaqada kaa oo dhagaysta caba-shoooyinka shaqada iyo shaqaalaha la xiriira kana soojeediya talooyin wax lagaga qabanayo dhaqanka shaqaalaysiinta ee aan caddaaladda ahayn.
In la diyaariyo lana dhiirigaliyo xeerar iyo siyaasado shaqo iyo shaqaale si loo hago suuqa shaqada, loo boorriyo shaqo abuur loona ilaaliyo xuquuqda shaqaalaha.	Waxaa loo baahan yahay in dib loo eego oo la iswaafajiyo sharciyada shaqada iyo shaqaalaha si loo abuuro jewi dabacsan, tartan, wax soosaar, shuruudo shaqo oo wanaagsan iyo fursado shaqo oo loo siman yahay. Sharciyada shaqada oo aan ahayn kuwo habboon oo shaqayn kara, siyaasadaha shaqada oo aan midaysnayn iyo sharciga oo aan la ilaalin ayaan caqabada ku ah shaqo abuurka.	wasaaradaha shaqada iyo shaqaalaha dowladda federaalka iyo kuwa maamul goboleedyada Hay'adda Shaqaalaha rayadka ah ee dalka Rugaha Ganacsiga Goobaha shaqada ee gaarka loo leeyahay Hay'adaha aan dowliga ahayn Saamileyda caalamiga ah	Samee, dhaqangali, dib u eegisna ku samee sharciyada dowladda dhexe iyo kuwa dowlad goboleedyada ee shaqada iyo shaqaalaha la xiriira si loo ilaaliyo xuquuqda shaqaalaha oo dham (kuwa dowladaha u shaqeeya iyo kuwa goobaha shaqada ee gaarka ah ka shaqeeya) Cusboonaysii oo dhaqan geli sharciyada iyo siyaasadaha shaqooyinka dalka ka jira u xiraya muwaadiiniinta mudan. Samee, dib u eegis ku samee, isna waafaji sharciyada shaqada iyo shaqaalaha ee haatan jira iyada oo lala tashanayo saamileyda.

Tabaha	Caqabadaha	Saamileyda	Talaabooyinka
Waa in la xoojiyo uruurinta iyo baahinta macluumaad dhamaystiran oo la xiriira shaqooyinka dalka.	Maal-gashadeyaasha shisheeye iyo kuwa sokeeyaba ma helaan xog lagu kalsoonaan karo, xog la'aantaasina waxa ay dhalisay in ay ka feejignaadaan ama ay ku dhiirran waayaan maal-gashiga dalka halkii haddii macluumaad jiri lahaa ay maalgashan lahaayeen shirkado abuuri lahaa shaqo.	Wasaaradaha shaqada iyo qorshaynta waxbarashada Rugaha ganacsiga Hay'adda Istaatistikada Qaranka Guddiga Shaqaalaha Rayadka; Rugta Ganacsiga	Kordhi dadaalka lagu uruuriinayo xogaha la xiriira shaqada iyo shaqaalaha iyada oo la hawgalinayo lana kaashanayo Hay'adda Istaatistikada Dalka iyo goobaha shaqada ee kale, kuwa dowladaha iyo kuwa gaarka ahba. Abuur xiriir wada shaqayneed oo u dhexeya dowladda dhexe, dowlad goboleedyada iyo saamileyda kale si loo uruuriyo loona baahiyo xogaha ku saabsan shaqada iyo shaqaalaha. Waajib uga dhig goobaha tacliinta, shaqada iyo saamileyda kale in ay soo gudbiyaan warbixino iyo wargalin joogta ah iyaga oo istcimaalaya Internetka ama si kale usoo gudbinaya.

Caqabadaha curyaamiyey ila-dakhliyedka beeraha iyo xoolaha: Tabaha (istiraatajiyadha) iyo xalalka daawada u ah caqabadahaas

Tabaha	Caqabadaha	Saamileyda	Talaabooyinka
<p>Diyaari iskuullo tababarka farsamada gacanta (TVET) oo ku dhisan baahida suuqa ka jirta; sidoo kale diyaari barnaamij aqoon iyo xirfad kordhineed ee beeraha iyo xoolaha.</p>	<p>Dhallinyarada hadda ka soo qalinjabisay machadyada iyo jaamacadahu ma laha xirfadihii aasaasiga ahaa ee beeraha iyo xoolaha. Sidoo kale ma laha aqoonta aasaasiga u ah si ay u istcimaalaan tignoolojiyadda casriga ah ee cilmibaarista beeraha, sida dalagyada iyo cimilada ay ku baxaan, maamulka iyo tignoolojiyadda wax soo saarka beeraha iwm.</p> <p>Waxbarashada beeraha iyo xoolaha oo hadda la bixiyaa, ma laha aqoonta gacanta laga qabto oo qofka la tusayo si uu u tababarto, oo waxa ay u badan tahay buug la akhriyo. Tignoolojiga beeruhu si degdeg ah ayuu isu baddalayaa, haddii aan la helin xirfadlayaa tignooloojiyadda yaqama oo isticmaala, Soomaaliya waxaa laga yaabaa in ayna kor u qaadin wax soo-saarkeeda beeraha ama loollan-galkeeda gobolka iyo caalamkaba.</p>	<p>Wasaaradaha beeraha, xoolaha, Shaqada, Dhallinyarada, Waxbarashada, Qorshaynta iyo Maaliyadda (dowladda dhexe iyo dowlad goboleedyada.)</p> <p>Machadyada tacliinta sare iyo kuwa tababarka farsamada gacanta;</p>	<p>In la hormariyo iskuullada tababarka gacanta iyo barnaamija kobcinta xirfadaha iyada oo diiradda la saarayo xirfadaha looga baahan yahay suuqa shaqada ee beeraha iyo xoolaha si kor loogu qaado shaqo aburka iyo kobaca dhaqaalaha.</p> <p>In loo abuuro ardayda jaamacadaha tababar-shaqeed (internships) iyo tababr-gacmeed (apprenticeships) si ay u helaan khibradda lagama maarkaanka u ah ka shaqaynta beeraha iyo xoolaha;</p> <p>In la diyaariyo manhaj waxbarasho oo loogu talagalay beeraha iyo xoolaha kaas oo ku wajahan xaaladda Soomaaliya, kana jawaab celinaya baahiyaha suuqa. Tababarradu waa in ay noqdaan kuwo ardayda baraya xirfado gacmeed uu ardaygu adeegsan karo tignoolojiyadda casriga ah iyo ka gacansiga iyo maamulka beeraha.</p> <p>In la shaqaleeyo macallimiin tayo iyo aqoon leh ama ah xirfadlayaal ku takhasusay beeraha iyo cilmiga xoolaha oo leh xarumo wax lugu baaro (shay-baarro) si loo helo barnaamijyo waxbarasho oo leh tayada waxqabad ee dalka lugu horumarin karo.</p>

Tabaha	Caqabadaha	Saamileyda	Talaabooyinka
			<p>In la soo rogo, lana taageero baridda luuqadda ardayga wax lagu barayo sida Ingiriiska oo ku xiran, qaybna ka ah waxbarashada. In waajib looga dhigo dhammaan jaamacadaha in ay sameeyaan xarunta barashada luuqadda Ingiriiska oo ardaygu uu dhiganayo sannadka koowaad ee jaamacadada ilaa ardaygu uu ka kaaro heer qiimeyn caalami ah leh oo uu keeni karo dhibco sare imtixaannada IELTS, TOEFL ama kuwa la midka ah.</p>
			<p>In la abuuro wadashaqyn u dhaxaysa hay'adaha dowladda, jaamacadaha, goobaha shaqada, kuwa dowladda iyo kuwa gaarka ahba, si ay u bixiyaan tababar shaqo iyo tacliin wada socota oo kor loogu qaadi karo cilmi-baarista beeraha iyo xoolaha, isticmaalka tignoolojiyadda iyo weliba soo bandhigidda noocyu cusub oo tignoolijiyadda casriga ah</p>

Tabaha	Caqabadaha	Saamileyda	Talaabooyinka
Si loo soo saaro jaamiciyiin karti leh, waa in la diyaariyo oo la kobciyo tacliin sare oo xirfadeed oo tayo leh oo beeraha iyo xoolaha ah kuwaas oo leh manhaj, xeerar iyo qawaaniin haga waxbarashada.	Cilmibaaristu waxa ay soo bandhigtagtay cillado badan oo ragaadiyey isticmaalka tignoolojiyadda tacliinta sare ee beeraha iyo xoolaha. Machadyada tacliinta sare ma laha shaybaaro munaasab ah, macallimiin aqoon fican leh, beero ay ku sameeyaan tijaabooyin iyo manhaj la xiriira waxbarashada ay bixiyaan	Wasaaradaha beeraha, xoolaha, waxbarshada (dowladda dhexe iyo dowlad goboleedyada); Machadyada iyo jaamacadaha, dugsiyada tababaraka farsamada gacanta, wasaaradaha qorshaynta iyo maaliyadda (dowladda dhexe iyo dowlad goboleedyada); Rugaha ganacsiga	Si loo xaqiijiyo, ahmiyadda Qorshaha Horumarinta Quranka (NDP-9) ee ah in la xoojiyo waxsoosaarka, waa in dowladda fedaalika iyo dowlad goboleedyadu ay maalgeliyaan tignoolojiyadda casriga ah ee beeraha iyo xoolaha, dibna loo habeeyaa qaab dhismeedka siyaasadda, hannaanka maamul iyo xeerarka haga ilaha dekhli-abuurka. In waxbarashada beeraha iyo xoolaha ee buug akhrinta ah lugu daro tababarro ama xirfad-gacmeedyo ay la socoto shaybarro iyo beero lugu tababarto si ardadu ay u yeeshaan aqoon dhab ah iyo xirfadaha suuqa looga baahan yahay. In la hirgaliyo barnamijyo waxbarasho oo lagu barto: mehered-abuur, maamulka beeraha iyo xannaanada xoolaha si loo soo saaro xirfadlayaal aburi kara, maamulina kara ganaci beered ama mid xoolaad oo tiknoolijidda casriga ah adeegsan kara.
			In laga dalbo machadyada iyo jaamacadaha tacliinta sare ee beeraha iyo xoolaha in ay leeyihiin, kuna dhaqmaan hannaan tayodhawr ah; waana in Guddiga Tacliinta Sare ee Dalka (GTSD) ay kormeeraan jaamacadaha iyo machadyada ay aqoonsiga siiyneyaa.
			Si loo daboolo baahiyaha shaqo ee ilaha wax soosaarka dalka, kulliyadaha beeraha, xannaanada xoolaha, kalluumaysiga iyo khayraadka badda ee Jaamacadda Ummadda waa in la siyo mudnaanta ugu sarraysa iyo dhaqaale ku filan si ay u shaqaalaysiyan macallimiin tayo leh, u helaan goobo waxbarasho oo tayeysan kuwaas oo loo oggolaanayo in ay ku tababararan karaan ardayda jaamacadaha kale ee ay wasaaradda waxbarashada hiddaha iyo tacliinta sare ay aqoonsan tahay.

Tabaha	Caqabadaha	Saamileyda	Talaabooyinka
Muhiimad gaar ah in la siiyo maalgashiga kaabayaasha ilaha wax-soo-saarka ee xoolaha iyo beeraha si dalku uu u hanto ama u daboolo baahidiisa cuntada ama quudka.	<p>Soomaaliya waxaa aafeeyey cunto laaan iyo saboolnimo in kasta oo dhul beereed iyo wabiyaalba uu dalku leeyahay.</p> <p>Abaaro iyo daadad soo noqnoqday ayaa iyaguna ka mid ah sababaha ay tiro ku dhow 80% bulshada Soomaaliyeed ugu nool yihii saboolnimo. Bulshadeenna barkeed waxa ay ku tiirsan tahay cawimaad banii'aadamnimo, inta kalena waxa ay ku tiirsan yihii cuntada aasaasiga ah ee dibada laga keeno.</p>	<p>Wasaaradaha beeraha iyo xoolaha nool, waxbarshada (dowladda dhexe iyo dowlad goboleedyada); Machadyada iyo Jaamacadaha, dugsiyada tababarka farsamada gacanta,</p> <p>Wasaaradaha Qorshaynta iyo Maaliyadda (dowladda dhexe iyo dowlad goboleedyada);</p> <p>Rugaha ganacsiga.</p>	<p>In la hirgeliyo barnaamij qaran oo meelaha daqsinta iyo beeraha ah lagaga dhisayo xurfodo / barkedo yaryar iyo biyo-xireenno.</p> <p>In la dejijo xeer-hoosaadyo ay meelmariyaan dowladda federaalka iyo dowlad goboleedyadu oo dhiiri-galinaya wax soosaarka cuntada aasaasiga ah iyadoo la istcimaalayo tabo sida canshuur dhaafka ah.</p> <p>In dib loo dhiso mashruucii bariiska ee Jowhar si dalku isu quudiyo, loo yareeyo cuntada dibadda laga keenayo, loona abuuro fursado shaqo oo cusub.</p> <p>In laga ilaaliyo hay'adaha caawimaaddu inay suuqa dalka kasoo buuxiyaan cuntada aasaasiga ah taas oo wax u dhimaysa wax soo saarka dalka.</p> <p>In dowladuhu (federal ama gobolka) ay ahmiyad siyyaan tababarka injineerada iyo farsamo yaqaanada beeraha iyo kaydinta biyaha.</p> <p>In la horumariyo suuq-raadinta dalagga soo goa ee dalka gudhiisa iyo dibbaddiisaba.</p> <p>In la bixiyo deeqo kooban lana fududeeyo deymo yaryar si loo dhiiri-geliyo wax soosaarka beeraha iyo xoolaha ee dalka.</p>

Tabaha	Caqabadaha	Saamileyda	Talaabooyinka
Maal-geli oo horumari wax soosaarka, dhoofinta, kaabayaasha, maamulka iyo ka ganacsiga xoolaha iyo ganacsiyada ku xiriirsan si dhaqqaalaha loo kobciyo	<p>Soomaaliya waxaa ku nool 50 malyan oo xoolo ah.</p> <p>Dalku waxa uu soo saaraa hilib ku filan bulshada Soomaaliyed.</p> <p>Dhoofinta xoolaha nooli waa isha ugu weyn ee dalka soo galisa lacagta adag.</p> <p>Laakiin qaybtan xoolaha weli sidii la rabay uma horumarsana, waxa ayna u baahan tahay in il-gaar ah lagu eego arrimaha ay ka midyihiin: daryeelka caafimaadka xoolaha, kaabayaasha laf-dhabarka u ah horumarinta xoolaha iyo suuqa xoolaha iyo inta ku xiriirsan iyo ballarinta ka ganacsiga iyo ka faa'iideysiga xoolaha</p>	<p>Wasaaradaha xannaanada xoolaha, dhirta iyo daaq; maaliyadda iyo qorshynta (dowladda dhexe iyo dowlad goboleedyada);</p> <p>Iskaashatooyinka xoolaha;</p> <p>Hay'adaha maalgashiga</p>	<p>In la dhiso goobo tayo sare leh oo lagu quadiyo lagana waraabiyo xoolaha iyada oo biyo-xireenno cusub la dhisayo lana dayactirayo kuwii hore si biyaha la kaydiyo loo isticmaalo xilliga abaarah.</p> <p>In la sameeyo nidaam xakameeya cudurrada xoolaha iyo dullinka beeraha iyada oo la isticmaalayo tallaallo iyo ka warhayn joogto ah.</p> <p>In dadka ka shaqeeya dhaqashada iyo wax soosaarka xoolaha la siyo tababarro ku wajahan beekhaaminta iyo ilaalinta daqsinka, calafka xoolaha iyo diyaarintoodaba.</p> <p>In la abuuro barnaamij iyo mashaariic maalgashi oo lugu kobcinayo wax soosaarka iyo ka ganacsiga xoolaha oo ay ka qayb qaadanayaan dowladda iyo shirkadaha gaarka loo leeyahayba</p> <p>In la qaado ol-olayaal qorshaysan oo lagu dhiiri-galinayo maalgashiga dalka iyo midka caalamiga ah ee xoolaha.</p> <p>In la dhiiri-galiyo iskaashiga u dhxeeyaa shirkadaha teknoolajiyadda casriga ah si loo horumariyo suuggeynta xoolaha, wadaaggaxogta iyo adeegyada kale sida dirista maaliyadda iyo agasinka xisabaadka, ka warhaynta xanuunnada soo kordha iyo xog-wadaagoodaba.</p> <p>Waa in wax laga baddalo aragtida dadku ay ka qabaan qaabkii hore ee xoolaha loo dhaqan jirey.</p> <p>Waana in la soo bandhigo qaabab casri ah oo looga ganacsan karo xoolaha iyada oo la adeegsanayo warbaahinta ayaa wacyi gelin ku aaddan wax soosaarka xoolaha iyo ganacsiyadooda kala duwan lala wadaagi karaa dadweynaha iyo xoolo dhaqatadaba.</p>

Tabaha	Caqabadaha	Saamileyda	Talaabooyinka
Hirgeli oo si adag u dhaqangali siyaasado iyo sharchiyo bii'ada ama degaanka dhawraya	<p>Nabaad-guurka ku dhacay qaybo badan oo dalka ah waxaa keenay maamul xumo xagga bii'ada ah sida kheyraadka oo si xad kabax ah loo isticmaalo, dhowridda iyo dhaqangelinta sharciga oo aan fulin, hay'adahii laf-dhabarka ahaa oo doorkoodii gabay, carrada iyo biyaha oo aan sidii loo baahnaa loo daryeelin iyo kiimikada bacriminta iyo midda cayaanka disha oo si aan sax ahayn beeraha qaarkood loogu isticmaalo.</p> <p>Masiibooyinka dabiiciga ah sida is-baddelka cimilada, abaaraha iyo daadadka ayaa iyaguna saameyn weyn ku leh horumarinta beeraha iyo xoolaha.</p>	<p>Madaxda dowladda dhexe iyo kuwa dowlad goboleedyada;</p> <p>Hay'adda bii'ada ama deegaanka; xafiiska ra'iisul wasaaraha;</p> <p>Wasaaradaha kaalmada banii'aadminimada iyo ka hortagga masiibooyinka;</p> <p>Wasaaradaha biyaha iyo kheyraadka tamarta (dowlaadda dhexe & dowlad goboleedyada);</p> <p>Saamileyda caalamiga ah;</p> <p>Hay'adaha aan dowliga ahayn ee bii'ada.</p>	<p>In la dhammaystiro, la is-waafajiyoo oo la dhaqangeliyo xeerarka dalka ee haatan jira oo ku saabsan dhaqaaleyn ta iyo ilalinta bii'ada iyo ka hortagga nabaad-guurka iyo xaalufinta</p> <p>In la sameeyo Wakaaladda Deegaanka Qaranka si ay u hoggaamiso xeerarka deegaanka iyo bii'ada la xiriira, una diyaariso qorshaha ka badbaadidda musiibooyinka, oddoroskooda, ka digidooda iyo ka-falcelinta abaaraha, fatahaadda iyo masiibooyinka kale.</p> <p>In la dhiirri-galiyo daryeelka iyo ilalinta bii'adu in ay tahay masuuliyad qof kasta saaran iyada oo si gooni ah loo wacyigelinayo xoolo-dhaqatada iyo beeraleyda, hoostana laga xarriiqayo muhiimadda ay leedahay daryeelka iyo sax u isticmaalka kheyraadka dalka.</p> <p>In la sameeyo xarumo iyo barnaamijyo qaran iyo kuwo goboleed oo ka hortagaya nabaad-guurka iyo xaalufinta dhulka si deegaanadu ay u ahaadaan kuwo ku habboon daaqa.</p> <p>In ahmiyad la siiyo oo la maalgaliyo mashaa riicda biyo kaydinta sida dhismaha biyo-xireenno laga sameeyo daanta wabiyada Shabeelle iyo Jubba iyadoo la dejinayo nidaam agasima biyaha labadaas webi.</p>

Tabaha	Caqabadaha	Saamileyda	Talaabooyinka
Si dalka looga haqabtiro cuntada, waa in muhiimad sare la siyo wax soosaarka dalka iyada oo la samaynayo siyaasado joojinaya ama yaraynaya cuntada dibadda laga keeno, ballarinaya suuqyada dalka, soo jiidanaya maalgashiga, korna u qaadaya isku-tashiga iyo casriyeynta si shaqooyin loo abuuro, dhaqaalaha loo xoojiyo cunto yaradina looga hortago.	Shaqada beeraha iyo xoolaha gaar ahaan shaqooyinka ardayda hadda soo qalin jebisay iyo beeralayda waxaa curyaamiyey nabadgelyo xumo, maalgalin la'aan, tababar xumo iyo siyaasado aan wax ugu oollin wax soosaarka dalka.	Dowladda dhexe iyo dowlad goboleedyada; Wasaaradda Beeraha; Wasaaradda shaqada iyo arrimaha bulshada;	In lugu taageero deeqo iyo deymo yaryar ardayda soo qalinjabisa si ay u bilabaan inay iskood uga shaqaystaan beeraha iyo xoolaha sida furitaanka xarumaha daryeelka beeraha iyo xoolaha, tallalka xoolaha, samaynta beeraha green house-ka, waraabinta dallaga ee salka geedka ama aburka lala egto, iyo xarumaha xakamaynta cuduradda beeraha iyo dulanka xoolaha.
		Iskaashatooyinka beeraha;	In la taageero aqoon-kororsiga ama barnaamijaya sii wadidda waxbarshada ee ardayda iyo beeralayda si kor loogu qaado beershada iyo dhaqashada xoolaha.
		Ganacsiyada gaarka ah;	In la dhiirri-galiyo dhiraynta iyo beeraha magaaloooyinka laga dhex-sameeyo iyo waraabka dalлага rusheeya si shaqo loogu abuuro ardayda soo qalinjabisa oo aan shaqo ka heli karin beeraha magaalada ka baxsan.
		Bangiyada maalgelinta;	In la maalgeliyo horumarinta, qurxinta iyo cabbaynta badeecooinka la soo saaro iyada oo weliba tayo dhowr rasmii ah la marinayo si suuq-galintoodu ay u sahlanato.
		Wasaaradda ganacsiga iyo warshadaha	In badeecooinka beeraha loo sameeyo magac-bixin iyo astayn qurxoon oo soo jiidasho leh si suuqyada caalmiga ah loogu iib geyn karo.
			In la hirgeeliyo biyo-xireenno biyaha kaydiya, si waraab loo helo xilliyada abaaraaha ah.
			In dhulka daaqsinka ah la agaasimo iyadoo la seereynayo ama la xirayyo qaybo, si loogu baxsado xilliyada jiilaalka ah.
			In la xiriiryo wasaaradaha arrimaha beeraha iyo xooluhu ay khuseeyaan si loo dhiirrigeliyo aburka ganacsijo cusub oo qaybahaa dalka u leh muhiimad istaraatiji ah sida goobaha daryeelka caafimaadka xoolaha, dukaamada daryeelka beeraha iyo xoolaha, kaydinta biyaha iyo kocbinta beershada, beeraha magaaloooyinka, fidinta adeegyada beeraha si loo dhiirri-galiyo wax soosaarka loona ogaado oo loo xakameeyo cuduradda iyo cayayaanka beeraha iyo xoolaha ku dul nool.

Tabaha	Caqabadaha	Saamileyda	Talaabooyinka
<p>Kor u qaad wacyiga, rabidda iyo ku qancidda saamileyda si loo uruuriyo xog lagu kalsoonaan karo oo ku saabsan beeraha iyo xoolaha.</p>	<p>Xog sax ah, xilli ku habboon la isu keenay lana heli karo markii loo baahdo ayaan lagama maarmaan u ah samaynta siyaasado dhaxal gal ah oo ilaha dekhliga ee beeraha iyo xoolaha ku saabsan.</p>	<p>Wasaaradda beeraha; Iskaashatooyinka beeraha;</p> <p>Waaxda istaatiistikada ee wasaaradda qorshaynta, maalgashiga iyo horumarinta dhaqaalaha.</p>	<p>In la sameeyo qaab xog uruurin iyo kormeer iyada oo degmo walba la geynayo xog uruuriyaal haysta qalabkii ama agabkii xogta lagu uruurin lahaa sida raadye, kombuyuttarro iyo teleefano;</p> <p>In xogaha la aruuriyo la lafa-guro oo laga dhigo xog dadku fahmi karo lana gaarsiyo saamileyda ay khusayso iyada oo laga baahinayo barnaamijta raadiyaha isla markaasna la soo-saarayo warbixinno iyo ogeysiisyo joogto ah .</p> <p>In la sameeyobaaritaan lugu ogaanayo dalagyada beeraha ee heli kara suuq fiican oo caalami ah waxna ka tari kara isku filnaanshaha xagga cuntada ee dalka.</p>

Caqabadaha Curyaamiyey Kalluumaysiga: Tabaha (istiraatajiyadaha) iyo xalka daawada u ah

Tabaha	Caqabadaha	Saamileyda	Talaabooyinka
Hagaaji xeerarka iyo siyaasadaha dowladda dhexe iyo kuva dowlad goboleedyada ee la xiriira kalluumaysiga si loo kobciyo dhaqaalah shaqooyinna loo abuuro.	<p>Il-dakhliyedka kalluumaysigu waa mid aan weli horumarsanayn, qaddarintii ay mudnayd aan helin, kuna xiran kalluumaysiga qalab-gacmeedka isticmaala. Wuxuu ay dakhliga dalka kusoo biirisaa dhaqaale dhan 2% oo kaliya. Aad looma isticmaalo tignooloojiyadda kalluumaysiga iyo wax soosaarka rasmiga ah. Maalgashi lagu sameeyo kalluumaysiga aaya kor u qaadi kara heerka nolosha bulshada shaqooyinna abuuri kara.</p> <p>Weliba, maamullada hadda jira ee kalluumaysatada Soomaaliyeed waa kuwa aan si baahsan u shaqayn, mana ay laha wada shaqayn, sharchiyo iyo qorshe, kaa oo si wanaagsan u hawlaliya saamileyda.</p>	<p>Wasaaradaha kalluumaysiga iyo kheyraadka badda, qorshaynta, maaliyadda, horumarinta reer miyiga ee dowladda dhexe iyo dowlad goboleedyada;</p> <p>Rugaha ganacsiga;</p> <p>Saamileyda horumarinta ee caalmaiga ah;</p> <p>Wasaaradaha dekadaha iyo gaadiidka badda (dowladda dhexe iyo dowlad goboleedyada)</p> <p>Ciidamada badda, Jaamacadaha iyo Ururradha cilmi-baarista.</p>	<p>In la xoojiyo awoodda wax-qabad ee Wasaaradaha Kalluumaysiga iyo Kheyraadka Badda iyada oo miisaaniyad ku fillan loo qoondeynayo shaqaalahana la tababarayo.</p> <p>In dib loo eego, la iswaafajyo, lana cusbooneysiyo sharciyadda kalluumaysiga ee dowladda dhexe iyo dowlad goboleedyada iyadoo si cad loo qeexayo doorarka sharci iyo awood ee ay kala leeyihiin heerarka kala duwan ee dowladda (dhexe, gobol iyo degmo).</p> <p>In la dejijo sharci kalluumaysiga haga oo qeexaya dakhiwadaagga u dhxeeyaa dowladda fedaalka iyo dowlad goboleedyada.</p> <p>In lugu daro sharciga kalluumaysiga ee Dowlad goboleedyada mabaadiida maamul-wadaagga, xuquuqda iyo waajibaadka kalluumaysatada iyo dadka kale ee khayraadka badda ka shaqaysta.</p> <p>In la diyaariyo lana hirgeliyo siyaasad qaran oo kalluumaysi, taa oo hagta horumarinta, maamulka iyo ilaalinta kheyraadka badda.</p> <p>In la diyaariyo lana hirgeliyo qorshe guud oo loogu talagalay horumarinta kalluumaysiga dalka kaa oo daboolaya dhammaan gobollada, kheyraadka iyo waxyaabaha la xiriira.</p>

Tabaha	Caqabadaha	Saamileyda	Talaabooyinka
			In la sameeyo kormeer waxqabad, korjoogteyn, ilaalin iyo xakamayn heer qaran iyo mid gobolba ah.
			In la sameeyo daraasad qiimeyn xilliyeed ah iyo daraasado kale si loo hubiyo xaaladda, firirsanaanta iyo inta ay tahay tirada noocyada gaarka ah ee kheyraadka badda ee sida gaarka ah loo ilalinayo.
			In la sameeyo oo la hirgeliyo nidaam qaran oo xog uruurin, qorshe iyo maareynta kalluumaysiga ah oo loogu talagalay dhigaalka kheyraadka badda ee u muuqda in si xad dhaaf ah loola soobaxo sida aangoosatada badweynata, libaax badeedka iyo noocyada kalluunka ee badweynata ku nool.
			In la sameeyo oo la hirgeliyo qorshe hawleed heer qaran ah oo lagu ilalinayo kheyraadka xeebaha iyo badweynata kaas oo ku dhisan ka hortag, baqdin-gelin iyo soo afjaridda kalluumaysiga aan sharciga ahayn oo aan dowladda lugu wargelin si aan sharciga waafaqsanayna loo kalluumaysto.
			In la abuuro oo la hawlgeleyo hay'ad qaran oo karti, awood sharci iyo mid baaritaanba leh taas oo ku salaysan Qawaaniinta (caalamiga ah ee) Kormeerkha iyo Dundhawrka Kalluunka (QKDK) mas'uulna ka ah xaqijintaa iyo kormeerkha kalluunka iyo kalluumaysiga.
			In la sameeyo qorshe guud oo dowli ah oo lagu abuurayo kaabayaasha kalluumaysiga (sida dekedaha, kaabab-badeedda iyo jidadka yaryar ee ay kalluumaysatadu isticmaasho); hirgeli qaboojiyayaal casri ah oo meelo badan laga helo iyo wixii tas-hiilaad ama adeegyo ah oo kale oo xeebta ku teedsan iyada oo la kaashanayo waaxda gaarka ah iyo saamileyda kale.

Tabaha	Caqabadaha	Saamileyda	Talaabooyinka
Dhiirigeli oo hirgeli maalgashiga gaarka ah ee kalluumaysiga	<p>Kalluumaysiga Soomaaliyeed waa mid si weyn ugu tiirsan farsamo iyo qalab dhaqameedkii hore, waxanaa ku yar maalgalinta ganacsi.</p> <p>Inkasta oo uu wali korayo, haddana kalluumaysigu sidii la rabay u hanaqaadi mayo haddii aanay jirin maalgelin Soomaali ama ajaanib oo baaxad leh.</p> <p>Maalgalinta gudaha iyo tan dibadda waxaa caqabat ku ah jawiga guud ee dalka oo aan sahanayn diyaarna u ahayn maalgashiga.</p>	<p>Wasaaradda kalluumaysiga iyo kheyraadka badda (dowladda dhexe & dowlad goboleedyada)</p> <p>Wasaaradaha qorshaynta, maaliyadda, horumarinta reer miyiga (dowladda dhexe iyo dowlad goboleedyada)</p> <p>Rugaha ganacsiga; saamileyda caaalamiga ah ee horumarinta;</p> <p>Wasaaradaha dekedaha iyo gaadiidka badda (dowladda dhexe & dowlad goboleedyada);</p> <p>Maalgashadayaasha (Soomaali iyo kuwo ajaanibta ah)</p>	<p>Waa in iskaashi lala sameeyo Xafiiska Dhiirrigelinta Maalgalinta (XDM) (SOMINVEST) ee Wasaaradda Qorshaynta ee dowladda federaalka si kor loogu qaado maalgashiga gaarka u ah kalluumaysiga loona dhiirrigaliyo maalgashiga iyo ganacsiga kalluumaysiga Soomaaliya.</p> <p>Si loo dheellitiro kharashka badan ee gala bilowga ganacsiga kalluumaysiga, in qorshaha lugu daro in canshuur dhaaf loo sameeyo maalgashadayaasha dalka iyo kuwa dibadda ee ka kalluumaysanaya Aaggaa Dhaqaalaha ee Soomaaliya (EEZ).</p> <p>In la dhiirigaliyo maalgashiga tooska ah ee shisheeyaha ama midka gaarka loo leeyahay maalgashiyadaa oo gaar u ah horumarinta ganacsiga kalluumaysiga la joogtayn karo kuwaa oo bixiya deymo dulsaar dhaaf ah, xilliga lagu soo celinayana aanu xilli dhow ahayn isla markaana saameyn weyn oo dhaqaale aan ku yeelanayn deyn qaataha; lana raadiyo kaalmo farsamo oo lagu hiijsanayo horumarinta xirfadaha iyo khibradda kalluumaysiga.</p>

Tabaha	Caqabadaha	Saamileyda	Talaabooyinka
Wax kaqabo gaabiska ka muuqda kalluumaysiga iyada oo loo marayo tayeynta waxbarashada iyo tababarrada.	<p>Dalku ma laha shaqaale xirfad kalluumaysi oo tayesan leh. Jaamacadaha iyo Machadyada tacliinta kalluumaysigu ma laha tababarkii iyo kartidii loo baahnaa si ay usoo saaraan kalluumaystayaal xirfad sarraysa leh.</p> <p>Haddii aan wax laga qaban xirfad yarida shaqaalaha kalluumaysigu waxa ay caqabad ku noqonaysaa helidda maalgelinta.</p> <p>Tababarrada xirfadaha ee haatan jira ma aha kuwa ka jawaab-celinaya baahida suuqa ka jirta.</p> <p>Waxbarashada iyo xirfadaha la xiriira kalluumaysiga ee machadyada dalka ee tacliinta sare waxa ay aad ugu baahan yihiin hagajin, kormeer, caawimaad, isku xir, qorshayn iyo dib-habayn ka go'an oo saamileyda oo dhan ah.</p>	<p>Wasaaradaha Kaluumaysiga iyo kheyraadka Badda; dowladda dhexe iyo dowlad goboleedyada);</p> <p>Wasaaradaha waxbarashada; Qorshaynta; Maaliyadda</p> <p>Rugaha ganacsiga;</p> <p>Saamileyda caalamiga ah ee horumarinta;</p> <p>Machadyada tacliinta sare;</p> <p>Hay'adaha aan dowliga ahayn ee dalka iyo dibadda</p>	<p>Diyaari oo hirgeli qorshe horumarinaya kartida (aqooneed iyo xirfaadeed) ee bulshada oo gaar u ah isha wax-soo-saarka ee kalluumaysiga.</p> <p>Sii sharciyad, awood iyo fududay Hay'adda Qaranqa ee Tacliinta Sare (HQTS) si ay mas'uul uga noqoto una kormeerto waxbarshada culuunta badda iyo kalluumaysiga.</p> <p>In la sameeyo dib u eegis joogta ah iyo is waafajin ku aaddan barnaamijita waxbarasho ee kalluumaysiga la xiriira ee ay bixiyaan machadyada dalka si loola socdo tayada iyo islaanta xirfadaha iyo baahida kalluumaysiga taas oo ku xiran hannaanka qimaynta Shahaadooyinka Dalka</p> <p>In lugu dhiirrigaliyo machadyada tacliinta sare in ay u kala qeybiyaan koosooyinka shahaadada ee ay bixiyaan 4 qaybood oo kala sarreya (shahaado, diblooma, baajular dhiman iyo baajulaar buuuxda) si loo kordhiyo fursadda shaqo ee ardayga loona daboolo xirfad la'aanta jirta.</p> <p>In la sameeyo barnaamij meelo ku habboon laga bixiyo oo tababarka farsamada gacanta ah oo heer kulliyadeed iyo heer jaamacadeed ah oo ay dowladdu maalgioso, gaarna u ah kalluumaysiga kuwaa oo leh qalabkii, macalimiintii iyo maaliyaddii loo baahnaa si ay usoo saaraan shaqaale xirfad leh oo siifan u tababarani.</p> <p>In la diyaariyo machad cilmi-baariseed oo gaar u ah kalluumaysiga kaa oo ay xaruntisuut tahay Muqdisho, faracyana ku leh dhammaan dowlad goboleedyada.</p> <p>In lugu dhiirrigaliyo machadyada tacliinta sare ee hadda jira in ay bixiyaan takhasus cilmiyeed iyo mid saynis kaa oo dabooli kara baahida loo qabo kartida iyo xirfadda shaqo ee il-dakhliyeedka kalluumaysiga.</p> <p>In la hubiyo tababarrada kalluumaysiga la xiriira ee ay bixiyaan hay'adaha dalka iyo kuwa dibadda ka yimid in ay yihiin kuwa ka jawaabaya ama daboolaya baahida xirfadaha kalluumaysiga ee hadda jira.</p>

Tabaha	Caqabadaha	Saamileyda	Talaabooyinka
Waa in la abuuro qorshe lagu shaqaalaysiinayo ardayda ka qalinjabisa kalluumaysiga iyada oo kor loo qaadayo shaqo-galnimadooda iyo fursadaha shaqo-helidda kaddib marka ay qalin jabiyaan.	<p>Si habboon isuguma dheelli-tirna barnaamijaya tababarka ee kalluumaysiga iyo tacliinta sare ee dalka laga helo iyo baahida xirfadda ee suuqa ka jirta. Is dabamarkaasi waxa uu ardada kulliyadaha kasoo baxa iyo goobaha shaqadaba ku ridaa niyadjab xaggaa shaqada ah. Goobaha shaqadu ma helaan shaqaale xirfaddii ay u baahnayeen leh.</p>	<p>Wasaaradaha kalluumaysiga, shaqada iyo shaqaalaha, waxbarashada iyo qorshaynta ee dowladda federaalka iyo dowlad goboleedyada;</p> <p>Jaamacadaha iyo machadyada culluunta badda,</p> <p>Rugaha ganacsiga Maalgaliyayaasha caalamiga ah,</p> <p>Hay'adaha samafalka ee caalamiga ah iyo kuwa dalka</p>	<p>Samee guddi hoosaad isku dhafan oo ka kala imanaya saamileyda tacliinta, ganacsatada, wasaaradaha kalluumaysiga, deeq-bixiyayaasha iyo ardayda si looga tashado loolana socdo baahiyaha xirfadeed iyo kuwa mustaqbalka ee kalluumaysiga.</p> <p>Abuur iskaashi dhex mara ganacsiyada gaarka loo leeyahay iyo saamileyda kale ee kalluumaysiga si loo sameeyo barnaamij waxbarasho oo deeq ah oo tababar farsamo bixiya si kor loogu qado diyaar ahaanshaha shaqo ee ardayga la isuguna xiro shaqaalaha cusub iyo goobaha shaqada.</p> <p>Canshuur dhaaf sii goobaha shaqada si loogu dhiirrigeliyo in ay shaqaalaysiyyaan, siyyaanna tababar xirfadeed iyo mid shaqo arada kasoo qalinjabisa tacliinta badda iyo kalluumaysiga.</p> <p>Waa in dib loo qiimeeyo shahaadooyinka kalluumaysiga iyo xirfadaha la doonoyo ee shaqooyinka dowladda, waana in la shaqaaleeyo ardayda kasoo qalinjabisa kulliyadaha dalka.</p> <p>In la daabaco lana faafiyo xogta la xiriirta baahida jirta ee xirfadda si latus waafajijo baahidaas iyo shaqooyinka mustaqbalka iyo koorsoooyinka la bixinayo.</p> <p>Ku dar tababarka kalluumaysiga koorsooyin maamulka ganacsiga ah iyada oo la tixgelinayo in qaar ka mid ah ardaydu ay iskood u shaqaysan doonaan iyo muhiimadda xirfadaha maareynata ganacsiga.</p> <p>Samee iskaashi saameyn leh kaa oo ganacsiyada cusub u fududeynaya hellida maalgalin, in ay helaan, kaabayaasha qalabka kalluumaysiga iyo dhiirrigalin kale oo loogu talagalay arada qalin jabinaya si ay u bilaabi karaan shirkado yar-yar.</p>

Tabaha	Caqabadaha	Saamileyda	Talaabooyinka
Waa in la dhisa, la mideeyo, korna loo qaado awoodda iskaashatooyinka kalluumaysiga si wadajir ahaan loogu maamulo kaydka kalluun ee ceegaaga xeebaha dalka & kheyraadka badda.	<p>Iskaashatooyinka kalluumaysiga ee dalku waa kuwo aan xooganayn, lahayna awooddi ay kaga qayb-qaadan lahaayeen maamulka kheyraadka badda iyo xeebaha dalka.</p> <p>Kalluumaysatadu waxa ay aaminsan yihiin aragti khaldan oo ah in kalluunku anuu dhammaan karin. Arrintaa waxaa ka sii daran in cid walba oo dooonta ay xeebaha Soomaaliya ka jilaabato iyada oo aanay jirin wax xaddidaya wakhtiga uu kalluumaysan karo iyo tirada kalluunka ee uu qabsan karo.</p>	<p>Wasaaradaha kalluumaysiga iyo kheyraadka badda;</p> <p>Rugaha ganacsiga;</p> <p>Maalgaliyayaasha;</p> <p>Iskaashatooyinka kalluumaysiga.</p> <p>Dawladaha hoose;</p> <p>Machadyada farsamada iyo tabarka gacanta</p> <p>Saamileyda caalamiga ah ee horumarinta.</p>	<p>Samee nidaam ruqso bixineed oo laga doonayo dhammaan doomaha kalluumaysiga ee dalka si loo xaddido kalluumaysiga bilaa-xudduudda ah ee xeebaha dalka.</p> <p>Samee goobo cayiman oo kalluunka la keeni karo markii la soo qabto; kana mammuuc in kalluunka laga soo dejiyo meel aan ahayn meelaha loo cayimay.</p> <p>Samee xafis iyo shagaale maamula xeebaha kuwaa oo isha ku haya dhammaan kalluunka kasoo dega goobaha loo cayimay iyo xeebaha oo dhan.</p> <p>Samee iskaashatooyin kalluumaysi oo heer degmo ah, kuwa haatan jirana dib u habeyn ku samee si daahfurnaan iyo wadatashi leh iyada oo guddiyada maamulkana si xor ah oo xalaal ah loo dooranayo.</p> <p>Dhammee diiwaangelinta hakatay ee kalluumaysatada dalka ah ee Puntland, Galmudug, iyo Jubbaland, islamarkaana gaarsii ama habkaan ku baahi gobollada Hirshabeelle iyo Koonfur Galbeed iyada oo la hubinayo in dhammaan kalluumaysatada dalku ay is diiwaangeliyaan.</p> <p>Amar kalluumaysatada dalku in ay ku biiraan iskaashatada degmadooda ka jirta.</p> <p>Sii iskaashatada kalluumaysiga tababar xirfaddooda lagu dhisayo kuwaas oo ay ka mid yihiin mabaadiida wada-maamulka si loogu sahlo in ay arrimahooda si hagaagsan u maamulaan loona wada-maamul kheyraadka badda.</p> <p>U fidi deeq waxbarasho kalluumaysatada taas oo lugu dhisayo fahankooda kobcinta noolaha badda, ilaalinta khayraadka badda iyo isticmaalka kheyraadka badda iyada oo aan waxyeello loo geysaneyn tirada iyo tayada kheyraadka badda lana adeegsanayo isticmaalka qalab iyo habab aan kheyraadka badda wax u dhimayn.</p>

